

WANTOK

NIUSPEPA BILONG OL PAPUA NIUGINI STRET

44 pes

Namba 766

9 - 14 Mas, 1989

30 toea



Ona i lukim Primia Kabui

LIDA bilong ol Not Solomons Rambo, (paitman) Francis Ona i bin kamap na lukim Primia Joseph Kabui long Tunde 7 mas.

Long 10 klok stret, em i bin kam stapim ka bilong em long ai bilong Arawa Plis Stesin na wokabaut i go long opis bilong primia. Tasol ol plisman i wok long dispela taim i no luk-save long em.

Ripot i kam long Arawa i tok olsem ol plisman long Arawa na tu ol wokman bilong

Provinsal Afeas i no klia long em.

Ripot i tok olsem Ona i go lukim primia na toktok wantaim em pinis na i kam autsait na kalap long ka na em i go.

Ol plisman long Not Solomons i wok long painim em yet.

Gavman i senisim taim tambu long Not Solomons. Nupela taim bilong kamapim taim tambu 10 klok nait na pinis long 5 klok long moning i stat pinis.

Boda rot-Wutung laikim K500,000

OL pipel bilong ples Wutung i laik save long wanem kain toktok tru i bin kamap namel long gavman bilong Indonesia na Papua Niugini. Bikos ol i wari long graun bilong ol.

Tupela gavman i bin bung long toktok bilong Intanesenel Boda Rilesensip long Biak Allan. Kibung ya i bin kamap long Februeri 3-5, long dispela tia.

Mausman bilong ol pipel Stanis Chilong i tok 4-pela mun i lus pinis tasol ol pipel i no kisim yet wanpela toktok long ol dispela opisa.

Em i tok ol pipel tu i bin givim wanpela ripot long bikpela PNG/Indonesia Haiwe. Longpela bilong dispela rot inap long 20 kilomita. Rot ya bai ran i go long ples Wutung na go olgeta long riva Tami long hap bilong Indonesia.


Mista Chilong i askim tu sapos PNG na Indonesia gavman i tok-tok long stretim kompensesen mani bilong ol asples Wutung. Mak bilong mani ol asples i makim em K500,000.

Em i tok dispela hevi bilong graun em tupela bikpela toktok tasol dispela kibung bilong gavman i no tingting long stretim.

Plantil ol wanpisin bilong Chilong long Papua Niugini i no gat graun. Ol i tok bikpela hap graun bilong ol i stap long arapela sait long boda.

Mista Chilong i tok dispela mak nau i stap long boda i no mak tru. Dispela mak em ol lain bilong Jeman i putim tasol.

Em i tok gavman bilong PNG i no laik stretim kwik dispela ol hevi orait ol pipel bai askim Indonesia long stretim.



"Stevie Wonder" bilong Kabanut

STEVEN WONDER bilong Papua Niugini hai katim singsing long wokim kaset bilong em. Nem bilong em Hosea Wartabar na em bilong ples Kabanut insait long Namatani Distrik long Niu Ailan provins. Wartabar i no olsem Steve Wonder tru na i gat plantil mani. Nogat. Em aipas tasol em i gat moa save long paitim gita. Em i katim singsing kaset ya "Eye Jacked" bai kamap long dispela yia.

Australia bisnisman i trikim ol Porgera - p3



Ol Wina bilong Wantok Bingo No. 1 Ol prais-K10 na ol 'T' siot

1. B. Kenori - NCD
2. MDickson - Wewak
3. R. Benedict - Madang
4. P. Utete - Kimbe
5. L. Selsel - NCD

• Traim resis namba tu - pes 20



• Sofbal gren fainels - pes 25

Traim Swit Bilong Morobeen Kokonut Kina



Biscuit Makers To PNG

PLUS

Ripot



NCD

NCD - Ol plisman i tokaut long sampela stil pasin i bin kamap long Tunde (Mas 7) na Trinde (Mas 8) long Mosbi.

Namba wan stil i bin kamap long wanpela haus long 9 mail. Plis ripot i tok ol stilman i katim sen bilong banis na go insait long haus. Ol i stilim wanpela klok bilong ol meri, 3-pela sotpela trausis, wanpela ami trausis, wanpela bek na bokis man i gat K280 i stap insait long en. Kos bilong olgeta samting i nap olsem long K300.

Long narapela haus long Is Boroko ol stilim i katim banis bilong haus bihain ol i brukim windo na opim dua long insait. Ol i stilim wanpela JVC video rekoda, radio keset plea, kamera, ol klos na tupela su. Kos bilong olgeta samting ya i olsem K2,110 olgeta.

Long Boroko tu wanpela papa bilong haus i lusim wanpela glas kap i gat K16 i stap insait long en, video tep rekoda, klok bilong ol meri, su bilong ran na wanpela botol wain. Kos bilong olgeta samting ya em K877.

Ol plis long Mosbi i no bin painim wanpela long ol dispela samting lus na tu, ol i no sasim wanpela man yet.

NCD - Long Trinde (8 Mas) ol plisman long Sentral Provins i bin holim tupela bilong ol 6-pela kalabus husat i bin ranawe long Bomana haus kalabus long 16 Februari.

Tupela man ya em Kapani Iau husat i gat 15 krismas na bilong Tapini long Sentral Provins. Na Peter Stanley Hagaru husat i gat 12 krismas na ibilong Hanuabada long Nesenel Kapitel Distrik.

Ol plisman i bin ol bihain long reid ol i wokim long wanpela ples klostu long Pot Mosbi. Tupela ya bai kisim sas long ranawe long kalabus.

Madang

MADANG - Ol plisman long Madang i wok long painim 6-pela man husat i bin hensapim wanpela famili long haus bilong ol na ranawe wantaim K5 na ka bilong ol long Fraide 3 Februari.

Ripot i tok ol stilman ya i bin yusim wanpela bikpela tamiok na wanpela samting olsem gan em ol i bin karapim long laplap.

Kar bilong famili ya i wanpela Datsun 180 Sedan na pe bilong en i olsem K3,640. Ol plisman i no painim yet dispela kar.

Enga

ENGA - Tripela man i dai na wanpela i kisim bagarap bihain long wanpela pait i bin kamap long ples Kapus long Wapenamanda distrik.

Plis i no tokaut long nem bilong dispela 3-pela man. Tasol ripot i tok ol man ya i wok long painim abus long bikbus namel long Kapus na Manda taim ol birua bilong ol i pait wantaim ol.

Ol plisman i wok long was long man husat i stap nau long Yaipos haus sik.

Ripot i tok tu olsem ol plisman i wok long painimaut yet long dispela birua.

Daru

DARU - OL raskel i bin stilim wanpela bokis mani bilong DPI opis long Balimo long Westen provins long Fraide 3 Mas 3. Dispela bokis mani i gat K3,700 i stap long en.

Ripot i tok ol stilman i bin go insait long opis long wanpela windo. Na ol i kisim bokis mani na i ranawe long wanpela moto kanu.

Ol CIB bilong Daru i bin go long Balimo long helpim long painimaut dispela mani.

Gavman givim K20,000 long stretim Mendi haiskul

OL bikman bilong Edukesen long Mendi i askim pinis long K60,000 bilong stretim ol toilet na wara bilong Mendi haiskul. Ol i bin save olsem dispela mani em ol i makim long stretim haiskul tasol nau yet skul i

kisim tasol K20,000.

Ol bikman i askim sapos ol politisen i painim mani long wokim rot i go long ples orait watpo ol i no laik stretim ol dispela mani long stretim haiskul. I gat 700 studen i stap long

Mendi haiskul.

Dipatmen bilong Helt insait long provins i bin pasim skul bikos ol haus slip na ples waswas na toilet bilong skul i no gutpela tumas. Ol wara i bin kapsait long ol paip na i bagarap ol ples. Ol papamama na

sampela studen i bin protes las wik Fraide 3 Mas long soim olsem ol i no amamas tumas.

Ol i bin mas i go long Provinsal Edukesen Opis na Primia Yaungtin Koromba na Seketeri Goerge Lessi i bin bungim ol papamama.

Ol i pasim dispela skul long soim ol politisen na na ol bikman bilong eduken olsem ol i mas plen gut long bihain taim.

Skul pas inap tripela wik tasol ol gret 10 studen i kamap pinis long statim skul.

Kanada givim ol buk.



Hai Komisina bilong Kanada long Australia Allan Kilpatrick i bin givim 17 laibreri buk long Yunivesiti bilong Papua Niugini. Mista Kilpatrick tu i makim Kanda long Papua Niugini.

Mista Kilpatrick i bin givim ol dispela buk long olpela tisa bilong Politik long Yunivesiti bilong Papua Niugini Profesa Michael Oviver.

Em i tok em i namba wan taim tru Kanada i givim buk i go long UPNG na em i amamas tru.

Meri i bosim Haus buk long UPNG, Florence Griffin i tok gavman i katim mani bilong skul na em i amamas long kisim dispela kain ol helpim. Ol dispela buk em toktok long politik na ekonomi bilong Kanada.

Giheno i tok ol pipel i pawa

LONG Tunde Mas 7 Minista bilong Stet John Giheno i bin mekim sampela bikpela toktok long vot i no gat bilip oposisen i putim long gavman bilong Rabbie Namaliu.

Em i tok gavman i stapim Palamen long Fraide 2 Mas long wanem em i no laik kantri i bagarap.

Mista Giheno i tok tu olsem planti komplek ol pipel i wok long wokim i soim olsem ol i gat pawa.

"Ol pipel i no laik bai gavman bai i senis. Wanem samting ol oposisen i mekim nau i soim olsem ol i hangre long pawa," Mista Giheno i tok.

Ol pipel i egensim vot i no gat bilip

DISPELA wik planti toktok i bin kamap long vot i no gat bilip. Oposisen i bringim dispela mosen long Fonde 2 Mas na i stap long Palamen. Tasol gavman i bin strong na stapim kibung bilong Palamen long Fraide 3 Mas. Ol memba bai kibung gen long 4 Julai na ol bai vot long dispela mosen bilong vot i no gat bilip. Memba bilong Morobe, Utula Samana i bin putim dispela mosen na tok Oposisen i makim Paias Wingti long kisim ples bilong Praim Ministara Rabbie Namaliu.

PLANTI pipel i no amamas tumas long dispela vot i no gat bilip.

Na ol primia bilong ol provins tu i tok ol i no sapotim dispela tingting. Ol i tok gavman bilong Rabbie Namaliu i no bin stap longpela taim na watpo Oposisen i laik rausim ol.

Ol studen bilong Yunivesiti i namba wan grup long autim tingting ol i no amamas tumas long dispela tingting.

Ol lain Momase Studen Yunion long Yunivesiti i tokaut olsem ol i no sapotim tru dispela tingting bilong vot i no gat bilip.

Presiden bilong Studen Yunion John Bivi i tokim Wantok oksem sapos Oposisen i win ol bai katim daun Nesenel skolasip.

Em i tok long taim Wingti na Chan i sindaun long gavman ol i bin givim hat taim tru long ol studen. Ol i katim skolasip na bikpela straik i bin kamap long skul. Na planti manki i no bin skul gut na lusim skul.

Ol studen i tok i sapotim gavman bilong Namaliu bikos em i makim Human Intre Intagrel Developmen olsem namba wan wok. - Sosel Sevis.

Ol Momase studen i bin askim pinis ol Momase MP long palamen long skelim tingting gut long taim bilong vot.

Em i tok sapos ol lida i no klia gut orait ol studen long Yunivesiti inap long mekim sampela helpim long ol.

Wanpela strongpela sapota bilong Pipels Demokratik Muvmen na olplea memba bilong Usino/Bundi Tom Muliap i tok em i no amamas tumas long dispela vot i no gat bilip.

Mista Muliap i bin kam daun long stretim toktok wantaim gavman long graun bilong Ramu Suga. Tasol taim palamen i bing long autim vot i no gat bilip, em i bin go sindaun na skelim.

Em i tok Mista Wingti i mas givim sans long Rabbie Namaliu. I no gat wanpela divelopmen o senis i save kamap long 7 o 8-pela mun.

Em i tok i luk olsem ol lida i hangre tasol long pawa. Ol i laik kisim pawa long kamapim nem na namba bilong ol.

Wingti i tok ol memba i makim pipel

OPOSISEN lida Paias Wingti bai i no inap harim toktok bilong ol wan wan grup husat i no amamas long dispela vot i no gat bilip.

Mista Wingti i autim dispela toktok long niusman long Tude 7 Mas. Em i tok olsem dispela ol grup i no

makim maus bilong olgeta pipel bilong Papua Niugini.

Em i tok ol pipel i gat ol mausman bilong ol na ol dispela mausman em ol memba bilong Palamen. Na ol pipel i no gat rait long tokim lida bilong ol long mekim wanem samting ol i laikim.

Oposisen lida i tok ol

i bin muvim mosen long taim 6-pela memba husat i bin sapotim Namaliu i kalap na joinim Oposisen.

Em i tok dispela em bikpela samting tru. Bikos i soim olsem ol memba i no gat bilip long gavman bilong Rabbie Namaliu na Akoka Doi.

Paias Wingti i tok

long taim gavman bilong Namaliu i stap planti ol trabel olsem Bougainvil Straik, ok Tedi na Difens Fos straik i bin kamap. Tasol gavman i no mekim wanpela samting.

Em i sutim tok tu olsem taim gavman i askim long stapim kibung bilong Palamen long Fraide 2

Mas dispela i soim olsem gavman i no strong. Ol i pret tasol na surikim Palamen i go long 4 Julai.

Em i bilip tru olsem gavman bilong Namaliu bai lus taim Palamen i bung long 4 Julai. Taktok bilong vot i no gat bilip em i namba wan asenda bilong Palamen.

Australia man i grisim ol lain Porgera

WANPELA bisnisman bilong Australia Peter Walker i grisim ol papa bilong graun long Pogera olsem kampani bilong em i ken mekim gutpela wok moa long Porgera Joint Venture.

Mista Walker nau bai kamap long kot long Sidney, Australia bihain long em i kisim 30 sas olgeta.

Long las wik Mista Walker wantaim ol lain bilong em i stretim rot bilong 16 pipel bilong Porgera long go long Sidney, Australia. Ol man ya i go daun long toktok wantaim Walker.

Sampela bilong ol em Primia bilong Enga Ned Laina, wanpela loya Peter Sam na 5-pela ol papa tru bilong graun.

Tasol Praim Minista

Rabbie Namaliu i tok em i no nap tok orait long husat man bilong narapela kantri i laik gaimanim ol papa bilong graun long Porgera.

Em i mekim tok lukaut olsem bikpela mekim save bai i pundaun antap long husat man bilong narapela kantri i laik pilai long ol papa bilong graun long Pogera na long nara-

pela hap bilong PNG. Praim Minista i tok klostu nau bai gavman i pinisim olgeta tok orait long Placer Pacific (PNG) Pty Ltd.

Dispela gol main em i olsem ples bilong kisim karanas (open pit) na inap long kamapim samting olsem 800,000 hekta long gol long wanwan yia. Em i namba tu bikpela gol main

olsem long Saut Afrika.

Mista Walker i bin kam long PNG long las yia bihain long ol dispela sas i stapim em. Sapos em i laik go long ovasis em i mas aplai long kisim tok-save. Kos bilong aplai inap long K140,000.

Taim em i bin kam long PNG Mista Walker i bin toktok wan-

taim ol lain Enga long husat i no amamas long oraitim kontrak bilong painim gol. Tasol ol i bin oraitim.

Planti ol papa bilong graun i sapotim dispela joint venture nau i stap long Porgera. Na sampela i sapotim tingting bilong Mista Walker bikos ol i bin go long Sidney. Dispela i bin kamapim planti taim

toktok tru long Nesenel Gavman na Placer Pacific.

Seketeri bilong kampani (Placer Pacific (PNG) Pty Ltd) Bill Hundy i tok olsem kampani i bin askim em long toktok wantaim ol lain opis bilong kampani long PNG. Tasol ol lain long PNG i no laik toktok wantaim ol ausait lain.

Haiskul i planim rais

LONG dispela wik De La Salle Haiskul long Bereina na Dipatmen bilong Egrikalsa, i sainim tok orait long kirapim rais projek. Siaman bilong haiskul George Mapai na Seketeri bilong Dipatmen Paul Sai i bin sainim dispela tok orait.

Insait long dispela agrimen Dipatmen bilong Egrikalsa na Rais na kampani bai helpim ol haiskul studen long planim rais. Olgeta manki long haiskul stat long Gret 7 i go inap long Gret 10 bai kisim skul long planim rais.

Mista Mapai i tok dispela save i ken helpim ol studen long taim ol i pinis skul. Planti bilong ol dispela studen nau bai i no inap long go long haiskul. Olsem na ol i mas kisim skul long mekim dispela wok. Sapos ol i no laki orait ol i ken planim rais.

Em i tok olgeta helpim wok bilong planim rais bai i kam yet long ol lain bilong Dipatmen na Rais Industri. Dis-

pela haiskul bai helpim ol liklik rais bisnis long ol pikinini rais.

Jenerel Menesa bilong Rais Industri, Paul Davis i tokim Wantok olsem i gat tupela kain rais em ol bai traim pinis.

Nem bilong dispela tupela rais em Wantok na Tambu. Wantok em longpela rais olsem Sun Long na Tambu em olsem trukai rais. Dispela tupela rais bai kamapim ol rais bisnis bilong dispela kantri.

Ol bai traim long wokim dispela i kamap olsem wanpela gutpela na strongpela bisnis.

Minista bilong Egrikalsa, Galen Lang i tok olsem gavman i bin givim samting olsem K500,000 pinis long sapotim ol grain bisnis. Grain bisnis olsem rais, soya na kon.

Ol wokman i bin statim pinis bikpela wok long Markham Veli long stretim graun bilong planim rais. Na ol bai wet tu long long kirapim ol wok bilong Berenia Haiskul, long Sentrel provins.



Seketeri bilong Egrikalsa Paul Sai na Siaman bilong Bot ov Gavana bilong De La Salle hai skul George Mapai i sainim agrimen bilong skul i ken planim rais.

Stap Isi kamap long TV.



PRAIM Minista Rabbie Namaliu na meri bilong em Margaret Nakikus bai toktok long nupela vidio em Wimens na Lo Komiti i bin wokim. Nem bilong dispela vidio em 'Stap Isi'.

Dispela program bai kamap long Em TV long hap pas 9 (9.30pm) long nait long Sande (12 Mas).

Orait bihain long dispela vidio, nupela Gavana Jenerel Sir Ignatius Kilage na Ledi Kilage bai mekim sampela toktok.

Ol arapela bikman olsem Plis Komisina David Tasion, Moi Avei na Presiden bilong Nesenel Wimens Kaunsil Bungtabu Brown na Josepha Kanawi tu bai mekim sampela toktok.

"Praim Minista i tok dispela vidio 'Stap Isi' em gutpela long ol famili i ken lukim."

Ol pablik i no kamap

MAN i go pas long Wok Painimaut bilong Piksa Nogut (Blue Movie) Arnold Joseph i no amamas long helpim em i kisim long pablik.

Ol i bin makim Joseph long go pas long dispela wok painimaut long Januari 16. Em i askim long wanpela loya na Komisina i bin makim wanpela praivet loya Nicholas Kiriwom.

Tripela wik i go pinis ol i tokaut long wanem man i lukim dispela piksa nogut long kamap olsem witnes. Tasol nau yet i no gat wanpela man i tokaut olsem em i bin lukim muvi.

Mista Joseph i tok em i kirap nogut long lukim dispela ol bagarap i bin kamap long taim ol pipel i straik. Ol birua i kamap bihain long Konstabel Jockay i tokaut long em bilong ol pablik sevan na tok ol i bin stap insait long dispela piksa nogut.

Mista Joseph i tok ol i bin kirapim dispela komiti long painimaut long dispela piksa nogut na tu ol dispela straik na bagarap i bin kamap long Boroko (Desemba 1989).

Nau yet Konstabel Jockey tasol wantaim ol lain bilong em tasol i kamap long kot na wantaim ol arapela memba bilong plis fos. Ol

i bin kamap long ai bilong kot long Desemba.

Ol i bin stat long harim kot long las wik Fonde (Mas 2). Jockay em namba wan witnes. Tasol em i tokim kot olsem em i no gat inap taim bikos em i wok na skin bilong em i les olgeta.

Na long Fraide (Mas 3), Jockay i bin kamap long kot tokaut olsem em i gat dispela piksa nogut. Wanpela poroman bilong em i holim i stap.

Loya bilong dispela komiti, Kiriwom i tok Komiti i no wok wantaim Jockay. Jockay i mas wok bung wantaim ol. Orait Jockay i tok em bai bringim dispela tep.

Ol arapela witnes i kamap em CID Alois Yakapo, First Konstabel Florence Pomahun na Konstabel Martin Angi

Long Trinde (Mas 8) Jockay i bin givim witnes tasol em i no kisim dispela tep. Man i bin lukautim dispela piksa nogut i no bin stap long givim dispela piksa nogut.

Komisina Joseph i wok long tingting planti nau olsem Jockay i tok tru o em i giaman.

Em i tok Komisina bai singaut yet long ol man husat i gat save long dispela piksa muvi long tokaut long kot. Olgeta wok bilong dispela komisina bai pinis long 16 Epril.



HIA EM OL TOKAUT BILONG
WANTOK

Sekap long kampani pastaim

Oltaim yumi save harim stori bilong ol papa bilong graun i askim ol ovasis kampani long kam katim timba, o mekim sampela arapela wok long ples. Em i gutpela bikos ol pipel i laik kirapim ol wok insait long ples bilong ol.

Tasol oltaim yumi save harim tu ol ripot i kamap we kampani i paulim wok o i no baim gut ol pipel. Em i no nupela stori long Papua Niugini. Na yumi ting ol pipel bai i luksave long dispela. Tasol nogat.

Mobeta ol pipel i painimaut gut tru long kampani, na lukim sapos em i gat mani long kirapim wok. Na sapos em i gat gutpela nem long wok bisnis o nogat. Painimaut gut ol dispela samting pastaim orait bihain gohet na sainim tokorait long kirapim bisnis.

Ol pipel bilong yumi i no klia long pasin bilong wok bisnis. Na i gat ol smatpela trikman tru bilong ol kain wok olsem i stap. Ol i ken isi tasol long giamanim ol pipel na paulim bikpela mani tru bilong ol pipel.

Memba helpim ol studen long skul fi

MEMBA bilong Vanimo - Grin long nesenel Palamen Wap Yawo bai i helpim sampela haiskul studen long ilektoret bilong em long dispela yia.

Em i tokaut olsem bai em i yusim mani ol nesenel memba i save kisim olgeta yia aninit long Nesenel Developmen Fan. Long las yia memba i bin helpim ol bisnis grup tasol long 1989 em i gat bikpela tingt-

ing long helpim ol haiskul studen.

Mista Yawo bai i kisim K40,000 olgeta na long dispela em bai autim K10,000 i go long helpim ol studen long Vanimo na Amanab na hap mani i stap bai em i helpim

ol sios na yut grup.

Mista Yawo i tok bai em i baim skul fi bilong ol studen em ol papamama bilong ol i no inap long pinisim skul fi o ol pikinini em papamama bilong ol i dai.

Tasol dispela i no min

olsem bai ol papa na mana i no inap baim skul fi olgeta. Ol bai i baim lskul fi long taim skul i stat. Na Mista Yawo bai helpim sapos ol i no inap long pinisim skul fi long namel bilong yia.

Sandaun makim graun bilong nupela opis bilong Indonesia

SANDAUN Provinsal gavman i makim pinis hap graun bilong kirapim nupela opis bilong Indonesia long Vanimo.

Primia bilong Wes Sepik, Egbert Yalu i autim dispela toktok long taim em i kam bek long Jakarta, biksiti bilong Indonesia. Em i bin go stap inap wanpela wik olgeta.

Em i tok Indonesia gavman bai go het long wokim opis tasol ol bai skelim wok bilong sekyuriti long lukautim ol wokman bilong dispela nupela opis.

Ol toktok bilong kirapim dispela ol nupela opis i bin kamap insait long wanpela tok orait namel long PNG na Indonesia. Ol i bin sainim dispela agrimen long Mosbi las yia long Novemba.

Dispela em i wanpela bikpela samting tasol i stapim wok bilong nupela opis

long gohet. Bikos nau i gat planti ol lain refuji i stap yet long Vanimo na nogut ol i kirapim trabel long ol wokman bilong dispela nupela opis bilong Indonesia.

Mista Yalu i tok nau ol lain Indonesia yet i ken skelim wanem taim tru ol i laik statim wok bilong nupela opis.

Em i tok dispela wokabaut bilong em long Indonesia las wik em long kamapim gutpela wok namel long tupela kantri. Dispela wokabaut em namel long tupela boda provins bilong Sandaun na Irian Jaya.

Mista Yalu i tok planti pipel i ken mekim ol kainkain toktok long ol lain Indonesia. Tasol em i wok bilong ol boda provins long tupela kantri long strongim wok namel. Na em i no go

long gutpela long daunim ol lain bilong Indonesia.

Primia i tok dispela wokabaut bilong em i makim PNG. Na i no laik bilong em wantaim provinsal gavman memba bilong em.

Em i mekim dispela toktok bihain long olpela spika bilong provinsal gavman, John Wotung i tok em i no kisim toktok long Foren Afeas.

Mista Yalu i tok dispela toktok em politiks tasol na em i no amamas tumas long ol dispela toktok bilong Mista Wotung.

Em i askim olgeta memba long no ken mekim ol kain toktok long daunim gutpela wok namel long tupela kantri, Papua Niugini na Indonesia.

Ol papa bilong graun kotim gavman

BIKPELA kot namel long ol papa bilong graun long Ramu Suga na Nesenel Gavman bai kamap long 25 Mas.

Mausman bilong ol, Tom Muliap i tok em i no amamas tumas long ripot i kamap long ol niuspepa. Em i tok ol niuspepa i no kisim toktok bilong ol papa bilong graun na raitim stori bilong ol.

Insait long namba wan kot i bin kamap long 2 Septemba las yia, Lens Taitel Komisin i harim olsem dispela em graun bilong gavman. Tasol i no olgeta

graun. Wan wan hap graun Portion 11 na Portion 12 em gavman i bin baim. Tasol Portion 13 ol papa bilong graun i no kisim mani yet.

Mista Muliap i tok ol toktok bilong dispela graun i bin stap insait long Gavman Gaset, G-34 Jun 4, 1987, tasol gavman i no givim mani yet long dispela graun (Portion 13).

Em i tok gavman i bin givim mani long dispela graun long 1972. Mak bilong mani em K22,000. Dispela em las mani em gavman i bin givim long ol. Tasol



• Ramu Suga em wanpela suga plantesin long Papua Niugini

nau yet ol i wok long wetim nupela pe bai kam long han bilong gavman.

Mista Muliap i tok em i no laik wankain hevi olsem hevi long Panguna kamap. Em i tok bikos Ramu Suga i bilong olgeta pipel insait long kantri.

Em i tok ol papa bilong graun i laik wok wantaim ol lain bilong kampani long wokim suga.

Mista Muliap i tok sapos ol papa bilong graun i givim tupela askim i go long gavman: - ol papa bilong graun i laikim K2.4 milien kompensesen.

- ol papa bilong graun bai bekim mani bilong kampani na kisim Ramu Suga.

Em i tok gavman i no baim yet tupela bikpela hap graun bilong Sumkin na Katirapun. Mak bilong dispela tupela hap graun inap long K1 milien.

Namba wan singaut bilong K2.4 milien em

i go long gavman long ol bagarap em kampani i wokim long graun bilong ol pipel.

Em i tok ol lain husat bai kisim helpim long dispela mani em lain bilong Bumbu na Sankian.

Mista Muliap i tok bai i gat wanpela bikpela kibung namel long provinsal gavman na u ol papa bilong graun long 18 Mas. Primia bilong Morobe, Joshua Hagai na Primia bilong Madang, Andrew Ariako tu bai kamap long dispela kibung.

Insait long kibung ya ol bai pasim tok long ol toktok na askim em ol bai tro moi long nesenel gavman. Dispela kibung bai kamap long Ramu Suga Kot Haus.

Loya makim ol papa bilong graun, Moses Miva & Associate i tokaut olsem ol i bai



• Tom Muliap

makim ol papa bilong graun long taim kot i bung long skelim toktok bilong graun.

Long pinisim olgeta toktok, Mista Muliap i laik tokaut olsem ol papa bilong graun bai i no inap pasim Ramu Suga. Tasol ol i laik gavman i mas givim kwik dispela mani.

Wantok i no inap long kisim toktok wantaim Jenerel Menesa bilong Ramu Suga Brian Dyer taim dispela stori i kamap.

Wantok

P.O. Box 1982, Boroko
Telepon: 25 2500
Teleks: NE 22213
Faks: 25 2579

PE BILONG WANPELA YIA, 52 NUSPEPA

Ples	Air	Surface
Port Moresby	K20	K20
PNG	K29	K29
Australia	K60	K39
New Zealand & Pacific	K78	K16
Amerika & Europe	K118	K60

Printed and published by Anna Bernadette Solomon, of Bitten Place, Gordons, at Allotment 2, Section 209, Hohola.



Memba kisim sapot long senisim nem

MEMBA bilong Vanimo-Grin, Wap yawo i tokim Palamen long Fonde Mas 2 olsem em i laikim nem Wes Sepik i mas senis na kamap Sandaun Provins.

Em i tok Nesenel Gavman i no luk save long nem Wes Sepik. Gavman i save givim ol kain helpim long ol arapela provins na Wes Sepik i save stap las tru.

"Sampela bikman long Nesenel Gavman i save paul long Is Sepik na Wes Sepik. Na sampela taim ol i save givim helpim long Is Sepik na Wes Sepik i no gat," Mista Wap i tok.

Em i tok planti gutpela Sandaun pipel i save kisim bikpela sem taim ol trabel i kamap na olgeta man i save olsem ol Sepik i bin stap insait long dispela trabel.

Memba i tok tu olsem olgeta mani i kam long salim kopra na provinsal gav-

man takis i save go long Is Sepik na Wes Sepik i no gat.

"Mipela i save kisim helpim i kam long Jayapura long Wes Irian na i no long gavman bilong Papua Niugini," Mista Wap i tok.

Em i tok tu olsem long hap bilong boda i no gat rot namel long Vanimo-Grin Riva, Amanab - Lumi, Lumi - Aitape na Aitape - Vanimo.

Memba i tok em i wok long askim long dispela long 1977 yet i kam inap

nau tasol toktok bilong em i go lus nating.

Em i tok tu i gat wanpela bas tasol em ol pipel i save yusim long salim samt-ing bilong ol long Wewak maket.

Palamen i bin vot long dispela mosen na oposisen i win wantaim 45 vot na gavman i gat 44 vot tasol. Nem bilong Wes Sepik Provins bai senis nau na kamap Sandaun Provins.



• Hai komisina bilong Australia Joseph Lance i givim autobod moto wantaim sampela samting i go long ol pipel bilong Talasea long hap bilong Wes Niu Briten.

Is Sepik man winim K500 long bonus saver

FRANCIS KASI bilong Hawain long Is Sepik provins i wanpela laki manki stret. Em i winim K500 long wanem em i putim mani bilong em i go long PNGBC beng.

Beng i bin makim Francis olsem wanpela bilong ol wina bilong dispela nupela 'Bonus Saver' resis bilong PNGBC. Francis na arapela tripela man i bin winim dispela resis bilong namba wan 4-pela mun bilong dispela yia.

Francis i wanpela selmsen bilong Ela Motors kampani long Wewak na em i gat 32 krismas.

Long taim PNGBC i bin statim dispela resis akaun long Wewak, Francis i no bin gat bikpela laik tumas long nupela stail bilong putim mani long beng. Tasol wanpela poro bilong em i grisim Francis i go na em i putim mani long PNGBC bilong traim lak tasol long mun Novemba las yia.

Na long Mande, Francis i bin pret taim wanpela man bilong PNGBC i bin ringim em. Tasol long taim em i harim dispela gutpela nius, man bel bilong em i hangamap stret.

Francis yet i bin tokim Wantok long Tunde olsem em i save yet bai em i mekim wanem samtung long dispela mani. Em i lusim

tasol dispela mani i stap yet long beng.

Famili bilong em tu i bin amamas tru taim ol i harim dispela stori. Tasol long bipo ol tu i no bin sapotim Francis long traim dispela nupela stail bilong putim mani long PNGBC. Tasol nau, ol i amamas tru na sapotim tru tingting bilong Francis.

Olpela hanwas bilong Francis i bin lus na em i tingting nau long baim wanpela nupela.

Francis i tokim Wantok tu olsem dispela em i wanpela gutpela sevis tru em PNGBC i givim i go long ol pipel. Dispela em i gutpela tingting bilong PNGBC. Na Francis i laik ol i mas gohet yet long strongim dispela kain rot bilong sevim mani.

Em yet i bin kalap nogut tru long taim em i go long Beng long Tunde long stretim olgeta samtung bilong em long kisim dispela mani na bungim ol lapun bilong Is Sepik provins i wok long putim mani bilong ol i go long dispela 'bonus saver bilong PNGBC.

"Dispela em i wanpela gutpela rot bilong lainim ol viles pipel long rot bilong sevim mani long yusim gut long bihaintaim. Na mi amamas olsem PNGBC i kamapim dispela tingting bilong helpim ol viles pipel," Francis i tok.

Bai ileksen i kamap

ILEKSEN bilong nupela memba bilong Abuntidrekikir long nesanel Palamen bai i stat long 18 Mas na bai i pinis long 1 April.

Dispela ileksen i kamap bihain long olpela memba ilektoret Pius Malip i bin bam long ka na dai long las yia.

Ripot i kam long Iktoral opis long Wewak i tok olsem olgeta samtung i redi pinis. Na 15 grup nau i redi long go aut long ol ples

na kisim vot long ol pipel.

Ol kendidet i stap yet long ol ples na i wok long kempen i stap.

Olgeta kendidet ol man tasol. Namel long ol i gat wanpela yangpela man nem bilong em Jejral Steven Ambak. I gat 14 kendidet olgeta i resis long dispela ileksen.

Ripot i tok tu olsem taim ol wok bilong ileksen i stat i nogat trabel i kamap long bagarapim ol wok.

Nem Wes Sepik bai senis

LONG 4 Desemba long dispela yia Wes Sepik Provins bai senisim nem i go long Sandaun Provins. Ol i makim dispela de bikos em de bilong Provinsal Aniverseri.

Las wik memba bilong Vanimo Grin long Palamen, Wap yawo i bin putim wanpela mosen bilong sensim nem bilong Wes Sepik provins. Na dispela em i namba wan vot i traim strong bilong Oposisen na Gavman. Tasol Oposisen i win na nau Palamen i tokorait long nem i senis.

Primia bilong Wes Sepik, Egbert Yalu i tok em i amamas tru long nem i senis. Dispela toktok long senisim nem i stap longpela taim tru.

Em i tok long taim em i stap Oposisen lida long Wes Sepik Provinsal gavman em i laik sensim nem. Tasol i no gat inap memba saptim em.

Mista Yalu i tok em i amamas tru long memba bilong Vanimo/Grin long askim Palamen long sensim nem. Em wantaim ol lain bilong em long provinsal asembli i bin traim long sensim nem long 1985.

I gat tupela bikpela as long sensim nem i go long Sandaun Provins bikos: namba wan kain pasin bilong ol pipel. Wes Sepik na Is Sepik i no wankain.

Na taim Is Sepik man i wokim trabel, olgeta lain Wes Sepik tu i kisim nem nogut.

Primia i tok ol Wes Sepik pipel i no ol bikhet lain. Ol i gutpela pipel. Tasol sampela lain bilong Is Sepik i wokim olgeta Sepik i kisim nem nogut na i no dispela i no gutpela tumas.

Namba tu as em developmen. Gavman i no save tingting gut long taim bilong ske-

lim developmen. Taim ol i givim wanpela projek i go long Is Sepik, em ol i min olsem Wes Sepik tu i kisim helpim long dispela projek.

Tasol olgeta toktok bilong Is Sepik i wankain olsem Wes Sepik i no helpim tru wanpela developmen long Wes Sepik. Olgeta taim Wes Sepik i save stap bihain. Na nogat wanpela developmen i save kamap long ples bilong ol-

Primia Yalu i tok Is Sepik provis i winim tru Wes Sepik long ol kain kain developmen.

Bikpela si bagarapim Carterets ailan

BIKPELA si i wok long bagarapim ol gaden na graun long hap bilong Carterets Ailan insait long Not Solomons provins.

Wanpela lain opisa bilong gavman long Not Solomons provinsal gavman i bin go raun lukim dispela eria na tokaut olsem gavman i mas helpim ol kwik. Nau si bruk i go bagarapim ol gaden na tu rausim olgeta graun.

Man i go pas long dispela wokabut, Edministrativ Seketeri bilong Not Solomons, Peter Tsiamalili i tok liklik taim dispela ol ailan bai sot long kaikai.

Provinsal gavman i no save long dispela hevi tasol memba bilong Atollis,

Taihu Paia i tokaut olsem dispela ples i bin kisim bagarap long bikpea airwara.

Ol dispela ailan i stap insait long konstitusen bilong em i bin painim dispela bagarap. Ol ailan em long Han, Puil, Iolsa, lesila na Yagain.

Long Han Ailan bikpela si i bin bruk na go insait na wasim ol taro na banana. Na solwara i no drai kwik bikos long ol dispela trabel i kamap.

Nau planti ol pipel long hap bilong Atoll Ailan i painim bikpela hangre. Sapos bikpela aiwara i stap ples bai sot long kaikai ya.

Ol man bilong ples i bin traim long wokim banis tasol si i wok long brukim.

Ol pipel i kros long graun

WANPELA bikpela bot i karim ol masin bilong Kakekamu gol projek long Galp Provins i bin kisim tok olsem bai em i mas go bek long Pot Mosbi.

Dispela trabel i kamap bihain long ol pipel bilong Moveave ples i stapim bot long sait bilong wara Lakekamu.

Provinsal Plis Komanda Norman Kambo i bin tok long dispela long Kerema long aste (Mas 7) bihain ol plis i traim long stapim ol pipel.

Dispela bot SPC Carrier I i bin stap long Terapo Katokik misin stesen taim em i mekim ran i go long gol projek.

Ol man husat i go pas long ol Moveave pipel i tok dispela em i graun bilong ol.

Ol i tok tu olsem ol i laikim wanpela agri-men em ol i mas mekim wantaim kampani ya em Siti Resos long wanem ol laik kisim sampela helpim i kam long dispela projek.

Tasol Provinsal Gavman na Siti Risos i bin luksave long ol pipel bilong Kamea na Kovio olsem dispela em i graun bilong ol we nau projek i stap long en.

Samting ol 2 milien gol i bin stap long dispela hap. Siti Risos na kamapani i wok wantaim em Lidat Holding i plen long kisim

planti gol tru taim olgeta toktok i stret long pinis bilong dispela yia.

Tupela kampani ya i tok ol i bin gat agri-men pinis wantaim ol Kovio na Kamea olsem bai ol(kampani) i kamapim wanpela bisnis han bilong ol pipel.

Wanpela stua i wok pinis i stap na sampela ples i bin kisim ol moto i kam long ol kampani long helpim ol pipel long karim ol sayor i kam long kem. Samting olsem 250 man bai i kisim wok taim dispela projek i stat.

Ol Kamea na Kovio pipel i kros olsem dispela bai i bagarapim gutpela wok bilong projek. Mausman bilong dispela tupela grup Mendingo Bebang i tok i no bin gat wanpela kros inap long dispela taim nau kamapani i painim gol.

"Dispela em i namba wan bikpela wok kamap insait long Galf Provins na bot i mas kam antap long wara." Mista Mendingo i tok.

Mista Mendingo i tok ol pipel bilong em i no laik pait wantaim ol Moveave pipel, na bai ol i larim ol long aplai long ol wok long gol main.

Tasol em i tok ol i wok long wet longpela taim pinis na ol Moveave i mas lusim bot i go kamap long kem.



STUTTGART - Jemani: Tupela plisman bilong Jemani i pulim wanpela pris bilong Japan. Em i bin protes taim ol i makim 35 yia taim Amerika i traim atomik bom. Ol i protes long ai bilong Yurop Hetkwata bilong ol Amerika Ami. Planti ol arapela pipel tu i stap insait long dispela protes.

BOGOTTA - Kolombia: Wanpela spesel wok bilong ol plisman 'Opreresen Spring' i kamap, na ol plisman i painim ol spak marasin (cocaine) insait long wanpela faktori. Ol i wok long rausim ol marasin na brukim dispela faktori.

Kampani i baim Konkod balus

KONKOD i nem bilong wanpela bikpela balus nau bai i stap aninit long wanpela kampani bilong balus ol i kolim long Branson Vejin Ealain (Branson Virgin Airlines).

Siaman bilong VA, Branson i tok em i gat bikpela tingting long

baim tupela Konkod balus nau ol i stap long Toulouse ples balus long Frens. Konkod i bin selebretim 20-yia betde bilong em long las wik.

Dispela samting em Mista Branson i soim olsem em i gat tingting nau long ranim ol balus bilong karim ol bisnis man tasol.

Mista Branson i bin tokaut aste olsem em i

tingting long ranim Konkod long dispela ol ples we nau Kontinentel i save go long ol.

Em i tok tu olsem em nau bai i statim wanpela woksop bilong fiksim ol bikpela 747 balus em Bitis Airways tasol i gat.

Mista Branson i tok olsem em i ken bekim mani bilong husat bisnis i komplem olsem em i no kisim gutpela

helpim long balus.

Woksop bai i stat long fiksim ol balus bihain long tupela mun i pinis. Kampani (Virgin Airlines) bai i baim ol woksop long Gatwick.

Virgin Airlines i no bin amamas long BA long wanem i bin kisim sampela ol wokshop bilong Britis Kaledonia na em i bin holim longpela taim.

Greenpeace opim opis long Rasia

Grinpis Ogensaisesen (Greenpeace Organisation) i laik opim wanpela opis bilong ol long Moskow, Rasia.

Ol i save kempen long wol long lukautim ol gutpela bus na graun. Na traim long stapim ol strongpela woa samting olsem ol gan na bom we ol man i ken yusim long bagarapim


ol narapela man.

Wanpela opisal bilong grup Peter Bahouth i tokim ol niusman olsem i gat wanpela ben em grinpis i sponsa bai singsing long makim dispela de taim ol toktok i redi.

Ol singa husat bai i singsing long dispela nupela rekot em long Annie Lennox, Peter Gabriel, John Farnham na Talking Heads.



WASHINGTON - Amerika: Meri bilong presiden bilong Amerika Barbara Bush i amamasim 100 yia bilong Smithsonian Institut Nesenel Zoo. Dispela em wanpela ples bilong lukautim ol kain kain enimal. Hia yu ken lukim Misis Bush i givim hap kek bilong amamasim dispela de i go long ol pikinini.



AMERIKA - Gretchen Polhemus i amamas tru bikos em i winim 1989 Miss USA resis. Na dispela em namba 5 yia nau bilong wanpela meri long Tekses i winim dispela taitel. Tekses em wanpela stet o provins bilong USA.



ROM - Itali: Tupela memba bilong Red Briged, Victorio Bolognesi (lephan) na Natalia Ligas (raithan). Tupela i stap kalabus. Ol i bin stap wantaim 254 pipel husat i protes egens gauvan bilong Itali.



SAUT AFRIKA - Sampela pipel i kam tok sori long dai bilong wanpela liklik meri husat i gat 13 krismas tasol. Nem bilong dispela meri em Finkie Msomi. Finkie i bin dai bihain long wanpela pait em i bin kampa namel long ol bodi kat bilong Nelson Mandela na ol plisman long Fonde 2 Mas.



VENEZUELA - Wanpela soldia bilong kantri Venezuelan i sanap wantaim sot gan na was long wanpela sevis stesin. Bikos gavman i bin apim pe bilong pensin i go antap long 90 pesen na bikpela straik i bin kamap long tripela de olgeta. Dispela piksa ol i bin kisim long Mas 2.



AFGANISTAN - Soldia i sekap long baksait bilong ka. Kaikai i sot tru nau long Kabul, biktaun bilong Afganistan bikos ol rebel paitman i banisim rot.

TOKSAVE LONG OL PAWA BEN

OLGETA PAWA BEN I SAVE LAIK MUSIK BILONG OL MAS NAIS NA SWIT LONG HARIM. MIPELA I LAIK TOK SAVE OLSEM, DISPELA OL ELECTRONIC KEY BOARD I KEN MEKIM MUSIK BILONG YU I NAIS MOA YET NA NAMBA WAN STRET.

**TRAIM WANPELA NAU! SAVE PINIS LEWA BAI BRUK!
I NO DIA TUMAS.**

* DISPELA EM "EK - 110 ELECTRONIC MUSICAL KEY-BOARD". I GAT 37 KEY LONG EN.



* DISPELA EM "EK 380 ELECTRONIC MUSICAL BOARD. I GAT 49 KEY LONG EN.



* DISPELA EM "EK - 280 ELECTRONIC KEYBOARD". YU KEN PILAI KAIN KAIN MUSIK LONG EN. I GAT 49 KEY LONG EN.



**PRAIS I STAT
LONG K119**

YU KEN KISIM LONG..

TECHTRONICS
PTY LTD

**PORT MORESBY
CNR MANUHU & GOROA ST
GORDONS
TEL: 25-5601**

**LAE
8TH STREET
LAE
TEL: 42-5555**

**O YU KEN BAIM NAU LONG
COURTS O OL CHIN H MEEN STUA.**

Putim lo long pe bilong meri

Dia Edita, Mi wanpela man Wes Sepik nau mi stap long Tabubil. Mi no amamas long luksave olsem planti taim pe bilong baim ol yangpela meri i antap tumas.

Pe bilong baim meri nau i stat long K2500 i go olgeta long K100,000. Mi no save, ol i bihainim husat na mekim dispela kain pasin. Ol tumbuna bilong yupela i no bin mekim dispela kain pasin. Mi ting ol i bihainim ol waitman na mekim dispela kain pasin tude.

Mi autim dispela hevi bikos pe bilong meri i bikpela tumas long ples bilong mi. Ol yangpela man o laik marit tasol pe bilong meri i

antap tumas. Olsem na ol i lusim ples na go long ol arapela ples na marit.

Na long taim ol meri i harim dispela ol i kilim ol yet. Mani tasol i save kamapim dispela hevi.

Mi laik askim ol bikman bilong kantri long lukluk long dispela na kamapim wanpela lo long stretim ol hevi i save kamap long pe bilong meri. Save na tingting i stap long yupela ol bikman.

Mi save olsem ol yangpela husat i no marit yet bai sapotim mi

Wani Ipso Kinist, Ok Tedi Mining Ltd, Tabubil.

Painim rot long go bek

Dia Edita, Mi wanpela man Jimi long Westen Hailans. Na mi raitim dispela pas long bekim pas bilong Mark Tun. Mark i bin tok olsem ol wantok bilong mi i bin lusim ples na kam stap nating long Not Solomons provins. Na bihain ol i raitim pas na askim ol memba long salim ol i go bek long ples.

Dispela toktok em i tru tasol mi laik save long yu brata. Yu wok long BCL o long taun? Em i no tru olsem ol man bilong Jimi husat

i stap long Not Solomons i stap nating. Yu mekim dispela kain toktok na yu

semim mipela olgeta lain bilong Jimi. Dispela hevi em i no bilong ol pipel bilong

Jimi. Olgeta arapela lain i save bungim dispela hevi tu. Yu no ken mekim dispela kain toktok long mipela ol Jimi tasol.

Jerry Ken, P O Box 464, Kieta.

Ol hevi bilong Noten provins

Dia Edita, Mi wanpela man Papuan Waria, nau mi stap long Mamba Estate. Long taim bilong ileksen mi save save singaut "Votim mi, votim na bai mi helpim yupela".

Mipela ol grasrut

save hatwok long votim ol dispela lain. Tasol taim ol i kamap memba, ol i no save tingim mipela.

Dispela em sampela hevi ol memba mas stretim,

1. Kokoda ples balus i stap long bus stret.

2. Kokoda taun i

stap long bus na i no gat gutpela haus sik

3. Popondetta maket i doti tumas

4. Popondetta taun i pulap long ol pipia na taun i no senis liklik.

Weio Benao, Higaturu Oil Palm, P O Box 28, Kokoda.

Pasim sigaret faktori

Dia Edita, Mi wanpela man Wantoat husat i stap nau long Popondetta. Mi laik autim liklik hevi bilong mi i go long gavman bilong Mista Rabbie Namaliu.

Plantitaim mi save lukim ol toksave bilong ol gavman long ol niuspepa i tok "Government Warning: Smoking is Dangerous to Health".

Dispela i min olsem gavman i givim tok lukaut long ol pipel olsem smok i ken kilim man.

Orait nau mi laik save wanem gavman i givim dispela tok lukaut. Sapos Namaliu gavman i mekim dispela tok lukaut orait em i stap yet olsem Prais Minista na em i mas pasim olgeta smok faktori

long Papua Niugini.

Sapos yu lukluk long ol haus sik, bai yu lukim planti manmeri i kisim sotwin na sik kensa. Ol dispela sik i kamap long smok tasol. Olgeta manmeri long kantri i mas sapotim mi na askim Mista Namaliu long pasim ol smok faktori.

Tupela samting i ken kilim yumi. Wanpela

em smok na narapela em sin (Jems 1.13).

Nau yumi ken lukim olsem smok i kilim planti manmeri.

Olsem na Namaliu mas pasim olgeta smok faktori.

Tapamo Umbi, Block 1765, P O Box 147, Pop.

Snapim ol pablik toilet

Dia Edita,

Mi laik sapotim toktok bilong brata ya Samson Kissa, i kamap long Wantok namba 763.

Toktok bilong brata ya em i tru long wanem mi bin lukim dispela kain pasin i kamap long Kimbe taun tu.

Ol provinsal gavman i mas lukluk long ol dispela kain hevi bikos em i wanpela hap bilong

developmen bilong provins tu.

Ol i mas putim sampela pablik toilet long ol taun. I no gutpela long ol i sasim nating man na tokim em long baim K10 sapos i no gat pablik toilet.

Dispela i no asua bilong mipela, em i asua bilong ol provinsal gavman yet.


Ben Lavu, Bagum Viles, Kimbe, W.N.B.P



ASKIM MIPELA LONG NUPELA NOVA KEY STATA

- Nambawan long PNG
- I gat ol spea pat long woksap
- I gat sevisman long putim long haus o woksap na long stretim sapos em i bagarap.

OL SAVEMAN BILONG BISNIS YUSIM OL *Lister* JENARETA TASOL



Ol kaikai bilong frisa i stap gut bikos mi baim *Lister* long Mista B.

Top kwaliti tasol long ol kastama bilong mipela

LT1 5 K.V.A.
 • TOTALLY PORTABLE ENERGY SOURCE
 • IDEAL UNIT FOR VILLAGE LOCATIONS

TS2 8.5 K.V.A.
 • 3 PHASE OR SINGLE PHASE POWER
 • COMPACT AND EFFICIENT

HR3 26.25 K.V.A.
 • IDEAL COMMERCIAL BACKUP SYSTEM

CS6 58 K.V.A.
 • INDUSTRIAL CAPACITY
 • WILL HANDLE MAXIMUM DEMAND FOR POWER ANYTIME

Brian Bell Stores

- BOROKO — 25 5411
- LAE — 42 3377
- GOROKA — 72 1098
- MT. HAGEN — 52 1999
- RABAU — 92 1966

STRONGPELA 4WD LONG WOL




LAND CRUISER

Long kamap nambawan, yu mas stap strong! Ol i bin testim Toyota Land Cruiser long Hailans bipo long ol i stat long salim bikos Toyota i save olsem ol dispela rot i no isi long draiv long en!

I gat nambawan pats and sevis bilong dispela ka long olgeta hap bilong kantri olsem na long taim yu baim Toyota Land Cruiser, yu baim nambawan ka tru!

**TEST — DRAIVIM
LAND CRUISER TUDE!**



LAND CRUISER
CAB / CHASSIS
PETROL OR DIESEL



LAND CRUISER
UTILITY
PETROL OR DIESEL



LAND CRUISER
SWB HARDTOP
PETROL OR DIESEL



LAND CRUISER
G-SERIES WAGON
PETROL OR DIESEL



ELA MOTORS TOYOTA

WHEELS FOR THE NATION

PORT MORESBY 229400 • LAE 422322 • RABAU 921988 • MADANG 822188 • GOROKA 721844 • MT HAGEN 521888 •
WEWAK 862255 • POPONDETTA 297266 • KAVIENG 942132 • KIETA 956188 • KIMBE 935155 • TABUBIL 589060 • VANIMO 871254



**GAVANA JENERAL
PAPUA NIUGINI**

BIHAIN LONG TAIM OL I MAKIM MI LONG KAMAP GAVANA JENERAL, LEDI KILAGE NA MI I SAVE KISIM PLENTI OL PAS NA TOK AMAMAS LONG OL PIPEL LONG DISPELA NUPELA WOK MI KISIM PINIS.

MI LAIK TRU LONG BEKIM OL DISPELA WAN WAN PAS NA TOK AMAMAS. TASOL SORI TRU I NO GAT INAP TAIM LONG MEKIM DISPELA WOK. OLSEM NAU MI NA LEDI KILAGE I LAIK TOK TENKYU TRU LONG YUPELA OL PIPEL I SALIM TOK AMAMAS LONG MI.

TAIM MI STAP GAVANA JENERAL BILONG PAPUA NIUGINI BAI MI HOLIM GUT OLGETA WOK NA HEVI BILONG DISPELA OPIS OL I MAKIM MI LONG HOLIM. NA DISPELA OL TOK AMAMAS YUPELA I SALIM I KAM LONG MI BAI I STRONGIMI LONG MEKIM GUT WOK BILONG MI.

Ignatius Kilage
IGNATIUS KILAGE, GCMG, CBE
GAVANA JENERAL

new nation

PNG's new Governor-General advises youth. Get your own pull-out poster of Kylie Minogue. Follow up on your very own PNG True Life Tales. Do you want to take charge of your own life? Find out how - read this month's New Nation. All this plus your regular stories in the colourful March issue of New Nation. OUT NOW!!



Pot Mosbi Prais - 90t
Ol Provinsis - K1.00

INDIPENDEN STET OV PAPUA NIUGINI
DIPATMEN BILONG LEBA

HIA EM OL NUPELA PE BILONG OL WOKMAN LONG OL LEVEL 1 NA LEVEL 2 TAUN NA SITI. DISPELA NUPELA PE BAI STAT LONG MAS 1, 1989. NA EM I BIHAINIM TOKTOK BILONG KONSUMA PRAIS INDEKS HUSAT I TOK PE BILONG OL SAMTING I GO ANTAP LONG 5 PESEN LONG DISPELA TAIM. NA TU EM I GO BEK INAP LONG JANUERI 1, 1989.

OL LEVEL 1 NA SITI

Alotau, Arawa, Goroka, Kavieng, Kieta, Lae, Madang, Mount Hagen, Popondetta, Port Moresby, Rabaul, Wewak.

OL LEVEL 2 TAUN

Bulolo, Bwagaioia, Daru, Kainantu, Kerema, Lorengau, Samarai, Vanimo, Wau, Mendi, Kimbe, Kundiawa, Wabag.

OL LAIN PIPEL BILONG FOTNAIT	BILONG WIK	BILONG FOTNAIT	BILONG WIK	BILONG FOTNAIT
YUT ANANIT LONG 2 2 KRISMAS	K26.95	K53.90	K22.75	K45.50
LEBAS NA OL YUT I MARIT	K53.91	K107.82	K45.90	K91.00
Klas 1	K57.22	K114.44	K48.92	K97.84
Klas 2	K60.96	K121.92	K52.77	K105.54
Klas 3	K65.76	K131.52	K57.65	K115.30
Klas 4	K71.52	K143.04	K71.52	K143.04
Klas 5 Ol tredsman i gat setifiket (B1) (B2)	K77.28	K154.56	K77.28	K154.56
Klas 6 Ol tredsman i gat setifiket Klas A	K83.06	K166.12	K83.06	K166.12

LONG AS PLES - Nesene! Minimum Pe - (no ken bai aninit long dispela mak) em K20.11 long wik na K40.22 long fotnait.

OL YUT - Long 26 Jun 1986 Minimum Wage Bot i pinisim Junior Wage Skel. Nupela pe bilong ol yut bai stat long 26 Jun, 1989. Nupela pe em i olsem: Long ol Level 1 o Level 2 taun/siti em 50 pesen long pe bilong ol jenerel leba. Dispela skel em bilong ol lain i stat wok binain long 26 Jun, 1986. Sapos yu stat wok bipo long 26 Jun bai yu mas stap Junia inap long taim yu winim 22 yia. Sapos yu kisim wanpela gut grup long wok.

DR. R. KEKEDO, OBE.,
Secretary for Labour and Employment.

Gret 6 dropaut i TV atis nau



• Benedict Akuire

BENEDICT AKUIRE i wanpela gret 6 skul liva tasol nau em i wanpela Televisen Grapik Atis bilong EM TV. Benedict i bilong ples Arop long Wes Sepik provins.

Benedict i wokim gret wan i go inap long gret faiv long Arop Komyuniti Skul. Dispela taim em i wanpela kleva mangi tru na em i save winim ol poroman bilong em.

Tasol Benedict i no pinisim gret six bilong em long Arop. Long wanem papa bilong em i trense i go long Goroka.

"Long Goroka ol samting mipela i lainim i antap liklik long ol samting mi lainim long ples. Mi traim long wok hat tasol long pinis bilong yia mi bin painim olsem mi bin feil," Benedict i tok.

Benedict i stap nat-ing na olgeta taim em i lukim ol pren bilong em na em i save wari nogut tru. Em i save olsem skul bilong em i pinis nau na em i no nap go long skul moa. Na long wari bilong em, em i save sindaun na droim na raitim ol kain kain piksa.

Wanpela pren bilong Benedict i lukim ol gutpela samting Benedict i droim na

SAM VULUM i raitim

em i tokim em long traim aplai long Goroka Teknikel Koles.

Benedict i tingting planti long wanem Goroka Tek i no save kisim ol ol gret 6 drop aut. Tasol em i go het na aplai.

Prinsipal bilong Goroka Tek i tok orait long Benedict long go skul. Tasol em bai i skul long tupela mun na sapos ol wok bilong em i no gutpela bai em i go bek long ples.

Benedict i save olsem dispela em i las sans bilong em long skul. Olsem na em i strong tru. Em i skul i go na taim tupela mun i pinis, Prinsipal painim olsem em i wok gut tru. Orait em i givim skolasip long Benedict long skul long 1979 i go inap long 1980.

Dispela taim Benedict i winim skul bilong em na em i wok wantaim Waigani i Printers long 1981 i go inap long 1983.

Benedict i wok pinis tasol laik bilong em long skul i no pinis yet. Em i aplai gen i



• Dispela em wanpela poto, Benedict i bin salim i go long Esia-Pacific poto resis long 1987.

go long Nesenel Ats Skul long Mosbi. Na ol i kisim em long Nesenel Ats em i painim olsem em i wanpela gret 6 liva tasol na olgeta wan skul bilong em i pinisim gret 12.

"Dispela tingting i

save wokim mi pre olgeta taim. Na mi ting olsem sapos mi no pre bai mi no nap kamap dispela kain man," Benedict i tok.

Tasol dispela tingting i no stapim em long helpim ol narapela. Em i helpim

tupela gret 10 skul liva, em long Felix Endoy na Benny Aureke long go skul long Nesenel Ats Skul. Tupela manki ya i wanples bilong Benedict.

Long pinis bilong 1984, Benedict i

painim olsem em i winim namba tu prais.

Dispela i wokim em i amamas long wanem i soim olsem em i ken wokim ol samting olsem ol narapela studen.


Mekim ol strongpela wok wantaim **HARDIFLEX • HARDIPLANK**



Hardipanel Sierra

Hardipanel Stucco


Hardiflex



Hardiplank Woodgrain



Hardiplank Crosscut



Hardiplank Smooth

- I no dia tumas
- I ken raun long ol kain ples
- I save pasim strong bilong san na ol bikpela nois
- I isi long wok long en wantaim ol liklik tul
- Em i gutpela tru-i no gat asbestos o wanpela samting bilong kamapim paia long em



BURNS PHILP
Hardware & Building Supplies Nationwide

• PORT MORESBY: 229576 • LAE: 433737 • MADANG: 822488 • MTHAGEN: 521302
• GOROKA: 721033 • WEWAK: 862322 • RABALA: 922867 • KAVIENG: 942043



HARDIE'S
fibre cement building products

SIOS NIUGINI



Pastor stadi long helpim ol spakman

KODINETA bilong Alkohol Edukesen Program bilong Luteran Sios long Papua Niugini, Pastor Joshua Daniels i stadi nau long Amerika. Em bai stap inap 4-pela mun olgeta.

Em yet i wanpela man bilong dring. Olsem na em bai stap wanpela mun long Parksait Treatmen Senta. Orait bihain em bai go skul long tripela mun long wok bilong alkohol riabilitesen.

Taim em i kam bek long Amerika em bai strongim program bilong daunim dispela ol hevi bilong pasin spak.

Dispela i wanpela bikpela hevi. Na sios i gat bikpela wok tru long helpim ol pipel husat i gat dispela hevi. Pasin bilong spak i save kamap nau insait long kantri.

Bai em i namba tu bikpela bisnis i save pulim mani insait long kantri. Taim bilong ol bikpela de olsem baim meri o stretim toktok namel long ol wanpisin, ol pipel i save yusim bia long stretim tok.

Nau i gat planti ol man i save yusim bia long mekim ol wok kempen bilong ileksen. Ol i save karim long helikopta na tilim long ol man long winim ileksen. Dispela pasin i save kamap long provinsal na nesanel ileksen tu.

I tru olsem hevi bilong alkohol o pasin spak i bikpela. Tasol Papua Niugini i no gat planti ol saveman long mekim dispela kain wok long helpim long stretim dispela hevi.


Pastor Daniels i tok em i no amamas long gavman i givim tok orait long kamapim nupela bia faktori. Em i tok Papua Niugini i gat planti trabel na hevi long wanpela bia faktori nau. Na sapos ol i go het long wokim dispela nupela faktori em bai bagarapim tru sindaun bilong ol pipel insait long kantri.

Em i tok ol i wokim faktori na tingim profit tasol. Ol i tok tu em bai kamap planti wok. Tasol dispela i no gutpela tumas bikos ol i no tingting long wanem kain hevi dispela bai faktori bai kamapim insait long kantri.

Em i tru olsem gavman i toktok long givim skul long ol spakman tasol dispela pasin bilong spak bai i no inap pinis. Dispela hevi bai stap longpela taim tru nau.

Pasto Daniels i tok sapos yumi laik kamapim skul orait, stat wantaim ol grasrut pipel. Ol dispela lain tasol i save votim ol memba i go long palamen. Na sapos ol i gat save orait ol i ken tokim memba olsem ol i no laikim ol pasin nogut bai i save kamapim.

Opis bilong Pastor Daniels long Lae i statim pinis ol kos long pasin spak na Sik AIDS. Dispela kos i bilong ol sios lida tasol. Nau ol i wok long painim mani bilong strongim dispela program long tripela yia.



• Pastor Joshua Daniels



• Sampela ol deleget bilong ol sios husat i kamap, long 23 kibung bilong MCC. (l-r) Arthur Charles (Baptis), Kenel Cecil Williams (Salvesen Ami) Modereta bilong Yunaitet Sios, Edea Kidu, Asbisop Peter Kurongku (Katolik), Kepten Tau Pala (Salvesen Ami), Bisop David Piso (Gutnius Luteran), Bisop Getake Gam Evanjelikal Luteran).

Sios i mas strong long helpim ol pipel



• Ol lain husat i stap insait long 23 kibung bilong MCC. Kibung i bin kamap long Kilakila Yunaitet Sios long Mosbi long 22 Februeri.

MELANESIAN Kaunsil ov Sios (MCC) i bin gat wanpela bikpela kibung bilong ol long Mosbi las wik. Dispela em i namba 23 bikpela kibung bilong ol. Dispela bikpela kibung i save kamap long olgeta yia.

Jenerel Seketeri bilong MCC, Reveren Kila Pat i tok MCC i luksave long planti ol hevi i kamap long Papua Niugini. Ol dispela hevi olsem paitim meri, holim na bagarapim meri, na pasin spak. Na em i tok ol sios i mas wok

i go long pes 15

Dokta Tscharke kisim namba long yunivesiti

LONG 10 Februari, yunivesiti bilong PNG (UPNG) i bin wanpela spesel a wot long luksave long wok bilong Dokta Edwin Gerhard Tscharke. Oli givim em wanpela nem ol i kolim Dokta bilong Marasin.

Dokta Tscharke i kisim dispela ona bikos long 45 yia olgeta em i bin givim laip bilong em long helpim ol pipel bilong PNG long wok bilong marasin.

Dokta Tscharke i bilong Australia. Tasol em i bin kam wok long PNG we em i wanpela wokman bilong Lutaren Sios long taim Wol Woa 2 i stat.

Australia i bin kisim sampela lokal pipel long helpim ol long pait wantaim Japan. Orait dispela taim Dokta Edwin tu i jonim ami bilong Australia na kisim trening long ANGAU.

Na bihain em i pinis long ami taim woa i pinis na em i go bek long Australia. Tasol long 1947 em i kam bek long PNG long wok long Buangi Haus sik insait long Finsafen. Dispela taim em i bin wok aninit long Dokta Braun.

Bihain Luteren Sios i askim em long go wok long Karkar Ailan insait long Madang. Orait em i go long Karkar Ailan. Long Karkar em yet i kirapim wanpela haus sik na wok long en.

Na dispela em stat bilong help sevis i go insait long Karkar long helpim long kamapim gutpela sindaun namel long



• Vais sansela bilong UPNG, John Lynch (raithan) i givim bilong Dokta bilong Marasin long Dokta Edwin.

ol pipel.

Ol wokman husat i save wok nau long haus sik em Dokta Edwin yet i save skulim ol.

Dokta Edwin i bin wok long Karkar long 40 yia olgeta i kam inap nau. Olsem na ol pipel bilong Karkar i save tok em i papa bilong ol.

I tru olsem Dokta Edwin i no kisim bikipela skul bilong wok dokta long Australia. Tasol em i save amamas long wok bilong em. Olsem na olgeta taim sapos em i go lip, em i save lainim ol nupela samting. Na dispela save i helpim em long apim save bilong em long wok bilong marasin.



Pasto Mogia i lida bilong Simbu distrik

ELC-PNG Simbu Distrik nau em i gat nupela presiden. Nupela lida em Pasto Maima Mogia. 1988 Simbu Distrik konfrens long Sumburu i makim pinis Pasto Maima Mogia long kamap presiden. Pasto Mogia i bilong ples Olimogoma ples long Gunagia eria bilong Sinasina Distrik.

Long 22, Januəri 1989, Pasto Helmut Horn-dasch i kisim maus bilong Bishop Getake Gam na i go pas long wok bilong givim blesing long nupela lida. Bung i bin kamap long Ega stesin insait long Kundiawa taun na ol planti kristen i kam bung long witnessim dispela de.

Olpela presiden, Pasto Ilai Buge i bin autim tok bilong Bikipela - 1 Pita 5: 1-4. Hia em sampela tok em i tokaut. Ol lida i mas lukautim gut ol sipsip bilong God. God i kisim ol pinis long han bilong Satan long nem bilong Krai Jisas. Ol i spirit bilong God. Blut bilong Jisas yet i baim ol pinis. Sapos yumi toktok long sios - em i no min long ol wok bilong ofis edministresen. Tasol em i min moa long pikinini bilong God. Kain kain biknem bai pinis, tasol Tok bilong God bai stap oltaim. Yumi mas helpim ol kristen manmeri long lukluk long laip i stap oltaim.

Pasto Helmut Horn-dasch tu i autim tok bilong God olsem. Epifeni em i min olsem lait i kam. Jisas Krai i kam pinis. Husat i bilip long Jisas em i no ken stap insait long tudak. Jisas i tok, tude dispela lait i kam pinis. Yumi i bodi bilong Krai. I no ol lida tasol i gat wok long mekim. Sapos yumi stap hap hap bilong dispela bodi, orait, yumi mas wok wantaim.

- Ol Kristen i mas stap olsem hap bodi bilong narapela narapela. Yumi mas yusim wok bilong yumi long helpim ol arapela lain brata.

- Daunim pasin bilong olpela bel na laik bilong yu yet.

- Yumi mas sori long ol arapela lain olsem yumi save mekim long yumi yet.

Tok Bilong Lida

Bihain long lotu, Pasto Maima Mogia i tok: "Gavman na sios i mas wok bung wantaim. Ol sios i mas i gat mausman i makim ol insait long ol bung bilong gavman long pasim ol strongpela tok."

Distrik opis em i ples bilong olgeta Kristen manmeri i ken kam na kisim helpim. Olsem na em i mas op long olgeta taim.

Long histori bilong Simbu Distrik, Pasto Maima Mogia i kamap olsem namba 4 Distrik Presiden. Pastaim tru Kaman i stap namba wan presiden na bihain long en em Pasto Boniepe i stap. Pasto Boniepe i kisim nem bisop pinis na em i dai long wanpela birua long ka long Makam Veli.

Bihain long dispela, Pasto Ilai Buge i kisim 1 wok bilong distrik lida. Konfrens long olgeta 2-pela yia, ol sios distrik bilong Luteren Sios ol i save holim ilkesen na makim o strongim wokman long ronim sios wok insait long ol distrik.

Marai i kamap bisop



• Nupela Bisop bilong Goroka, Michael Marai.


PATER Michael Marai, wanpela peris pris bilong Wewak daiosis, Is Sepik provins i kamap Bisop bilong Goroka long Fonde, Februari 23.

Bisop Michael i kisim ples bilong Bisop Raymond Ceasar, SVD, husat i bin dai long mun Jun, 1987.

Asbisop Leo Arkfeld (Madang) i bin givim namba na sakramen bilong Pater Michael long holim wok olsem bisop long Kefamo insait long Isten Hailens provins. Asbisop Leo Arkfeld tu i bin givim namba na sakramen long Bisop Michael taim em i laik kamap Pater long 1976.

Moa long 1000 pipel i bin kamap long lukim Pater Michael i Bisop. Na klostu 500 pipel i bilong Is Sepik provins yet. Planti bilong ol dispela lain Sepik i bin kisim balus long planti hap bilong kantri na go long Goroka.

Dispela de tu i bin wanpela gutpela de tru. I bin gat ol tumbuna singsing grup bilong Wewak, Madang, Simbu, Goroka na sampela stail danis lain bilong Tolai tu i bin kamap.



• Em nau, ol lain wantok bilong Saure i bilas na redi long tromoi lek long amamasim dispela de bilong Bisop Michael Marai.

Luteraan pasto go wok long Jemani

WANPELA Luteraan Pasto wantaim famili bilong em i go pinis long Jemeni long Sarere 28 Januəri.

Nem bilong dispela man em Pasto Zunbek Molong. Molong i gat 33 kris-mas olgeta na em i bilong ples Buana insait long Morobe provins. Em i marit long Misis Egue Zunbek na tupela i gat tupela pikinini.

Em i go wok long Jemeni olsem wanpela misineri.

Pasto Zunbek i bin greduet long Martin Luther Seminari we em i kisim Diploma bilong Teoloji long 1983. Na bihain em i go wok long Mt Hagen Taun Seket i kam inap 1988.

Long Jemeni Pasto Zunbek bai mekim wok bilong pasto. Em bai mekim ol arapela wok tu olsem makim Evenjelikel Sios bilong PNG (ELCPNG) long ol

bikipela kibung. Dispela em long tokaut long wok bilong Evenjelikel Luteraan Sios insait long PNG.

Long Sande 22 Januəri, Bisop bilong ELCPNG, Bisop Getake Gam, Deputi Bisop, Bisop Ray Rasowe na Dairekta bilong ol Evenjelikel Pasto, Peandiu Kumin i mekim las misa bilong Pasto Zunbek na famili bilong em. Dispela misa i bin kamap long St Paul's Luteraan Sios long Lae.

Bisop Gam i tok olsem dispela em namba wan taim bilong wanpela pasto bilong ELCPNG i go wok long Jemeni. Na dispela i soim olsem ELCPNG i ken salim ol wokman i go long ol ovasis kantri olsem misineri, em i tok.

Bisop Gam i tok moa olsem Pasto Zunbek bai go wok long Jemeni olsem wanpela wokman bilong Jisas Krai na

ol pipel.

Pasto Zunbek i amamas tru long dispela wok. Em i tok olsem em bai wok strong long strongim gutpela pren namel long Luteraan Sios bilong Jemeni na PNG.

Pasto Zunbek wantaim famili bilong em bai kam bek long PNG bihain long 5-pela yia.

Bipo ELCPNG i bin salim sampela pasto i go wok long Amerika olsem misineri tu.


Tasol namba wan Luteraan pasto long go wok long ovasis kantri em Pasto Nawon Mellemo. Pasto Mellemo i bin go wok wantaim ol Aborijini pipel long Australia. Tasol nau yet em i kam bek pinis na Adal Wagim gen i kisim ples bilong em.



Kwaia i katim singsing

KWAIA grup bilong ol man long Galilo Yunaitet Sios long Talasia, Wes Nu Briten provins. Oli i bin redi na kisim dispela foto bipo long ol i go insait long Pacific Gold Studio long Rabaul kaset. Kaset bilong ol bai i kamap long namel bilong dispela yia. Olsem na putim yau tasol long harim ol.

Foto MATHIAS BALIVE



• Bisop Michael Marai (sindaun long lephan), Pater Cherobim Dambui (sanap), papa bilong Bisop Michael na Otto Kovingre (sindaun). Ol foto John Samar

Sios i mas strong long helpim ol pipel

i kam long pes 13

strong long traum, daunim ol dispela ol pasin.

Ol hetman bilong sios i tok ol bai bung na paitim toktok gut na stretim ol dispela hevi. MCC tu i toktok long wok bilong Jastis na Pis. Oli laik painim gutpela we olsem long stretim ol wok na i mas bihainim tingting bilong Sios.

Rev Pat i tok planti ol sios nau i no save mekim gut wok bilong ol. Oli no save mekim

gut wok bilong ol bikos ol i les. Na tu ol i no save helpim ol tarangu husat i gat nem tru long mekim wok bilong ol.

Em i tok planti ol pipel i stap tasol i no gat man long helpim ol. Na arapela samting tu ol i no save kisim tok bilong God long helpim sindaun bilong ol.

Arapela bikipela toktok tu i bin kamap long dispela taim em Melanesian Teoloji. Reveren Pat i tok wok bilong Melanesian Teoloji em i narakain liklik. Oli

asples lain yet i yusim tok bilong baibel long pasin bilong ol yet. Sapos ol i yusim yet pasin tumbuna bilong ol long autim tok bilong God em bai helpim ol tru.

Dispela em bikipela samting tru. Em bai helpim pasin bilong kamapim lokal sios insait long kantri.

Em i tok em gat bikipela wari tru nau. Olgeta sios i mas wok wantaim long autim gutnius. Olgeta sios i mas sapotim ol brata sios long strongim wok bilong sios long grasrut.

BAND-AID Strip

Bai lukautim na pinisim ol sua.



Bilong pasim ol dispela liklik sua, yusim Band-Aid* Bren Strip. Band-Aid* Bren Strip i save pas gut long skin na lukautim ol liklik sua i no ken kamap bikipela.

Johnson & Johnson

COLOR USED

Bungim mani bilong amamasim 100 yia Engliken Sios

ENGLIKEN Sios i kisim pinis sampela mani bilong selebretim 100 yia sios i stap long Papua Niugini. Tasol ol komiti i bilip olsem ol bai i kisim sampela moa mani taim ol i putim planti toksave long niuspepa.

Bikpela askim i bin kamap long Pot Mosbi long Septemba long las yia.

Dispela selebren bai i kamap long Ogas 1991 na bai i stat long dispela de ol namba wan misineri bilong Engliken sios i bin stat wok long Dogura long Milen Be Provins. Ol misineri ya em Albert Maclaren na Copland King.

"Mi laik tok stret olsem dispela progrem bilong bungim mani i no kamap orait tumas. Mipela i kisim liklik mani tasol na mani i no inap yet," Siaman biong Pot Mosbi Diosesen Komiti, Bishop David Hand



• Bisop bilong Niugini, Montagu Stone-Wigg, wantaim tupela Papua skulboi, Peter Rautamara (lephan, husat i bin diken long 1914 na pris long 1917 na em i dai long 1971) na Gregory Toroia long Sidni long 1905.

i tok. Long tupela miting bilong ol Engliken Bisop na ol sios lida long Mosbi long las mun, ol i bin painim olsem planti man i no soim bikpela laik bilong amamasim dispela de.


"I luk olsem ol pipel i

no pilim amamas long dispela samting bai i kamap, "Bisop Hand i tok.

"Bai mipela i stat long salim ol toksave pepa bilong dispela 100 yia selebren i go long olgeta hap bilong kantri na bai i traim kirapim bel bilong ol

man long tingim dispela de," em i tok.

Ol i bin painim tu wanpela hevi. Dispela tingting em Gavana Jenerel i putim long las yia olsem wan wan man bai i putim Kl long 1988 bai i mas kamap gen long dispela yia



• Reveren Coplan King - em i wok long Niugini misin long 1891 inap 1918.



• Reveren Albert Alexander Maclaren - em i kirapim wok misin long Niugini.

na narapela tupela yia i kam.

Tasol ol komiti i bin painim olsem dispela i no bin kamap gut tumas na i luk olsem bai ol i traim narapela rot gen.

Ol Engliken long ol narapela kantri i bin luksave long dispela samting na ol i bin soim laik bilong ol pinis.

Wanpela Engliken Bod Misin (ABM) long Australia i tingting long stretim dispela hevi, tasol bos bilong Engliken sios long Papua Niugini Asbisop George Ambo i tok dispela em i wok bilong Papua Niugini yet long stretim olgeta samting.

ABM i tokorait long putim mani long stretim olpela haus bilong ol pater long Pot Mosbi na wokim i

kamap haus bilong ol wokman long slip long en.

Narapela gutpela toksave tu olsem dipatmen bilong Kalsa na Turisim i bin i tokorait pinis long givim K2,000 long stretim bikpela haus lotu bilong ol Engliken long Dogura. Nem bilong haus lotu ya em long St Paul na St Peter.

Plantu hevi i bin bagarapim Dogura olgeta taim tasol nau ol yut i bin traim long stretim ples redi long dispela bikpela de bai i kamap.


Long namba wan leta i go long ol Engliken long Pot Mosbi, Bisop Hand i tok, "Yumi nidim mani, tasol yumi no ken yusim long dioses bilong yumi tasol. Yumi mas lukim

olsem i gat nap mani long dispela bikpela de long 1991.

"Mani ya bai yumi yusim long lukautim ol man olsem Asbishop bilong Kentaburi (Reveren Robert Runcie) na man i makim Kwin na ol sampela moa bikman. Na tu bai yumi helpim Dogura long stretim ol kain kain samting.

I luk olsem bai i gat wanpela bikpela sata balus bai i kam long London na bikpela bot bai i kam long Sydney.

Ol selebren Komiti memba i tok ol i no gat wanpela astingting bai ol i wok long en tasol ol i bilip olsem bai i gat inap mani long wokim dispela selebren we ol Engliken bai i no inap lus tingting long en hariap.



• Bikpela haus lotu bilong St Peter na Paul long Dogura, Milen Be provins.

Ol Engliken na Katolik i paitim toktok long bung

OLGETA bisop bilong Katolik na Engliken sios i bin holim namba wan bikpela kibung bilong ol long Trinde, Februeri 1. Dispela bikpela kibung bilong ol i bin kamap long Boman long Mosbi.

Insait long dispela kibung, tripela Asbisop na 6-pela Bisop bilong Engliken na Katolik sios long kantri i bin paitim.

Bikpela tingting bilong dispela kibung em long lukluk long sampela gutpela rot

em ol lain memba bilong dispela tupela sios i ken bung na wok wantaim.

Plantu ol samting em dispela tupela sios i save mekim i wankain. Olsem na dispela kibung i bin lukluk long sampela rot bilong bringim ol tising bilong Jisas long bungim olgeta sipsip bilong em wantaim.

Ol bisop i bin kamapim wanpela komiti bilong glasim na skelim dispela tingting. Ol bai glasim wanem kain rot tru em dispela tupela sios

inap long bihainim long mekim dispela tingting i kamap tru.

Sampela ol rot bilong wok bungwantaim em long ol skul bilong tupela sios ya wantaim, ol memba bilong dispela tupela sios i

ken kisim trening wantaim na wok insait yet long ol komyuniti bilong helpim na lukautim ol memba bilong tupela.

Ol bisop i na makim yet wanem taim ol bai bung gen na skruim toktok long dispela samting.



• Ol lain husat i bin kamap long dispela kibung: (l-r) Engliken Bisop Paul Richardson, (Aiporongo), Seketeri bilong Katolik Bisops' Konprens, Pater John Doggett, Katolik Bisop Desmond Moore (Alotau), Katolik Bisop Michael Meier (Hagen), Engliken Bisop Issac Gadebo (Mosbi), Katolik Bisop Albert Bundervoet (Rabaul), Katolik Bisop Raymond Kalisz (Wewak), Engliken Asbisop George Ambo na Engliken Bisop Bevin Meredith (Niugini Ailan).



Ol memba toktok long ol provinsal gavman

LONG Fonde (Mas 2) planti toktok long Provinsal Gavman i kamapim gen long Palamen.

Memba bilong Rai Kos Samuel Pariwa i tok olsem planti long ol memba i bin toktok long rausim ol provinsal gavman na planti i laik bai ol i stap.

"Bai i no isi long rausim ol provinsal gavman bikos sam-

pela long ol i bin mekim bikipela hatwok tru long kamapim provins. Miting olsem bai Palamen i mas kamapim sampela strongpela long ol i ken bihainim," Mista Pariwa i tok.

Em i tok long lukluk bilong em sampela provinsal gavman i bin go kamap bikipela tru. Na i gutpela

sapos Nesenel Gavman i traime long katim daun sampela wok bilong ol na bai i ken isi long ol i givim helpim i go long ol pipel long ples.

Mista Pariwa i tok, "Mi mas tokaut olsem sampela provinsal gavman i helpim gut ol pipel tru. Ol i mekim ol wok we sampela nesenel memba i no mekim."

Tasol memba bilong Nu Ailan Gerad Sigulogo i tok Nesenel Gavman i statim ol provinsal gavman na i no gutpela long bagrapim ol. Em i tok mobeta gavman i mas helpim ol.

Em i tok planti taim ol politikel pati log provinsal gavman i save sapotim ol politikel pati bilong Nesenel Gavman na taim provinsal gavman i tilim ol mani bai ol man husat i no laikim politikel pati i stap long pawa bai i no save kisim.

COES greduet i helpim ol arapela studen

WANPELA greduet bilong korespondens skul bilong COES long Konedobu, i wok long helpim ol arapela studen long dispela skul nau.

Meri ya Erica Benson i bilong Matupit Ailan long Is Nu Briten provins. Em i gat 19 krismas nau na em i pinisim haikul kos bilong em wantaim COES long 1986.

Erica i bin pinisim gret 6 long Koronesen Komyuniti skul long Mosbi long 1984. Em i no inap go long haikul na papamama bilong em i bin sori tru. Tasol ol i no givap. Ol i kisim em i go long COES na putim nem bilong em long korespondens skul.

Insait long wanpela yia tasol long 1985, em i pinisim ol wok bilong gret 7 na 8 na em i kisim gutpela mak tru. Long dispela

yia tu papamama bilong em yet i bin baim skul fi bilong em.

Orait long 1986, ol lain Brigidian Sista bilong Katolik peris long Erima i helpim Erica long skul fi bilong em. Erica i bin wok strong long skul na em i pinisim olgeta wok bilong gret 9 na 10 long 1986. Na em i kisim gutpela mak tru long skul wok bilong em.

Long taim Erica i pinisim skul long COES em i go bek long Erima na helpim ol Katolik sista ya long wok bilong ol. Ol sista i gat wanpela vokesenel skul na Erica i helpim ol sista long dispela skul long 1987 i go inap klostu pinis bilong 1988.

Orait long mun Oktoba long 1988, COES opis long Konedobu i askim Erica long go wok wantaim ol.

Long olgeta hap long PNG nau na taim bihain tu. Wanem haus moni na benk i ken halpim yu.



YU AMAMAS LONG WESTPAC BENK EM KEN HALPIM YU.



Westpac ken halpim yu

CALLING ALL BANDS

Mipela salim samting bilong Musik...

Emplifaia
Spika
Miksa
Dram
Kibod
Maut Ogen
let bilong Gita
Skin bilong Dram
Ol Songbuk na Kodbuk
Mekim pairap bilong gita nating olsem pawa gita wantaim pick-up bilong gita.
K33.50 tasol.

Bateri Emplifaia bilong Gita LID na BEIS K140.00 tasol Post Nating.

Rook's Radio, P.O. Box 191, Lae. P.N.G. Telefon: 424616

BAIBEL KOMIK


Ol wok bilong ol APOSEL

Pasim lek na han

ACTS 20: 3-21: 14

Ol lida bilong ol Juda long Korin i tok bilas long Pol na tok em i no inap kamap long

Jerusalem. Ol i pasim tok long pasim lek han bilong em na troimoim em long solwara. l



Pol i stap long sip o?

No gat... sapos em i no stap bai wok i rong nau.

Tasol ol Juda i lus. Pol i kisim tok-save na em i no kisim sip. Em i taitim rot i go olsem long hap bilong Masedonia.

Pol i trikim ol birua bilong em. Tasol i no long taim bai ol i bagarapim em.



Pol i wokabaut inap planti wik na em i go lukim ol sios i stap long rot. Em i kamap long Troas na planti pipel i bung long harim toktok bilong em. Na wanpela yangpela man i aislip na em i pundaun long windo.

Em i pundaun i kam daun long antap tru ya. Ating em mi dai.

No ken wari. Em i no dai.

Luk aut!



Bisop Etheridge tok gutbai long Vanimo

HENRY MORABANG i raitim

NAMBAWAN helpman bilong ol refuji na Katolik Bisop bilong Vanimo Daiosis, Bisop John Etheridge i risain.

Em bai lusim Vanimo long neks wik Trinde (mas 15) na go bek long ples bilong em Adelaide, Australia.

Bisop i tokim Wantok olsem em i wari tru long long lusim Papua Niugini tasol sik bilong em tasol i wokim na em bai go. Em i tok em i bin stap 18 yia olgeta long Vanimo, Wes Sepik provins.

Bisop Etheridge i bin go wok long Wes Sepik long taim em i wanpela yangpela pris bilong sasaiti bilong Passionist misineri long 1971. Em i lukautim ol misin stesin long Wes Sepik

pris na long 1980, Pop i bin makim em Bisop bilong Vanimo.

Bisop Etheridge i bin lusim PNG long 1987 na go long Australia taim em i kisim sik long lewa. Na klostu em i bin kisim Hat Atek (Heart Attack). Na las wik Sande em i bin kam bek long Vanimo long tok gutbai long ol pipel bilong em.

Em i tok taim em i stap long haus sik long Australia, ol dokta i bin katim em 4-pela taim pinis. Na ol dokta i tok lukaut olsem em i mas malo-lo bikos dispela sik i kem kamap gen.

Olsem na taim em i siip long hausik long Australia, em i salim pas i go long Rom (Holy See) long kisim

tok orait bilong pinis long wok bikos em i gat sik.

Bisop Etheridge i tok wan wik bipo em i kam bek long PNG, em i kisim pas long Rom olsem ol i tok orait long askim bilong em.

Em i tok em i no klia gut em bai mekim wanem samting long Australia. Em bai stap nating o het bisop long Australia bai givim em narapela wok.

Wantok i askim em long ol lain refuji na Bisop Etheridge i tok em i laik lukim ol lain refuji insait long kantri i mas fri nau.

Bikos longpela taim tru gavman bilong Indonesa na PNG i wok long lukautim ol. Sapos ol i inap fri,

orait gavman i mas painim wanpela ples bilong ol long narapela kantri.

Em i tok planti refuji nau i no gat fridom tumas bikos ol i pret. Ol i no klia long wanem samting o tok-tok tupela gavman PNG na Indonesia i mekim.

Mausman bilong Katolik Bisop Komprens Pater John Doggett i tok em i klia long toktok bilong Bisop John Etheridge i risain.

Em i tok Bisop Etheridge resain bikos em i gat sik. Na Opis bilong Pop long i tok orait long askim bilong Bisop long risain.

Pater David Wilkie CP bai lukautim Vanimo Daiosis inap Rom i makim nupela bisop.

TU MINIT TINGTING

FRANK MIHALIC i raitim

PASIN SPAK

Wanpela meri i gat biknem long raitim olkain stori, nem bilong em Emili Bronti, i gat wanpela brata i lus pinis long strongpela dring. Olsem na em i wokim wanpela stori long dispela samting. Stori i go olsem.

Kwin bilong Indai i laik makim wanpela man long praim minista bilong gavman bilong em. Dispela man i mas win tru long mekim indai planti pipel long dispela graun. Olsem na kwin i kirapim wanpela resis. Man o meri i ting em i gat wanpela gutpela aidia bilong mekim dai bilong planti pipel, em i ken insait long dispela resis.

Orait, bikpela lain i kamap. Pasin hambak i stap, na sempasin, na mipasin, na pasin jeles, na pasin belhat, na lespasin. Bikpela hangre i promis long kilim indai planti manmeri; na bikpela sik tu i promis. Pasin raskol na pasin bekim na pasin kompensesen na pasin bilong pait na woa. Kwin i harim plen na stori bilong wan wan. Tasol em i no pasim tingting yet long makim wanpela i praim minista.

Nau wanpela misis i kamap. Em i naispela na i save smail planti na toktok bilong em i grisim yau tru. Em i tok olsem, "Yes, ol pait na woa i save kilim indai planti pipel. Tasol yumi mas painim wanpela samting i gat strong long kilim indai planti manmeri long gutpela taim, long taim olgeta samting i ran gut na ol pipel i amamas. Mi gat wanpela samting olsem. Man i gat planti mani na man i no sot long wanpela liklik samting, em yet i ken lus long dispela birua mi save bosim. Samting bilong mi ya inap kilim indai moa pipel olsem olgeta man i save lus long woa.

Kwin i harim dispela tok, na em i laik save long nem bilong dispela meri ya i laik kamap praim minista. Meri i sanap na i tok, "Nem bilong mi Pasin Spak."

Mis Pasin Spak i kamap praim minista long Kingdom bilong indai na em i mekim gutpela wok tru inap long tude.

Mis Pasin Spak i kilim indai planti tausen pipel olgeta de long planti kantri bilong Yurop na Amerika na Australia na long PNG tu. Spak em i wanpela nupela kain sik long PNG; tasol olgeta yia em i save pinisim moa manmeri olem olgeta

woa bilong yumi. Planti moa i save dai long ol haiwe, bikos wanpela spakman i draiv. Planti boi i kisim strong bilong mekim pasin raskol bihain long em i dringim bia.

Na i no bia tasol, nogat. Bakadi na wisiki na spirit yet i slipim tru planti man na meri tu, long Hailans bihain long ol i wok kopi. Ol provinsal gavman long nambis tu, olsem long Is Sepik, i save winim sampela milion kina olgeta yia long takismani i kam long ol bia tasol.

Long taim bilong ol tumbuna yumi olgeta i pret long sanguma. Tude yumi i gat wanpela sanguma; em i stap insait long botol. Em i sanguma bilong strongpela dring. Tasol, sore, i no gat man o meri i pret long em. Maski indai; ol i laik spak. Em i wanpela nupela ekspiriens.

Olsem na planti wantok i larim ol, na i no traime stretim ol. Long taim man i spak na i bagarapim ol samting nabaut, planti wanples i save sanap na lap; ol i no laik stapim em. Ol i no kea. "Man ya i longlong long dring," ol i save tok. "Larim em." Orait, nau mi laik bringim spakman i go long bagarapim haus na famili bilong man i toktok ating nau em i gat narapela tingting....

Sore, pren. Long taim yu spak. I no gat wanpela man o meri o enimal yet i laikim yu. Ol i tromoim yu i stap. Yu no inap long wok; yu inap bagarapim ol samting tasol, na mekim nogut long meri na ol pikinini bilong yu. Long dispela taim mi laik reko-tim stupit toktok bilong yu long wanpela kaset. Na bihain het bilong yu i klia gen, mi laik putim long tep rekota bilong yu na larim yu i harim... Na mi laik mekim planti taim moa, inap yu sem tru na les long harim...

Pasin spak em i olsem wanpela sik. Tasol man i no save pinisim dispela sik, bikos em i laikim dispela sik; em i no laik dispela sik i pinis. Na namba tu samting; em i no laik daunim marasin bilong pinisim dispela sik.

Tru tumas, Sen Pol i tok, "Yupela i no ken dring planti na spak. Nogat. Dispela pasin i save bagarapim yupela." (Efesus 5:18)


Nau yu inap

Go for Goal!

long nupela 6-mail sab-brans,

long Mosbi long olgeta kain wok benk kam na lukim Joe Ben Goru wantaim ol stav.

Mipela i op long 9am inap 2pm Mande inap Fonde. Fride mipela i op long 9am inap 5pm.



Mipela i amamas long lukim yupela.

Ph:257609

6 Mail Sab-brans,

Morea-Tobo Rot,
6-Mail, Mosbi.




Joe Ben Goru,
Officer-in-Charge



Bank of South Pacific Limited
A MEMBER OF NATIONAL AUSTRALIAN BANK GROUP

USING A RULER, TRY TO DRAW THREE STRAIGHT LINES DIVIDING THIS PICTURE INTO SIX PARTS, EACH CONTAINING THREE SOMBREROS



THE FIVE FRAGMENTS ABOVE ARE FROM THE PICTURE BELOW. THE FIRST PIECE MATCHES THE AREA F5. WHEREABOUTS DOES THE SECOND, THIRD, FOURTH, AND FIFTH PIECE MATCH IN?



Tupela poroman go long ples bilong ol tewel

BIPO long taim bilong tumbuna i gat tupela man i save stap. Nem bilong tupela em Palik na Pana.

Tupela i gutpela poroman tru na oltaim ol i save raun wantaim na mekim wanem kain wok bilong painim abus o ol arapela wok.

Wanpela taim tupela i promis long raunim blut long ol diwai na holim ol pisin long taim ol i kam pas long blut bilong diwai. Orait tupela i go katim blut bilong kapiak na karim i go long ples.

Long nait tupela i sindaun na toktok long go raunim blut long Ganbage. Ol i pasim tok pinis na ol i slip. Long moning tru tupela i kirap na go kamap long Ganbage na ol i raunim blut long ol diwai. Na tupela i wet long ol pisin i kam pas.

Tupela i raunim blut long ol diwai pinis na tupela i goapim wanpela bikpela diwai tru na was i stap. Ol i was i stap na ol i lukim ol tewel i wok long kamautim wanpela wel limbun na kam ausait. Dispela limbun i olsem rot bilong ol.

Ol tupela i stap yet olsem long driman na ol i lukim ol tewel ya i kam asait na i wok long karim umben bilong pik. Long taim tupela i lukim olsem, ol i slip isi tru na lukluk i stap.

Olgeta man i kam ausait na i go raunim pik. Na las man tru long kam ausait long dispela dua em wanpela lapun man. Lapun ya i kam ausait na em i laik pasim dua tasol dispela limbun dua i strong tru. Em i traim pasim i go no gat na em i lusim dua i op i stap na em i bihainim ol arapela tewel i go painim pik.

Palik na Pano i lukim olsem na tupela i lusim ol blut i stap na tupela i kam daun long graun. Orait ol i go insait long dispela rot bilong ol tewel na tupela i go kamap long wanpela haus tambaran.

Tupela i go insait long dispela haus tambaran na ol i lukim ol smatpela kundu na ol mambu. Ol i go na wok long paitim kundu na winim mambu i stap insait long haus tambaran.

Long taim kundu i pairap tupela naispela meri tru i harim na ol i kam long lukim. Long taim ol i lukim tupela man ya, ol i kirap na banisim rot bilong ol nau.

Ol tupela man i tanim na lukim ol na askim, "Yutupela i meri bilong husat?" Na tupela meri i bekim na tok, "Mitupela i meri bilong yupela."

Tupela pren ya i harim na ol i amamas tru. Na ol i no laik go bek nau long ples bilong ol. Ol i laik stap long dispela ples wantaim tupela meri ya.



Tasol ol meri ya i tok, "Tupela pinga kapa bilong yupela i no blak. Olsem na yupela i mas go bek long ples bilong yupela. Sapos yupela i stap bai ol man i kam bek na kilim yupela."

Tupela man ya i wari nogut tru. Tasol ol i save olsem ol tewel bai kilim ol sapos ol i stap long dispela ples. Em nau ol i bihainim ol meri ya i go bek long rot bilong kam ausait long dispela ples bilong ol tewel.

Tupela meri ya i go insait gen long haus tambaran na ol i kisim wanpela kundu, na wanpela mambu flut na wanpela yam i kam givim tupela man ya. Dispela yam i gat naispela smel bilong em.

Pano na Palik i karim ol samting na wokabaut i kam long rot na tupela i wok long toktok, "Bai yumi mekim wanem na yumi go bek long dispela ples bilong ol tewel?" Ol i wok long toktok olsem na wokabaut i go bek long ples.

Ol i traim tingting long sampela rot tasol i no inap. Em nau ol i pasim tok long kilim ol yet. Ol i tok sapos ol i dai bai ol i ken go kamap long ples bilong ol tewel na lukim tupela meri ya.

Long taim ol i kamap long ples, tupela i kilim pik. Palik i kilim pik bilong givim long Pano. Na Pano i kilim pik bilong givim long pren bilong em Palik.

Ol i katim pik na kuim gut tru wantaim ol arapela kaikai. Long taim kaikai i tan nau tupela i sindaun

kaikai. Na ol arapela ol man long ples i lukim olsem na ol tu i kam bung na lukluk long tupela.

Ol tupela i kaikai abus na dring sup pinis na ol i go ausait na kamautim ol yangpela gorgor. Orait Pano i raun long wanpela sait bilong haus tambaran na Palik i raun long narapela sait. Tupela i ran i kam bung na wanpela i tromoi gorgor long narapela olsem man i tromoi spia.

Tupela i wokim olsem pinis nau tupela i go bek sindaun na pinisim olgeta abus na sup bilong ol. Bel bilong ol i tait gut tru nau orait ol i kirap na kisim spia tru na go asuait.

Em nau ol i raunim haus tambaran gen olsem ol i bin mekim bipo. Tasol long taim tupela i kam bung, Palik i tromoi spia na sutim Pano na Pano tu i sutim Palik. Na tupela wantaim i pun-daun na dai.

Ol man i bung i stap na ol i lukim tupela poroman i kilim tupela yet. Orait ol i karim bodi bilong tupela i go planim.

Mi laik toksave olsem ol tripela samting em ol tupela man ya i kisim i kam long ples bilong ol tewel i stap nau. Kundu tasol i sting pinis. Tasol dispela flut wantaim yam i stap yet long ples Kalabu long hap bilong Is Sepik provins. Husat man i raun i go long ples Kalabu i ken lukim ol dispela samting i stap yet.

Jason Yaliqua P.O.Box 97, Kimbe.

NUPELA

WANTOK

BINGO

Winim K50

NA OL SMATPELA WANTOK T SIOT

LAKI BINGO

31	32	33	37	38	39	43	44	45	49	50	51	55	56	57
34	35	36	40	41	42	46	47	48	52	53	54	58	59	60

No 2

Pilai i olsem - i gat 5-pela bokis. Na insait long wan wan bokis i gat 6-pela namba i stap. Yu mas makim wanpela namba tasol long ol dispela 5-pela bokis. Mipela i helpim yu pinis na makim namba 8 king namba wan bokis. Sapos olgeta ansa bilong yu stret bai yu winim K50. Ol arapela 5-pela pilala husat i kamap klostu long rait ansa bai kistm fri Wantok T-Slot.

Makim gut ol ansa bilong yu na salim i kam long Wantok Bingo No.2 P.O. Box 1982, Boroko, NCD.

Resis i pas long Trinde 22nd March na bai mipela tokaut long ol wina long Fonde 23rd March. Namba tri resis bai stat tu long dispela taim.

NEM.....

P.O. BOX.....


TAUN.....

WANTOK

OKSAVE

**BOKIS
252500**

**BELATED
BIRTHDAY**



Birthday greetings to **GEORGIE K. SILO** who will turn 3 years old on the 5/5/89. Keep smiling my Sweet Heart. Luv & sweet kisses from mum Thery & dad P.K. Haunje, small bro. Gilbert Haunje. Not 4-getting all uncles, aunties, bubus of Rapex - Hoskins and also aunties & bubus of Passam No. 1 Wewak, E.S.P. May our heavenly father richly bless & guide you in your future!!!

Birthday greetings to **GILBERT H. RAGI** who will turn 1 year old on the 14/6/89. Luv & sweet kisses from mum & dad. Gee Gil! noken lus tingting long uncle George & family of POM. Na tu uncle Stanis long Aitape, E.S.P. God bless you!!!

Belated Betde to



**JNR
GORETTI**

Your are 2 yrs today 13/02/89. Birthday greetings from your loved ones in PNG. Bubus of Mt Hagen Bogia & Biem Island Wewak. Also bubus of Newtown - Madang. Uncles & Aunties of Mt Hagen, Wewak and Madang. Special love from Aunties Gorette & Uncle Isidor

TOK SAVE



**MOROBE
LAE CITY AUTHORITY**

LAISENS BILONG SALIM AISBLOK

Taim nau long senisim olupela laisen bilong yu long salim aisblok na kisim nupela.

Fe bilong laisens em i go antap long K25.00.

Sapos yu no gat nupela laisens bai yu go long kot na baim kot long K100.00 or kalabus long tri mun (3 months).

Oi loya bilong Authority i redi long sasim yu sapos yu no gat laisens.

T.P. GABRIEL
Chief Health Inspector.

KEEP LAE CITY CLEAN. DO NOT LITTER.

HAPPY BIRTHDAY

Congratulations sister, you've made it through the 1st 21 stages of life so why not the next 21.

Belated 21st Birthday greeting to



KAIRU LAHO

who turned 21 on 08/03/89.

May there be many happy returns. Love from sist Ruth at 'Word' and also from friends of UPNG & WORD.



DAVID D. MOSES

Hey! You have turned 1 year old on the 06.03.89 (Monday). Happy belated Birthday to you!!!

Greetings from your brothers, Uncles & Aunties of M/Manu & H/Bada - not forgetting you - is your one & only Bro-In-Law at Word.

Lastly, best wishes & love from your Mum & Dad at Gerehu Stage 5 & your Bubus at Sama-tex. God bless you...

**He likes to eat
RICE and TINFISH..**



OH!and he...

SHOPS at major department stores, buys different FOODS, likes SOFT DRINKS, enjoys smoking CIGARETTES, has a family to feed and CLOTHE, sends his kids to SCHOOL, he owns a CAR, has his own HOME, has money invested in a BANK and in his spare time he likes to play SPORT and listen to MUSIC

OH!.....

and one other thing that advertisers tend to forget - he speaks Pidgin, 90% of the time as his natural language - unlike English!

**There are 2,000,000
Others like him in Papua New Guinea!**

WANTOK

The only Pidgin newspaper in PNG



HEY!

**Mipela
save
stail
wantaim**

WANTOK

Pablik Notis

Sapos yu laik edvataism
Toksave, Painim Wok,
Pablik Notis, Ringim:
Miria Ravao
Telepon: 25-2500
Ext. 217.



SIMBU PROVINCIAL GOVERNMENT

WANTAIM AGRIKALSA BENK I KIRAPIM PINIS AGRIKALSA LON PROGRAM LONG SIMBU PROVINS.

SIMBU PROVINSAL GAVMAN I AMAMAS LONG TOKAUT LONG OL SMOL HOLDA FAMA INSAIT LONG PROVINS OLSEM YUPELA INAP GO LONG AGRIKALSA BENK LONG KUNDIAWA NA APLAI LONG KISIM LON MANI ANINIT LONG SIMBU PROVINSAL GAVMAN AGRIKALSA GARENTI SKIM (AGS).

DISPELA I BIHAINIM WANPELA KONTRAK SIMBU PROVINSAL GAVMAN WANTAIM AGRIKALSA BENK BILONG PAPUA NIUGINI WOKIM PINIS. AGRIKALSA BENK I ORAIT LONG OL SMOL HOLDA FAMA LONG APLAI LONG KISIM LON LONG MEKIM GOHET OL WOK FAMA BILONG OL. NA SIMBU PROVINSAL GAVMAN I ORAIT LONG BEKIM BEK MANI BILONG BENK SAPOS WOK I PUNDAUN.

SIMBU PROVINSAL GAVMAN I PUTIM PINIS K400,000 OLSEM WAS MANILONG DISPELA WOK NA I TINGTING LONG SKRUIM I GO BIKPELA BIHAIN.

MIPELA TOKTOK LONG DISPELA SAMTING INAP TUPELA YIA OLGETA NAU OLSEM MIPELA I AMAMAS TRU DISPELA GUTPELA TINGTING I KARIM KAIKAI.

DISPELA PROGEM I SOIM GEN TINGTING LONG SIMBU PROVINSAL GAVMAN LONG LUKAUTIM NA HELPIM OL PIPEL BILONG EN. NA PROVINSAL GAVMAN I AMAMAS LONG LUKIM OL PIPEL I APLAI LONG KISIM LON MANI INSAIT LONG DISPELA PROGEM.

DAVID GORO MAI. MPA.
SIMBU PRIMIA.

Pablik Notis

Sapos yu laik edvataism
Toksave, Painim Wok,
Pablik Notis, Ringim
Miria Ravao
Telepon: 25-2500
Ext. 217.

SIMBU PROVINCIAL GOVERNMENT



"FRI KOMUNIT SKUL EDUKESEN I KAMAP PINIS"

Long mun Janueri Provinsal Edukesen Kaunsil bilong Simbu i pasim mosen pinis long kirapim FRI KOMUNITI SKUL EDUKESEN stat long begin long dispela 1989 skul yia.

Dispela nupela program bai i stap inap sampela yia. Na mipela i tingting long skruim i go olgeta long taim bihain.. Ol pipel i amamas tru long dispela nupela program na taim mipela wokim dispela nupela program mipela i save bai ol pipel i laikim tru.


Na Simbu Provinsal Gavman aninit long Primia, Mista David Mai i laik tokim olgeta pipel insait long Simbu provins na olgeta Simbu pipel i stap autsait long provins olsem; Provin-sal gavman i kirapim pinis ol wok long helpim ol pipel na tu long helpim provins long go het.

Mi, primia bilong Simbu, i laik tok klia long ol pipel. Mipela i

save long ol hevi bilong yupela na mipela i wok nau long stre-tim ol dispela hevi. Long dis-pela tingting tasol mipela i wokim dispela fri edukesen ekt

Na tu dispela nupela fri edukesen em bilong helpim ol pipel long go het. Mipela i save yumi no gat plenti kopa o gol o wel. Olsem mipela laik helpim ol pipel bai ol yet i ken go het. Ol pipel em i namba wan samting olsem mani i go long helpim ol stret.

Simbu i namba wan provins insait long Hailans long kirapim Fri Komuniti edukesen. Simbu tasol i go pas. Mipela i hop bai ol 4-pela arapela provins i bihainim mipela.



DAVID GORO MAI, MPA
Simbu Primia

No gat soka long Mini Saut Pasifik Gems

KOMITI bilong Mini Saut Pasifik Gems long Tonga i toksave pinis long Papua Niugini Spots Federesen

(PNGSF) olsem bai i no gat soka long dispela gems.

Bikos Tonga i no gat inap samting bilong

stretim ol resis bilong soka.

Seketeri Jenerel bilong PNGSF, John Dawanincura i tok em i kisim toksave pinis.

PNG na ol arapela kantri tu long Saut Pasifik rijon bai no inap long wanpela soka swkt nau. Mini Saut Pacific Gems bai

kamap long Tonga long mun Ogas.

PNG bai wari long salim ol tim bilong ol arapela spot tasol olsem etletik, boksing,

resis long wim, netbal na kriket.

PNGFA i bin makim 27 pilaia trening skwat long go pilai soka long tonga. na

dispela sem skwat bai makim PNG tu long kik bilong Melanesian Kap resis long Fiji.

Dispela kik bai kamap long dispela yai bihain long Mini Saut Pasifik Gems.



LOS ANGELE - Amerika: Wol heviwet sempion Mike Tyson i sekhan wantaim ol sapota bilong em. Em i bin go lukim bikpela basketbal gem. Tyson i bin autim Fran Bruno long namba 5 raun long Wel Boksen Taitel.



DALLAS - Amerika: Tupela wantok yet bilong Czecholavakia Jakob Hlasek na Ivan Lendl i traim bun long kwata fainel long traim winim 1989 Buick WTC kap.

Vanimo apim nem bilong PNG

VANIMO i apim nem bilong Papua Niugini long taim sof-bal tim bilong ol i go pilai long Jayapura. Tim bilong Vanimo i bin pilai wantaim tim bilong Jayapura long Sarere 4 Mas.

Tim manesa, Bonny Leki i tok em i namba wan taim tru tupela tim bilong Vanimo i go pilai sof-bal long Jayapura.

Namba wan gem i bin kamap namel long tim bilong ol man. Long taim gem i stat, Jayapura i bin bet pas.

Long taim bilong Vanimo long kisim bet, namba wan pilai, Francis Gawi i guria liklik. Na stail bilong pitsa bilong Jayapura tu i wankain olsem ol strongpela pitsa bilong Vanimo. Olsem na lewa bilong ol Vanimo i mas sut krangki liklik.

Pilai i bin kamap gut tasol Vanimo i wari liklik bikos long namba wan ining Jayapura i gat tupela poin pinis na ol i no brukim kiau yet.

Orait namba wan pitsa bilong Vanimo, Henry Wai i kaikaim tit stret na em i bekim dinau long namba tu ining bilong Jayapura.

Pilai i strong yet na long namba 7 ining, Vanimo i bin kisim 9 poin. Vanimo i wari nau bikos ol i pinisim olgeta ining na Jayapura i gat wanpela moa ining i stap.

Orait kosa blong ol, Bonny i givim liklik skul long ol pilaia long bes long was gut. Ol i was gut tru na Jayapura i kisim wanpela pilaia tasol i kam hom na surukim poin bilong ol i go antap long 6. Tasol sori tumas, Vanimo i strong na autim ol na winim dispela gem, 9-6.

Gem bilong ol meri i no bin kamap gut bikos bikpela pren i pundaun na bagarapim. Vanimo i bin go pas 4-2 long namba tri ining long taim ren i bagarapim gem bilong ol.

Ol bikman bilong Vanimo na Jayapura sofbal i amamas long dispela gem.



KLOSTER - Selan: Prins Charles i toktok wantaim wanpela sempion man bilong ran long sno. Prins i go raun long traim save bilong em long ran long sno.

Rabaul i redi long autim sofbal taitel

RABAUL bai bringim wanpela strongpela sofbal tim stret bilong ol meri long nesenel sempionsip resis long Ista wiken. Ol selekta i makim pinis tupela trening tim bilong redi long dispela resis.

Dispela tupela trening skwat i pulap long planti nupela pilaia.

Rabaul i gat tupela bikpela tingting long dispela sempionsip resis.

1. Rabaul i laik mekim dispela resis i kamap nambawan stret long dispela yia na i mas winim tru ol arapela bilong bipo.

2. Narapela tingting Rabaul em long winim taitel bilong ol man na meri wantaim.

Presiden bilong Rabaul Mens Sofbal, Paul Sobendi i amamas long tupela tim na em i tok, "Mipela bai i no inap long westim taim bilong mipela long ol hap paiawut. Nau em i taim bilong helpim

ol yangpela nupela blut bilong mipela.

"Tim bilong mipela bai pulap long ol yangpela na mipela i save olsem planti pipel bai i kirap nogut long lukim ol dispela yangpela i sanap long fil."

Asosiesen bilong ol meri i no bin inap long autim sampela toktok long wanem samting ol i tingting long en. Tasol i luk olsem Asosiesen i amamas long ol dispela pilaia em ol selekta i makim long trening skwat.

Men's Training Squad:-

- Pitchers - Patric Alvas (Norths)
Abel Peneia (MSC)
- Catchers - Joe Ingen (Norths)
Sam Liata (MSC)
- F/Basers - Makiala Penias (KC)
Alois Urangenge (Gazelle)
- S/Basers - Daniel Serry (NGI)
Damin Wartovo (MSC)
- T/Basers - Pulpuling Lipirin (KC)
Steven Rafflin (NGI)

- S/Stops - Bernard Manana (NGI)
Richard Bata (Gazelle)
- L.O./Field - Daniel Toule (NGI)
Patro Kinavai (Norths)
- C.O./Field - Tukar Woseley (KC)
Kungas Kuveu (NGI)
John Malamut (Gazelle)
- R.O./Field - Pakar Turagil (KC)
Misiel Mago (MSC)
Maira Move (Kabiui)
Jack Uradok (TSC)
- Mens Coach: Patrick Sipona (NGI)
- Trainer : Peni Maita (NGI)
- Managers : Herman Smith (NGI)
Sam Woseley (NGI)

Women's Squad:

- Pitchers - Ruth Koai (Guria)
Clara Pius (T/Sales)
- B/Stops - Miriam Ragatin (T/Sales)
Anna Maris (Dodgers)
- F/Basers - Bernadette Churen (T/Sales)
Vibbie Mago (Guria)

- S/Basers - Regina Peni (Guria)
Theckla Poon (T/Sales)
- T/Basers - Marry Pulpulung (T/Sales)
Joan Bellie (Dodgers)
Kessie Walue (T/Sales)
- S/Stops - Lomlom Tami (Guria)
Lucy Taorong (Gazelle)
Kessie Walue (T/Sales)
- L.O./Field - Dinah Wairong (T/Sales)
Cresen Virien (T/Sales)
Marry Nuia (Karanas)
- C.O./Field - Kessie Posikei (Norths)
Dora Soten (Guria)
- R.O./Field - Marry Thomas (Karanas)
Emily John (MSC)
Sera Simon -Karanas
- Coach: Caspar Womola (T/Sales)
- Trainer: Francis Rangatin (T/Sales)
- Manager: Alois Johnson (Guria)
- Manageress: Salome Tadap (Dodgers)

Both teams (men/women) will be trimmed to 17 players each by the end of next week.

Fuji i sempian bilong ol meri long Mosbi



• Minista bilong Hom Afeas na Yut Timothy Bonga i givim tropi long kepten bilong Fuji Bears Betty Varapik.

FUJI BEARS i nupela sempian bilong Mosbi Wimens A gret sof-bal resis. Fuji i bin kamapim strongpela pilai long las tupela ining na autim maina primia, RLC United 9-8 long bikpela gren fainal gem long Sarere apinun.

Bikpela asua bilong RLC United long namba 6 ining i mekim ol i lus.. Long arapela 5-pela ining, United i wok long go pas long poin.

Minista bilong Hom Afeas na Yut, Timothy Bonga i bin tromoi bal long statim pilai, Fuji i holim bet na salim Kelery Kaptigau na Margaret Walne i go olgeta long hom bes.

United i laik traim long bekim dinau long dispela ining yet tasol ol filda bilong Fuji i strong tru na autim ol namba wan tripela beta bilong United,

Bowie Konerus, Rachael Baragu na Winnie Pueh.

Olsem na long pinis bilong namba wan ining, Fuji i wok long go pas long tupela poin na United i no brukim kiau yet.

Long namba tu ining, United i kirapim strongpela pawa bilong ol long paitim bal na bringim kepten bilong ol Dora Malum na Magdalene Aiam i go olgeta long hom bes.

Dispela tupela hom ran i mekim tupela timi dro 2,2..

Bihain long namba tri ining, Fuji i kisim wanpela poin moa na ol i surik go antap long 3 poin. United i bringim tupela moa pilaia i kam hom na ol United i go pas long 4-pela poin na Fuji i bin stap long tripela poin tasol.

Long namba 4 ining, United i kisim gen wanpela poin. Konerus i lusim namba tu bes i go long

namba tri na pinisim olgeta spit bilong em i go kamap long hom. Long dispela taim, United i wok long go pas nau long 5 poin na Fuji i bin stap long 3 yet.

Long namba 5 ining, Fuji i lukim olsem sans bilong ol long winim gren fainal bilong 1988-1989 sisen i no gutpela tumas. Olsem na long dispela ining, ol i kamapim strongpela pilai tru na bringim tupela pilaia bilong ol i kam hom.

United i laik traim long bekim dinau na kisim planti pilaia i kam hom tasol Fuji i banisim ol gut tru. United i wokim i go na salim tasol wanpela pilaia taso i kam hom na go o i go pas 6-5.

Gem long dispela ining i bin hat stret. Tupela tim wantaim i taitim gut tru olgeta rop long su bilong ol na kirapim das. Kain kain ol stail pilai i bin

kamap tu long dispela taim.

Tasol long namba 6 ining, tebol long dispela de i senis na Fuji i soim olgeta pawa na stail bilong ol. Ol beta bilong Fuji i kirapim das na paulim ai bilong ketsa bilong United, Bowie Konerus long bringim tupela moa pilaia bilong ol long kam hom.

Bowie i bin wokim bikpela asua long tromoi bal i go long poro bilong em long namba tu bes, Kapa Kelep. Kelep em i no inap long holim bal na tupela pilaia bilong Fuji i kam hom.

Fuji i salim gen tupela moa pilaia na bringim skoa bilong ol i go antap olgeta long 9 poin na United i stap tasol long 6. United i no bin bringim wanpela pilaia bilong ol i kam hom long wanem olgeta rot bilong ranawe i pas.

Ol outfilda bilong Fuji i was gut tru na ketsim ol strongpela bal em Bowie, Winnie na Rachael i paitim.

Long las ining, United i hatim olgeta ensin bilong ol na banisim gut tru ol pilaia bilong Fuji. Taim ol lain kas bilong United i holim bet, ol i hatim olgeta ensin tasol ol i popaia liklik na salim tasol tupela pilaia i go kamap long hom.

Fainal skoa i bin sanap Fuji 9 poin na United i bin stap long 8-pela poin tasol.


Planti pipel tru i bin kamap long lukim ol dispela gren fainal bilong ol meri.

Namel long ol dispela lain em Minista bilong Hom Afeas Timothy Bonga, Komisina bilong CIS, Pious Kerepia, wanpela strongpela sapota bilong sofbal, Dr Rose Kekedo na nesanel memba bilong Mosbi Saut, Albert Karo. Mista Karo i bin opim B gret gren fainal namel long Elcom na Hoodsco.

Elcom i bin winim dispela gem 7-1. Long tupela arapela gren fainal gem, Medics i strong tru long las ining na autim Aviat 8-7 long C gret.

Na long D gret gem, pilai namel long ol yangpela bilong Tarangau na NGI i bin gutpela tru. Dispela i bin wanpela top pilai stret na ol yangpela i bin soim olsem ol i gat inap pawa bilong pilai.

Tasol long pinis bilong gem, Tarangau bin autim NGI 15-10.



• Dora Malum pilaia/kosa bilong RLC United.

• Fuji Bears A gret tim. Tim husat i winim Wimen A gret gren fainel long Mosbi.



• Elcom B gret tim. Dispela tim i winim B gret gren fainel long Mosbi Wimen sof bal kompetisen. Ol i bin Hoodsco 7-1.



• Dispela em ol pilaia bilong Hoodsco i holim basket na smail long kamera man long kisim poto. Poto Eddie Saunders.

BAI 1989 soka sisen bilong Vanimo Soka Asosiesen i stat long 18 Mas 18. Tasol ol eksekativ i no tokaut sapos ol bai statim dispela sisen wantaim pri sisen o sisen tru.

Seketeri bilong asosiesen, John Kouye i tokim Wantok olsem ol eksekativ bai kibung long dispela wik. Na ol bai i tok-tok moa long dispela samting na stretim tok.

Sapos ol eksekativ i tok orait long statim kik wantaim pri sisen resis, dispela kik bai i stap inap tripela wik olgeta. Na bihain long dispela tripela wik bai asosiesen i statim sisen tru.

Kouye i tok olsem 10-pela klap olgeta

Vanimo stat kik long 18 Mas

VANIMO soka ripot

bai kik insait long dispela sisen. Nem bilong ol dispela klap em Difens, Vanimo Forest Product, Sandaun, Lido, Yako, Waramo, Brothers, Ningra na tupela nupela tim bilong Wutung eria. Ol dispela tupela tim em Wutung na Las pes.

Kouye i tok asosiesen i kamapim wangepela nupela lo pinis olsem ol dis-

pela 10-pela klap i mas putim wangepela tim tu long namba wan divisen.

Na sapos ol i gat inap pilaia bai ol i ken putim namba tu na U19 divisen, Kouye i tok.

Kouye i tok olsem asosiesen i no laik hariap long kamapim moa divisen olsem skulbois na wimens soka.

"Em i tok, nogut mipela i kamapim planti divisen na bai bringim hevi long asosiesen."

Insait long dispela kibung asosiesen bai tokaut tu sampela senis em bai i

kamapim long dispela sisen. Ol dispela senis bai i kamap long primia na namba wan divisen tasol.

Asosiesen bai apim tupela top tim bilong namba wan divisen i go kik long primia divisen. Na tupela primia tim husat i no kamapim gutpela gem bai go daun kik long namba wan divisen. Dispela senis bai i kamap bihain long kik bilong namba wan na namba tu raun.

As bilong dispela senis em long mekim ol tim long primia divisen i apim stended bilong kompetisen. Na tu bikpela samting em long givim sans long ol top tim bilong namba wan divisen long go kik long primia divisen.

Las de em Fonde 10 Mas

MADANG Soka Asosiesen i redi nau long statim pri sisen nokaut kik. Namba tu presiden bilong asosiesen Norman Kunewai i tokim Wantok olsem ol eksekativ i wangepela kibung las wik na stretim pinis olgeta samting.

Insait long dispela kompetisen sapos wangepela tim i lus bai em i no inap kik moa. Ol tim husat i strong na winim olgeta kik

bilong ol bai kik insait long gren fainal.

Na long tude (Fonde 10 Mas) bai asosiesen i gat wangepela bikpela kibung we olgeta opisal bilong wan wan klap i mas kamap. Dispela kibung bai i stat long 5 klok apinun.

Ol tim husat i laik kik insait long dispela kompetisen i mas baim K25 nominesen fi bipo long Fonde 10 long 5 klok apinun.

Kunewai i tok asosiesen bai kisim samting olsem 12-pela

MADANG soka ripot

tim tasol long dispela sisen. Tasol sapos planti nupela tim i laik jonim kompetisen bai ol i apim namba i go antap liklik. As bilong dispela em long givim moa sans long ol nupela tim long kik insait long kompetisen.

Kunewai i tok tu olsem asosiesen i makim pinis U19 skwat bilong em long kik insait long Nesenel U19 semp-

onsip long Rabaul long Ista wiken.

Ol yangpela pilaia long skwat i trening strong tru na redi tasol long dispela sempionsip. Tasol asosiesen i bungim mani yet long salim dispela skwat.

Kunewai i tok olsem em i laikim olgeta klap long baim hariap afiliassen na registresen fi bilong ol. Bikos asosiesen bai yusim sampela bilong ol dis-

pela mani long baim balus bilong U19.

Kunewai i tok olsem pe bilong balus long salim skwat wantaim tripela opisal em K4,000.

Asosiesen i no bungim inap mani yet. Long dispela as tasol na asosiesen i tingting nau long salim skwat long balus. Na long kam bek bai ol i kisim sip.

Kunewai i tok olsem ating asosiesen bai yusim dispela aidia bikos em bai kos liklik mani tasol.

Goroka kirapim skulboi soka progrem

GOROKA soka ripot

DISPELA yia Goroka Soka Asosiesen bai statim skulbois soka progrem bilong em. Seketeri bilong asosiesen Jerry Semos i tokim Wantok olsem as bilong dispela em long kirapim tingting bilong ol manki long pilai soka.

Insait long dispela progrem, asosiesen bai wok bung wantaim ol komyuniti skul na haikul long stretim ol pilai.

Semos i tok klia Goroka Soka Asosiesen bai i go pas long lukautim ol dispela gem.

Ol komyuniti skul bai i kamapim U10 i go inap long U14 divisen. Na ol haikul bai i kamapim U18 i go antap long U20 divisen.

Soka i no strong tumas long hailans olsem Goroka. Olsem na asosiesen i kamapim kain progrem olsem long pulim ol manki i go insait long soka.

Asosiesen i save yusim fil bilong Nesenel Spots Institut long pilai. Tasol nau yet sofbal kompetisen i yusim dispela pilai graun. Olsem na ol i wetim Goroka Sofbal Asosiesen long pinis na bai ol i statim kik bilong pri sisen.


Kik bilong pri sisen nokaut kompetisen bai i stat long 1 Epril. Na ol tim husat i laik kik insait long dispela kompetisen i mas baim K10 nominesen fi.

Pilaia registresen fi em ol pilaia i no inap baim. Semos i tok as bilong dispela em long givim moa sans long planti yangpela pilaia long pilai.

Em i tok sapos asosiesen i putim lo olsem olgeta pilaia i mas baim pilaia registresen fi bai ol dispela pilaia husat i gat mani tasol bai i gat gutpela sans long pilai

Long wangepela kibung bilong ol eksekativ ol i pasim tok pinis olsem 12-pela klap tasol bai kik insait long dispela kompetisen.

SELIVVA - Spain: Wangepela rana bilong kantri Brazil Luis Barbosa i winim 800 mita resis. Em i stap insait long Intanesel Indoor Trek na Fil Sempionsip. Long raithan wangepela rana bilong Spain, Tomas De Teresa. Em i bin kamap namba tri.



Sori tru tumas ol meri RLC United, Traim gen neks sisen. Tasol givim sans long ol arapela tim husat i stap longpela taim. Yu nau tasol i joinim A gret divisen.

Arawa i no senisim registresen fi

ARAWA soka ripot

ARAWA Soka Asosiesen bai i no inap statim pri sisen resis. Bikos kefiu i kamap nau long provins na stapim progrem bilong asosiesen.

Seketeri bilong asosiesen, Francisco Hopping i tokim Wantok olsem dispela kefiu i save stapim ol manmeri long raun bihain long 6 klok apinun. Olsem na nau i no gat inap taim long ol pilaia i trening gut na redi long statim hariap pri sisen kik.

Dispela kefiu bai i pinis bilong namel bilong dispela mun.

Long Tunde 21 Februari, ol eksekativ bilong asosiesen i

kibung na tok bai i no gat kik bilong pri sisen bikos long dispela kefiu. Na ol bai statim tasol sisen tru long mun Epril.

Na ol klap registresen na pilaia registresen fi bai i wankain yet olsem bilong las yia. Klap registresen fi em K100 na pilaia registresen fi em K12 long wan wan pilaia. Dispela K12 pilaia registresen em olgeta pilaia long senia na junia divisen i mas baim.

Francisco Hopping i tok klia olsem olgeta klap i mas baim pilaia registresen fi bilong 15

pilaia pastaim bipo long 1 Epril. Na bilong ol arapela pilaia ol i ken baim bipo long 24 Epril.

Hopping i tokim Wantok tu olsem Arawa i no inap salim wangepela skwat long 1989 Nesenel U19 sempionsip. Papua Niugini Futbal Asosiesen (PNGFA) i bin makim dispela sempionsip long i kamap long Rabaul long Ista wiken long 24 Mas i go inap long 27 Mas.

Kefiu i stapim asosiesen long statim hariap pri sisen resis we ol i ken makim ol

Guria i redi long autim Mosbi soka taitel

POT MOSBI SOKA DRO



PORT MORESBY SOCCER ASSOCIATION PRE-SEASON DRAW FOR

SATURDAY, 11TH MARCH, 1988

Time	Division	Ground	Fixture
10.00	WOM	B1	Morobe 1 v GFC
11.30	WOM	B1	Westpac v Guria
1.00	MEN	B1	GFC 1 v Bornd
2.30	MEN	B1	Lukang v Pema
4.00	MEN	B1	Wanzesi v Steamships
10.00	WOM	B2	Morobe 2 v Sobou
11.30	WOM	B2	Waliya v Wanzesi
1.00	MEN	B2	Guria 2 v Milne Bay
2.30	MEN	B2	Rapatona v B Kumul
4.00	MEN	B2	Stone Axe v Sapphire

SUNDAY, 12TH MARCH, 1988

Time	Division	Ground	Fixture
10.00	MEN	B1	Sobou v Kula
11.30	MEN	B1	BFC v Uni 2
12.45	MEN	B1	Morobe v Losegu
2.30	MEN	B1	GFC v Maset
4.00	MEN	B1	Guria 1 v Konokta
10.00	MEN	B2	Solo v Morobe 2
11.30	MEN	B2	Westpac 1 v Wanzesi 2
12.45	MEN	B2	Nali v Uni
2.00	MEN	B2	Sunam v All Utd
4.00	MEN	B2	Verave v Tarangau
1.00	WOM	GFC	Kula v Wanzesi
2.30	WOM	GFC	Sobou v Waliya

OL tim bilong Mosbi soka resis i mas lukaut nau long sempian tim bilong 1988 Nesenel Soka Klap sempion, Guria. Bikos Guria i gat bikpela tingting long strongim yet nem bilong ol. Long dispela sisen Guria i bin kisim sampela sevis soka pilaia na ol smatpela yangpela pilaia tu.

Planti sapota bilong Mosbi soka bai i kirap nogut long lukim

Martin Laviong wantaim Buka Pasar i pilai long Guria.

Dispela tupela pilaia i bin pilai long primia tim bilong Difens. Na long strong bilong tupela tu na Difens i bin go insait long gren fainal na las yia ol i bin autim Guria 1-0.

Dispela tupela pilaia i gat nem long makim PNG long planti intenesenel soka kompetisen. Olsem na helpim bilong tupela bai mekim Guria i kamap wanpela strongpela birua bilong ol arapela tim.

Las wiken Laviong na Pasar i bin bungim gut tru stail bilong tupela wantaim ol arapela gutpela pilaia bilong Guria olsem kepten Simon Emmanuel, Adam Lema na Eric. Na ol i bagarapim stret sindaun bilong Solo 3-0.

Solo em wanpela nupela tim husat i kik nau tasol long pri sisen kompetisen.

Laviong na Pasar em tupela soldia long Taurama Bareks. Na lo bilong PNG Difens Fos Lo Kaunsil (PNGDFSC) i tok

olsem ol soldia husat i pilai long ol arapela tim bai gat sas. Ol i mas pilai ong tim bilong ami tasol bikos dispela em ol trening bilong ol ami.

Ol pilaia i ken jonim arapela ausait tim sapos i tim bilong ami i no gat spes long ol.

Laviong na Pasar i tokim Wantok olsem tupela i no gat spes long pilai long Difens tim. Olsem na tupela i lusim primia tim bilong Difens.

Laviong wantaim Pasa i tokim Wantok olsem dispela yia

planti gutpela intenesenel pilaia bilong Difens i laik jonim ol arapela tim. Olsem na sampela bikman bilong ami i bin tokim ol olsem sapos ol i lusim tim PNGDFSC i sasim ol.

Tasol Laviong wantaim Pasa i tok klia olsem tupela i gat gutpela as long lusim Defence. Olsem na tupela i no inap kisim wanpela sas long dispela.

Long fowatlain bilong Guria i gat ol gutpela pilaia nau olsem Simon Emmanuel wantaim Laviong, Pasar, Eric, Adam Lema, Ruben Tama, Linus na yangpela Ambros Oala.

Oala i bin pilai long U18 tim bilong Guria long las sisen. Na long gutpela pilai bilong em ol i apim em i go pilai long primia divisen nau.

Long beklain em wanpela namba wan fulbek pilaia bilong Mosbi soka, Vosap Eremas i was i stap. Na long umben em intenesenel golkipa bilong PNG, Adam Wangu bai i was.

Olsem na Guria i ken tok ol i gat ol gutpela pilaia long beklain i go antap long fowatlain. Na ol i soim pinis olsem dispela sisen Guria bai winim 1989 Mosbi primiasip taitel.



• Dispela sisen Guria bai strong yet long holim taitel. Na tu ol i gat sampela yangpela blut long tim bilong ol.

Wewak pri sisen i ran gut

WEWAK pri sisen i wok long kamap gut insait long dispela 4-pela raun. Na ol tim i wok long traime long kisim nem insait long dispela pri-sisen kompetisen.

Ol dispela tim olsem Wullet, Wewak United, Medics na Defence, husat i wok long pilai strong tru long dispela pri sisen kompetisen. Ol arapela tim olsem Kanai, Tarangau, Sul na Guria i wok long kam bihain yet. Tasol ol tu i wok long traime hat yet.

Insait long namba foa (4) raun Tarangau i mekim Wewak United i kirap nogut tru taim ol i dro 2-2. Klostu ol Tarangau i winim ol las yia sempian.

Wullet husat i kam insait long dispela sisen i holim gut nem bilong em na nau i painim pinis namba wan ples long Defence tu i bin kalap i kam antap surukim Kanai United i go daun. Na nau i luk olsem ol i redi long lukim husat i stap long antap neks

WEWAK soka ripot

wiken.

Wewak soka i salim tok amamas na gut lak long tupela meri pilaia bilong Wewak skwat, Ann Bonny na Theresia Apiro.

Tupela bai go long Mosbi long wan wik trening na seleksen long go daun long Osenia Kap bilong ol meri long Brisben, Australia.

SOKA LATA

WEWAK FOOTBALL SOCCER ASSOCIATION INC PRI-SISEN

PREMIER DIVISION LADDER 05.03.1989

Division	Games Played	Win	Draw	Lose	Goals For	Goals Against	Points
Wullet	4	4	0	0	12	2	8
Wewak Utd	4	3	1	0	14	7	7
Medics	4	2	1	1	7	5	5
Defence	4	2	0	2	9	3	4
Kanai Utd	4	1	1	2	9	10	3
Tarangau	4	0	3	1	6	8	3
Sul	4	0	1	3	6	12	1
Guria	4	0	1	3	5	16	1

Results Sande 05th March 1989

- Pool 1 Medics 4 def Guria 1
- Pool 2 Defence 5 def Kanai Utd 2
- Pool 3 Wewak Utd 2 drew Tarangau 2
- Pool 4 Wullet 2 def Sul 1

Draws - 5th March 1989 (Round 4)

Tim	Taim	Pool
1. Sul v Medics	12.00	1
2. Defence v Tarangau	1.30	2
3. Wewak Utd v Guria	3.00	1
4. Wullet v Sul	4.30	2

Kimbe i resis long Hollan Kap

PRI SISEN resis bilong Kimbe soka bai i stat long Epril 1. Dispela kompetisen i bilong resis long winim Hollam Sil.

Hollam Sil em wanpela kampani long Kimbe i bin donetim i go long asosiesen. Nem bilong dispela kampani em Hollam Pty Ltd.

Hollam kampani i givim dispela sil long tripela yia i go pinis. Na long dispela taim i kam inap nau asosiesen i save holim pri sisen kompetisen long winim dispela sil.

Nau yet asosiesen i no save long namba bilong ol tim husat bai i kik insait long pri sisen resis.

Planti tim i givim nem pinis. Olsem na asosiesen bai tilim ol tim long tupela pul olgeta.

Na tim husat i winim dispela resis bai kisim Hollam sil wantaim prais mani. Ol eksekutiv bilong asosiesen i no tokaut yet long hamas prais mani ol bai givim.

Ripot i kam long Kimbe i tok olsem pri sisen

KIMBE soka ripot

resis inap long stat long taim yet. Tasol gras long fil i bikpela tumas na dispela i stapim asosiesen i statim kik hariap. Olsem na asosiesen i redi nau long katim daun ol gras long fil.

Ripot i tok tu olsem olgeta tim i redi na trening gut tru.

Kimbe Soka Asosiesen i no memba bilong PNGFA. Olsem na em i no inap salim wanpela skwat long kik bilong Nesenel U19 sempionsip long Rabaul

Asosiesen i redi tasol long kik bilong Rijonal Soka sempionsip. Dispela kik i save kamap long olgeta tupela yia.

Na dispela yia olgeta soka asosiesen insait long Niugini Ailans rijon bai i bung na kik long Manus. Dispela kik i bilong ol senia pilaia tasol.

Rabaul pri sisen i stat nau

RABAUL soka ripot

RABAUL Soka Asosiesen bai i statim pri sisen soka resis long dispela wiken long Sarere 11 Mas. Na 10-pela klap olgeta bai kik Seketeri bilong

asosiesen, Gervina Kasirei i tokim Wantok olsem wanpela klap bai i kamapim tupela tim. Na dispela bai bringim namba bilong ol tim i go long 20. Na ol dispela tim bai kik insait long 4-

pela tim olgeta. Nominesen fi bilong wan wan tim em K20. Olsem na nominesen fi bilong wan wan klap em K40.

Ol klap husat bai i kik long dispela kompetisen em PTC, Kumul, Guria, Admiralty, Kalibobo, Kerevat, Vudal, Angco, unakanau na

Morobe United. Na kik bilong sisen propa bai i stat bihain long pri sisen resis i pinis.

Afiliasen fi bilong sisen propa em wan wan klap i mas baim K150. Na pilaia registresen fi em K10 tasol. Dispela i karamapim sinia na jurnia pilaia wantaim i go daun inap long U16 divisen.

Taim bilong U19 soka sempionsip i senis

KIK BILONG U19 sempionsip i no inap kamap long Rabaul long Ista wiken. Bikos Nesenel Sofbal tonamen bai kamap tu na i nogat ples bilong pilai, slip na kaikai long en.

Papua Niugini Futbol Asosiesen (PNGFA) i bin holim wanpela kibung long Lae las yia. Insait long dispela kibung, ol i bin pasim tok olsem kik bilong U19 Nesenel sempionsip bai kamap long Rabaul long Ista wiken.

Dispela em long Me 26-28. Na PNGFA i askim Rabaul na Kokopo Soka Asosiesen long stretim ol samting bilong dispela sempionsip.

Na las wik tasol, ol eksekutiv bilong dispela tupela asosiesen i kibung na makim wanpela ogenaisim komiti. I gat 8-pela memba long dispela komiti. Nupela presiden bilong Rabaul Soka Asosiesen, Maran Nataleo i presiden bilong komiti.

Sekteri bilong PNGFA, Andrew Waho i tok olsem ol lain bilong dispela tupela asosiesen i bin save long dispela bikpela resis bilong ol junia tasol i no mekim wanpela samting.

Planti senta i redim nau skwat bilong ol long go kik long Rabaul. Tasol Wantok i painimaut olsem planti senta i no save yet long dispela senis.

Las wik komiti i toksave long seketeri bilong PNGFA Andrew Waho olsem ol i

painim hevi: Bikos sofbal tonamen tu bai i kamap long Ista wiken.

Seketeri bilong Rabaul Soka Asosiesen, Gervina Kasirei i tokim Wantok tu long dispela hevi. Tasol em i no tokaut long wanem kain hevi tru.

Kasirei i tok klia olsem dispela sempionsip bai i kamap long Rabaul. Na nau ol i wetim tok orait bilong PNGFA long holim dispela sempionsip long narapela taim.

PORT MORESBY FOOTBALL SOCCER LADDER

POOL 1 LADDER 05.03.89

Division	Games Played	Win	Draw	Lose	Goals For	Goals Against	Points
Milne Bay	2	2	-	-	7	3	6
Guria 2	2	-	2	-	4	4	2
Wanzesi	2	-	1	1	6	7	1
Steamships	2	-	1	1	1	1	1

POOL 2 LADDER 05.03.89

Division	Games Played	Win	Draw	Lose	Goals For	Goals Against	Points
Rapatona	2	2	-	-	9	1	6
B Kumul	2	2	-	-	6	1	6
Saphire	2	-	-	2	1	7	0
Stone Axe	2	-	-	2	1	8	0

POOL 3 LADDER 05.03.89

Division	Games Played	Win	Draw	Lose	Goals For	Goals Against	Points
GFC	2	2	-	-	6	3	6
Bornd	2	2	-	-	5	0	6
N.B. Lukang	2	-	-	2	2	5	0
Pema	2	-	-	2	1	5	0

POOL 4 LADDER 05.03.89

Division	Games Played	Win	Draw	Lose	Goals For	Goals Against	Points
BFC	2	1	1	-	5	2	4
Sobou 1	2	1	1	-	3	2	4
Uni 2	2	-	-	2	1	5	0

POOL 5 LADDER 05.03.89

Division	Games Played	Win	Draw	Lose	Goals For	Goals Against	Points
Morobe 1	2	2	-	-	7	3	6
Maset	2	1	-	1	4	5	3
GFC 2	2	-	1	1	2	3	1

POOL 6 LADDER 05.03.89

Division	Games Played	Win	Draw	Lose	Goals For	Goals Against	Points
Guria 1	2	1	1	-	3	0	4
Morobe 2	2	1	1	-	4	1	4
Solo	2	1	-	1	3	3	3
Konokta	2	-	-	2	1	4	0

POOL 7 LADDER 05.03.89

Division	Games Played	Win	Draw	Lose	Goals For	Goals Against	Points
Uni 1	2	1	1	-	3	2	4
Westpac	2	1	1	-	3	1	4
Nali	2	-	1	1	5	6	1
Wanzesi 2	2	-	1	1	4	6	1

POOL 8 LADDER 05.03.89

Division	Games Played	Win	Draw	Lose	Goals For	Goals Against	Points
Verave	2	2	-	-	3	0	6
Tarangau	2	1	-	1	6	3	3
Sunam	2	1	-	1	2	3	3
Ali Utd	2	-	-	2	1	6	0

Skwat bilong ol meri tren- ing nau



HENRY MORABANG
i raitim

LONG Fraide 10 Mas, Papua Niugini Futbol Asosiesen (PNGFA) bai tokaut long nem bilong ol meri husat bai makim PNG long Namba 3 Osenia Wimens Soka Kap. Dispela resis bai kamap long Brisben Australia long 25 Mas na pinis long 1 Epril.

Nesenel kosa bilong ol meri, Noel Vaia i tok ol i bin makim 24 meri long taim bilong Nesenel Wimens soka sempionsip long Lae las yia. Tasol nau 20 meri tasol i bin kamap long trening skwat. Na bai ol i makim 18 meri long go long dispela resis.

Olgeta pilaia bilong Arawa, Wewak, Mt Hagen na Lae i kamap pinis long Mosbi. Na oli trening inap wanpela wik nau.

Tupela senia pilai Bospidik Posman na

savemeri bilong midfil Dorcas Horris i no stap insait long dispela skwat. Bikos ol i gat planti wok.

Mista Vaia i tok dispela tupela meri i nambawan tru long midfil. Na ol selekta i mas painim ol arapela meri long kisim ples bilong tupela.

Arapela tupela meri husat bai ino inap stap long kik em Agnes Juwana bilong Lae na Fay Taukum bilong Mosbi. Ol meri ya i gat stadi na bai i no inap go pilai long Australia.

Namba tu kosa Changol Pangkiau i tok, "Ol meri i trening strong tru. Na mipela i no klia gut tumas husat bai go bek."

Mista Vaia i tok ol meri bai lusim Papua Niugini long 21 Mas na go long Brisbane.

Em i tok Papua Niugini bai pilai yet long fainal bilong semi fainals bilong dispela kik resis.

• Wanpela pilaia bilong PNGFA Wimens soka skwat i hatim trening long Mosbi. Em bai laki long winim spes long makim PNG o nogat? Lukim ful stori neks wik.

BENSON and HEDGES

STERLING 25s

Government Warning. Smoking
is Dangerous to Health.



Pinisim Laik...



COMING HOME (1978)

★★

Jon Voight
Jane Fonda



. Jon Voight na Jane Fonda long muvi, Coming Home.

Sampela gutpela video muvi bilong dispela wik.

Long taim bilong bikpela woa long Vietnam, planti tausen soldai bilong Amerika i bin dai long hap. Na planti moa i kisim bagarap long bodi bilong ol.

"Coming Home" em i wanpela muvi ol i wokim i stori long taim woa i pinis na ol yangpela soldia bilong Amerika i go bek long ples bilong ol. Wanpela meri (Jane Fonda) i laikim wanpela soldia (Jon Voight) husat i kisim bagarap na i no inap long wokabaut. (AO)

HONEYSUCKLE ROSE (1980)

★★

Willie Nelson
Dyan Cannon
Amy Irving
Slim Pickens



. Slim Pickens (lephan) na Willie Nelson long Honeysuckle Rose.


"Honeysuckle Rose" em i wanpela muvi bilong ol lain i save raun na singsing long ol klap nabaut. Willie Nelson, man hsuat i gat nem long ol kauboi singsing i ekt long dispela muvi. Em i wanpela hap man bilong paitim gita na singsing tasol hevi bilong em long dring i save bagarapim em. Sapos yu laikim ol kauboi singsing bai yu amamas long lukim dispela muvi. (PGR)

COMES A HORSEMAN

(1978)

★★

Jane Fonda
James Caan
Jason Robards, Jr.



. Jane Fonda na James Caan long muvi ya, Comes a Horseman.

Wanpela gutpela kauboi muvi long lukim em ol i koim "Comes a Horseman." Em i stori long wanpela maniman husat i laik baim fam bilong wanpela meri. Tasol meri ya (Jane Fonda) i strong na i winim dispela maniman. Sapos yu laikim ol kauboi muvi bai yu amamas long lukim dispela muvi. (PGR)

EM-TV MUVI

WEDNESDAY,
15TH MARCH
8.30P.M.

"ROSEMARY'S BABY"

(AO)

Rosemary Woodhouse
and
her husband GUY a bit
actor moving to the old
bramford apartment.

STARRING:

Mia Farrow
and
John Cassa ettes

VIDEO MUVIS

CONVOY (1978)

★★

Kris Kristofferson
Ali MacGraw
Ernest Borgnine



. Ali MacGraw na Kris Kristofferson long muvi ya, Convoy.

"Convoy" em i wanpela muvi i stori long ol draiva bilong ol bikpela haiwe trak. Ol i olsem ol kauboi bilong rot. Long taim ol i holim stia bilong trak, ol i save resis long kamap long wanem ples ol i karim kago i go long en. Smatpela musik bilong disela muvi tasol stori bilong em i no gutpela tumas. Man bilong singim ol kauboi singsing, Kris Kristofferson i ekt long dispela muvi wantaim Ali MacGraw na Ernest Borgnine. (PGR)

LUKIM TELEVISIEN

THURSDAY FRIDAY SATURDAY SUNDAY MONDAY TUESDAY WEDNESDAY

THURSDAY 9TH MARCH, 1989 FRIDAY 10TH MARCH, 1989 SATURDAY 11TH MARCH, 1989 SUNDAY 12TH MARCH, 1989 MONDAY 13TH MARCH, 1989 TUESDAY 14TH MARCH, 1989 WEDNESDAY 15TH MARCH, 1989

9:00 SESAME STREET 3:57 EMTV STATION OPEN 4:30 BEWITCHED 4:30 3-2-1 CONTACT 5:00 KIDS KONA 5:30 GENTLE BEN 6:00 THE MUPPETS 6:30 NATIONAL EMTV NEWS 7:00 THRILLSEEKERS 7:30 SIX MILLION DOLLAR MAN 8:30 MOONLIGHTING 9:30 MIAMI VICE 10:30 CRICKET 11:30 STATION CLOSE	9:00 SESAME STREET 3:57 STATION OPEN 4:00 BEWITCHED 4:30 3-2-1 CONTACT 5:00 KIDS KONA 5:30 JETSONS 6:00 THE MUPPETS 6:30 NATIONAL EMTV NEWS 7:00 THE EM REPORT 7:30 FAME 8:30 FRIDAY NIGHT MOVIE <i>"It Happened to Jane"</i> , Starring Davis Day, Jack Lemmon and Ernie Kovacs 10:23 HAWAII FIVE-O 11:23 STATION CLOSE	9:00 KOMYUNITI TELEVISION STATION OPEN 9:02 TINGIM HELT 10:00 KOMYUNITI TELEVISION STATION CLOSE 2:57 EMTV STATION OPEN 3:00 JAZZTEROS 3:30 FRAGGLE ROCK 4:00 ANIMALS, ANIMALS, ANIMALS 4:30 TOM AND JERRY 5:00 BARTAN 5:30 DANIEL BOONE 6:30 EMTV NATIONAL NEWS 7:00 INCREDIBLE HULK 8:00 LUCKY LOTTERY DRAW 8:05 ROCKFORD FILES 9:00 SATURDAY NIGHT MOVIE <i>"Robinson Crusoe on Mars"</i> , Starring Paul Mantee, Adam West and Vic Ludin 11:05 STATION CLOSE	12:00 KOMYUNITI TELEVISION STATION OPEN 12:02 TINGIM HELT 1:00 KOMYUNITI TELEVISION STATION CLOSE 2:57 EMTV STATION OPEN 3:00 ADVENTURES OF TEDDY 3:30 RUX PIN 4:30 BONANZA 5:30 SPORTS WORLD 6:00 HERE'S BOOMER 6:30 INCREDIBLE WORLD OF ADVENTURE 6:25 THE COLGATE TOOTHBRUSH FAMILY 7:00 EMTV NATIONAL NEWS 7:30 SUNDAY NITE MOVIE <i>"House Boat"</i> , Starring Cary Grant, Sophia Loren and Martha Hyer 9:35 PNC SPECIAL - STAP IS! 10:35 BISHN! 11:05 STATION CLOSE	9:00 SESAME STREET 3:57 EMTV STATION OPEN 4:00 BEWITCHED 4:30 3-2-1 CONTACT 5:00 KIDS KONA 5:30 SKIPPY 6:00 THE MUPPETS 6:30 NATIONAL EMTV NEWS 7:00 THRILLSEEKERS 7:30 BLACK SHEEP SQUADRON 8:30 MINI SERIES 10:19 STATION CLOSE 10:21 KOMYUNITI TELEVISION STATION OPEN 10:25 TINGIM HELT 11:25 KOMYUNITI TELEVISION STATION CLOSE	9:00 SESAME STREET 3:57 EMTV STATION OPEN 4:00 BEWITCHED 4:30 3-2-1 CONTACT 5:00 KIDS KONA 5:30 FLINTSTONES 6:00 THE MUPPETS 6:30 NATIONAL EMTV NEWS 7:00 THRILLSEEKERS 7:30 BUCK ROGERS 8:30 FALCON CREST 9:30 LIFESTYLE 10:00 EMTV SPORTS SCENE 10:30 BUSINESS WEEK 11:30 STATION CLOSE	9:00 SESAME STREET 3:57 STATION OPEN 4:00 BEWITCHED 4:30 3-2-1 CONTACT 5:00 KIDS KONA 5:30 FLIPPER 6:00 THE MUPPETS 6:30 NATIONAL EMTV NEWS 7:00 THRILLSEEKERS 7:30 HARCADALE AND McCORMICK 8:30 WEDNESDAY NITE MOVIE <i>"Rosemary's Baby"</i> 10:50 MEET THE PRESS 11:25 STATION CLOSE
---	---	--	--	--	---	--

THURSDAY 9 MARCH, 1989 FRIDAY 10 MARCH, 1989 SATURDAY 11 MARCH, 1989 SUNDAY 12 MARCH, 1989 MONDAY 13 MARCH, 1989 TUESDAY 14 MARCH, 1989 WEDNESDAY 15 MARCH 1989

4:00 PLAY SCHOOL 4:30 GUMBY 5:02 SUPERFED 5:02 COUNT DUCKULA 5:30 DR. WHO 6:00 THE OZ GAME 6:30 ROBIN'S NEST 7:00 ABC NEWS 7:30 7:30 REPORT 8:00 IN REAL LIFE 8:28 NEWS UP-DATE 8:30 THE BILL 9:25 NEWS UPDATE 9:30 BACK CHAT 9:30 DISAPPEARING WORLD 10:25 ABC NEWS 10:45 AUSTRALIAN FILM CLASSICS 11:25 CLOSE	4:00 PLAY SCHOOL 4:30 GUMBY 4:52 SUPERFED 5:02 COUNT DUCKULA 5:30 DR. WHO 6:00 THE OZ GAME 6:30 ROBIN'S NEST 7:00 ABC NEWS 7:30 7:30 REPORT 8:00 COUNTRY WIDE 8:28 NEWS UP-DATE 8:30 HILL STREET BLUES 9:25 NEWS UPDATE 9:30 LOVEJOY! 9:30 ABC NEWS 10:45 N.B.A. BASKETBALL 11:50 RAGE	12:00 THE GREATEST AMERICAN HERO 12:45 MOVIE <i>"East of Sudan"</i> , starring Anthony Quayle, Syms, Jenny Agutter 2:15 MOVIE 3:30 MOVIE <i>"A Billion for Boris"</i> , starring Tim Lazunsky, Lee Grant, Scott Tiler, Mary Tanner 5:00 FIVE NATIONS RUGBY UNION 6:00 ABC NEWS 6:30 KINGDOM OF THE ICE BEAR 7:25 COME AND GET IT WITH PETER RUSSELL-CLARKE 8:25 UPSTAIRS, DOWNSTAIRS 8:30 ABC NEWS 8:30 RUMPOLE OF THE BAILEY 9:30 SATURDAY NIGHT CLIVE 10:15 JOHN HINDE PRESENTS 12:00 RAGE	12:00 COMPASS 1:00 BRENBON ON BEETHOVEN 1:25 JIM HENSON - WORLD OF PUPPETRY 2:20 MASTERWORKS FROM THE WORLD'S GREAT MUSEUMS 2:30 TWO WORLDS OF SYDNEY 3:25 BRENBON ON BEETHOVEN 3:50 DONT CALL ME GIRLIE 5:00 SOCCER 6:00 ABC NEWS 6:30 ALL CREATURES GREAT AND SMALL 7:20 ROCK CHAT 7:30 CAPTAIN JAMES COOK 8:25 ABC NEWS 8:30 MOVIE 10:10 20TH CENTURY PEOPLE 11:00 CURIO 11:55 CLOSE	4:00 PLAY SCHOOL 4:30 GUMBY 4:52 SUPERFED 5:02 COUNT DUCKULA 5:30 DR. WHO 6:00 THE OZ GAME 6:30 ROBIN'S NEST 7:00 ABC NEWS 7:30 7:30 REPORT 8:00 HOME JAMES 8:28 NEWS-UPDATE 8:30 FAMILY TOWERS 9:00 FOUR CORNERS 9:45 ENGLISH SOCCER 1988/89 10:40 ABC NEWS 11:00 JOHN HINDE PRESENTS 12:30 CLOSE	4:00 PLAY SCHOOL 4:30 GUMBY 4:55 TELEBUGS 5:02 COUNT DUCKULA 5:30 DR. WHO 6:00 THE OZ GAME 6:30 ROBIN'S NEST 7:00 ABC NEWS 7:30 7:30 REPORT 8:00 THE INVESTIGATORS 8:28 NEWS UP-DATE 8:30 GP 9:28 NEWS UP-DATE 9:30 THE BIG GIG 10:40 ABC NEWS 11:30 TALES FROM THE DARK SIDE 11:55 CLOSE	4:00 PLAY SCHOOL 4:30 GUMBY 4:55 TELEBUGS 5:02 COUNT DUCKULA 5:30 DR. WHO 6:00 THE OZ GAME 6:30 ROBIN'S NEST 7:00 ABC NEWS 7:30 7:30 REPORT 8:00 QUANTUM 8:28 NEWS UP-DATE 8:30 SPECIAL RESCUE 9:58 NEWS UP-DATE 10:00 ASPEL AND CO 10:45 ABC NEWS 11:05 PLAYED IN AUSTRALIA 12:05 THE LATE SHOW WITH CLIVE JAMES 12:50 CLOSE
--	--	---	--	--	---	--

THURSDAY 9TH MARCH 1989 FRIDAY 10TH MARCH 1989 SATURDAY 11TH MARCH 1989 SUNDAY 12TH MARCH 1989 MONDAY 13TH MARCH 1989 TUESDAY 14TH MARCH 1989 WEDNESDAY 15TH MARCH 1989

4:00 WOMBAT 4:30 CURIOSITY SHOW 5:00 NEIGHBOURS 5:30 REGIONAL NEWS, WEATHER 6:00 NATIONAL NEWS 6:30 CURRENT AFFAIR 7:00 SALE OF THE CENTURY 7:30 FLYING DOCTORS 8:28 WEATHER UPDATE 8:30 MATLOCK 9:30 DALLAS 10:30 NEWS WORLD 11:30 MISS MARPLE 12:25 EPILOGUE 12:30 CLOSE	4:00 WOMBAT 4:30 KIDS ARMY 5:00 NEIGHBOURS 5:30 LOCAL NEWS, WEATHER 6:00 NATIONAL NEWS 6:30 A CURRENT AFFAIR 7:00 SALE OF THE CENTURY 7:30 NEWS WEEK 8:00 FAMILY TIES 8:28 WEATHER 8:30 MOVIE 9:30 "In God We Trust" 10:30 NEWSWORLD 11:30 LATE MOVIE <i>"Wicked Lady"</i> Starring: Faye Dunaway and Allan Bates 1:15 EPILOGUE 1:25 CLOSE	12:00 WIDE WORLD OF SPORTS 4:00 FABULOUS CENTURY 4:30 CHARLES IN CHARGE 5:00 BURGESS BACKYARD 6:00 NATIONAL NEWS, WEATHER 6:30 HEY HEY IT'S SATURDAY 7:00 GOLD LOTTO DRAW 8:33 WEATHER UPDATE 8:35 SATURDAY NIGHT MOVIE 9:30 LATE MOVIE 12:25 EPILOGUE 12:30 STATION CLOSE	11:00 SUNDAY MATINEE TBA 3:00 DANIEL BOONE 4:00 TBA 5:00 YOUNG TALENT TIME 5:50 POINT OF VIEW 6:30 QUEENSLAND 2000 6:00 NATIONAL NEWS 7:00 THE WORLD OF DISNEY 7:30 SIXTY MINUTES 8:28 WEATHER 8:30 MOVIE 10:30 NEWS WORLD 10:50 LATE MOVIE TEA 12:45 EPILOGUE 12:50 CLOSE	4:00 WOMBAT 4:30 VALLEY OF DINOSAURS 5:00 NEIGHBOURS 5:30 LOCAL NEWS, WEATHER 6:00 NATIONAL NEWS 6:30 A CURRENT AFFAIR 7:00 SALE OF THE CENTURY 7:30 A COUNTRY PRACTICE 8:28 WEATHER 8:30 MOVIE 10:30 NEWS WORLD 11:30 THE PROFESSIONALS 12:25 EPILOGUE 12:30 CLOSE	4:00 WOMBAT 4:30 VALLEY OF THE DINOSAURS 5:00 NEIGHBOURS 5:30 REGIONAL NEWS, WEATHER 6:00 NATIONAL NEWS 6:30 A CURRENT AFFAIR 7:00 NATIONAL NEWS 7:00 SALE OF THE CENTURY 7:30 GOLD LOTTO DRAW 8:30 A COUNTRY PRACTICE 8:33 WEATHER 8:35 MOVIE 10:30 NEWSWORLD 11:30 SHADOW CHASERS 12:25 EPILOGUE 12:30 CLOSE	4:00 WOMBAT 4:30 MUPPET BABIES 5:00 NEIGHBOURS 5:30 REGIONAL NEWS, WEATHER 6:00 NATIONAL NEWS 6:30 A CURRENT AFFAIR 7:00 SALE OF THE CENTURY 7:30 GOLD LOTTO DRAW 8:30 WEATHER 8:35 MOVIE 10:30 NEWSWORLD 11:30 SHADOW CHASERS 12:25 EPILOGUE 12:30 CLOSE
--	--	---	--	--	---	--

(G) - GENERAL EXHIBITION (PGR) - PARENTAL GUIDANCE REQUIRED (AO) - ADULTS ONLY

TAIM YU PILAI TUHAT NA NEK I DRAI O TAIM BILONG AMAMAS....

TAIM Tarino

Swit olsem orange fruit stret!

I Kam Long **HOLA** softdrinks

EM TV MUVI



HOUSEBOAT

Tom Winston is attached to the legal staff of a government agency in Washington DC. His estranged wife accidentally dies leaving Tom with three small children thoroughly brainwashed against him. He tries his best to make a good father but the children stay hostile.
Cinzia is the rebellious daughter of a symphony conductor in America from Italy on tour. He is a dominating, hard man who gives her few liberties.
One night Tom takes the kids to a concert. One youngster, Robert, slips away to find adventure.

TIETA MUVI

Thurs 9th to Sat 11th Mar	Tequila Sunrise plus Imagine: John Lennon
Sun 12th to Tues 14th Mar	Hanna's War plus Detached Mission

DRIVE-IN THEATRE

Thurs 9th to Fri 10th Mar	Bull Dunham plus Street Justice
Sat 11th to Sun 12th Mar	Dirty rotten Scoundrels plus Trident Force

HUON THEATRE (LAE)

Thurs 9th to Fri 10th Mar	Kung Fu Kids 4 plus Enter the Fat Dragon
Sat 11th to Sun 12th Mar	Nico plus Madmax 2


THEATRE LAE (LAE)

Thurs 9th to Fri 10th Mar	Red Heat plus The Couch Trip
Sat 11th to Sun 12th Mar	Tear Drops plus Mother Teresa

VIDEO


"SAMPOLA O' GUTPELA KASET!"

JOURNEY TO THE CENTER OF THE EARTH (1959)




James Mason na Pat Boone long muvi, A Journey to the Center of the Earth.

JUDGMENT AT NUREMBERG (1961)



Spencer Tracy Marlene Dietrich Burt Lancaster Richard Widmark Maximilian Schell

Sapos yu laikim ol muvi bilong Paul Newman orait kism dispela ya ol kolim "Cool Hand Luke." Em i stori bilong wanpela kalabus Newman na wanem samting i kamap long em long taim em i stap long kalabus. Bos bilong ol i waneia man nogut husat i save sutim bel bilong Newman long pait. Em i laik bai Newman i kamapim wanepela mao trabel olsem bai em i kism moa mekim save. (PGR)



Paul Newman na George Kennedy long Cool Hand Luke.

YU KEN PAINIM OL DISPELA VIDEO KASET KLOSTU LONG VIDEO SENTA BILONG YU!!

WANTOK - Fonde 9 Mas, 1989

OL HAILANS I AMAMAS



Mipela i salim pinis 40 Mazda trak i go long ol bisnisman bilong wok kopi long Hailans. Ol i baim pinis namba wan trak long PNG, Mazda. Yu tu bai yu amamas taim yu baim wanpela gutpela strongpela Mazda i kam long PNG Motors long ol hap insait long PNG.



RESIS BILONG MUN MAS

Hamas mita bai 40 Mazda T4100 trak i pinisim sapos yu putim bampa bilong wanpela i pas wantaim bampa bilong arapela olsem yu lukim long plksa

Raitim ansa bilong yu (hamas mita na sentamita) na bringim i kam long wanpela PNG Motors opis klostu long yu. Na dispela 20 manmeri i kam pas wantaim stretpela ansa bai kisim wanpela gutpela prias. Mipela bai tokaut long ol wina long Monde, 10 Epril.

MAZDA

NAMBA WAN TRAK BILONG PNG



PNG MOTORS

PORT MORESBY - PH: 25 5788, LAE - PH: 42 4732, AND
MT. HAGEN - PH: 52 2100, RABAU - PH: 92 2055. DEALERS.



A member of the PNGAI Group of Companies

Ragbi Lig

NIUS

NO KEN SALIM

Issue Namba 5, Fonde 9 - 15 Mas, 1989

Mosbi resis bai stat wantaim stail

FRANCIS ULIAU
i raitim

MOSBI Ragbi Lig bai statim sisen propa resis bilong ol long dispela wiken. Na paia bai i kirap stret long Lyold Robson Oval taim Defence wantaim Air Niugini i bung long bikpela gem. Bikos tupela tim ya i bin kaikaim bun long gren fainal bilong las yia.

Gem bilong tupela bai i kamap long Sande long 4 klok apinun. I gat bilip olsem planti sapota tru bai i kamap long lukim dispela gem.

Air Niugini wantaim ol gutpela pilaia bilong ol bai i traिम long strongim yet nem bilong ol. Tasol ol soldia tu bai i traिम long winim dispela gem. Olsem na dispela gem bai i kamap strong tru

long tupela sait wantaim.

Wanpela gutpela samting bai i kamap tu long dispela taim. Bikos ol 1PIR Pipes na Drums ben bilong PNG Defens Fos bai i opim dispela gem wantaim wanpela bikpela mas.

Insait long dispela mas, olgeta klab wantaim tim bilong ol bai i putim yunifom na karim flek bilong ol

na mas bihain.

Bihain long dispela, wasman bilong Mosbi Ragbi Lig Sir Tore Lokoloko bai mekim opisal kik op bilong sisen propa long hap pas 3 long apinun. Dispela bai i kamap bihain long A gret gem bilong DCA na Tarangau.

Defence bai i go aut wantaim ol wankain pilaia bilong em husat i bin pilai long gren

fainal bilong las yia. Ol dispela pilaia em Oscar Oksap, winga Clement Marisa, Mathias Kitimon na Peter Ganim long senta posisen wantaim 5/8 Issac Tovira, hapbek Lucas Agi, lok Jeffrey Hoada na tupela seken rowa, Kes Panglipari na Gaius Kula. Ol bai strongim Defence long winim dispela gem.

Ol bai kisim helpim long winga Ruben Uradock. Uradock i bin pilai wantaim Hawks long posisen bilong hukim bal long pri sisen.

Tasol ol i mas lukaut gut long Air Niugini. Tony Kila wantaim Wata Sauna bai i go pas long ol arapela pilaia bilong Air Niugini.

Dispela tupela pilaia i save pilai gut tru taim tupela i bung wantaim long fil. Olsem na ol soldia i mas lukaut gut long tupela. Bikos tupela i ken mekim Air Niugini i winim dispela gem.

Long ol arapela A Gret gem long Sande, Tarangau bai bungim DCA long 2 klok apinun na Hino Kone Tigers bai bungim Fairdeal Paga Panthers.



•Wanpela pilaia bilong Tarangau i kisim taim long han bilong ol manki Hino Kone Tigers long las wiken. Tarangau i strong na winim dispela gem 13-10.

Salim olgeta pas, ragbi stori na poto bilong putim insait long Ragbi Lig Nius i kam long dispela adres;

Edita, Ragbi Lig Nius, P.O. Box 1982, Boroko, NCD. Telepon namba bilong mipela em 25 2500 na fax (facsimile) em 25 2579.

Ring i kam long dispela namba na askim long Leo Wafiwa, Gerson Tokana o Francis Uliau.

Taim yu salim ol dispela samting i kam long mipela:


- Yu mas putim stret nem bilong yu olsem gutpela mak bilong soim olsem yu amamas long mipela i putim ol dispela samting long pepa, na

- Mipela bai i no inap long putim pas, stori na poto bilong yu long pepa sapos mipela i lukim dispela stori o pas bilong yu i bagarapim tasol nem bilong ol arapela lain, na

- Olgeta stori, pas na poto bilong ragbi i mas kamap long opis bilong mipela long Tunde, 4 klok apinun.

Mipela bai amamas tru sapos ol eksekutiv o mausman bilong ol lig i ringim o salim stori na poto long Ragbi Lig Nius long soim wanem samting i wok long kamap long lig bilong ol.

Francis Uliau. (Editor)



T.V, VIDEO, ANTENNA AND SATELLITE SALES AND SERVICE.

FOR THE BEST PRICE CONTACT

TOLEC ELECTRONICS

P. O BOX 822, LAE, MULA STREET,

PHONE: 42 4242 - 42 4253

Wagambie i tok tru

Dia Edita,
Mi laik sapotim tru toktok bilong John Wagambie. Toktok bilong em i bin kamap aninit long het tok "Maski painim wok long ovasis" long Wagambie wik seksen bilong las wik.

Wagambie i sapotim toktok bilong Alex Lubanski long tupela Air Niugini pilaia, Tony Kila na Wata Sauna.

Lubanski i bin redim tupela long go daun pilai wantaim Western Suburb klab bilong Sidni Lig long Australia.

Mi yet i bin lukim vidio bilong tupela. Tupela i bin skelim save bilong tupela long pilai ragbi wantaim Western Suburb klap bilong Australia. Dispela em sapos tupela i kamapim gutpela pilai bai ol i kisim kontrak na pilai wantaim ol.

Na mi ting olsem ol pilaia bilong Western Suburb i bin greti tru. Kila na Sauna i no bin tasim liklik wanpela bal long traime pilai bilong tupela.

Mi bilip olsem sapos tupela pilaia ya gat sans long holim bal, tupela i ken soim tru ol opisal bilong Western Suburb klab long pilai bilong tupela.

Mi bin bungim tupela na tupela i tokim mi olsem tupela i bin redi

gut tru long soim ol klab long Sidni olsem tupela i ken pilai ragbi. Tasol ol arapela pilaia bilong Western Suburb i greti tumas long bal. Olsem na mitupela i no kisim gutpela sans tumas, tupela i tok.


Wagambie i bin tok tu olsem nau yet mipela i mas apim stended bilong ragbi lig long kantri. Na bihain mipela i ken soim ol arapela kantri olsem Australia na Nu Silan olsem mipela i ken salim ol pilaia long mekim mani olsem ol i save mekim. Mi sapotim tru dispela gutpela tingting bilong em.

Mi gat bilip olsem sapos mipela i mekim olsem, bai ol biknem kantri long ragbi lig i bilip long pilaia bilong mipela. Na bai ol i no inap tokim mipela long traime pilai na bihain givim kontrak.

Bikpela samting em gavman wantaim ol opisal na sapota bilong ragbi lig i mas tingim em long putim het wantaim na pilai ragbi long profesinel pasin.

Em tasol toktok bilong mi. Yu husat brata o susa i lukim dispela pas na laik bekim orait rait tasol long RLN bai mi lukim.

P.S. Sagi,
P.O. Box 5164,
Boroko-NCD.



• Dispela tupela pilaia bilong Magani i luk olsem tupela i no wari long dispela pilaia bilong DCA i silip i stap. Magani i winim DCA 28-22.

Kosa kos bilong tas ragbi

RAGBI tas kompetisen nau i wok long kamap isi isi long Papua Niugini. Long Pot Mosbi dispela kain pilai i wok long kamap gut na ol i pilaim gut taim sisen tru i pinis.

Nau ol i trai hat long wokim dispela standet long pilai ragbi insait long siti i kamap gut.

Wanpela bodi husat i wok long helpim dispela pilai i kamap gut em NCDIC Spot Opis. NCDIC spot opis bai holim wanpela kos bilong ol lain husat i laik kamap kosa long tas ragbi. Tupela man husat bai go pas long dispela kos em Dr Moi Seneka na Joe Yore.

Bai no gat fi long dispela kos, ol man husat go long dispela kos i mas sainim wanpela fom o

ringim spot opisa Jackson Sarea o Masayoshi Ohno long namba 254831, 254711 o 251801. Namel long wik, bai ol i wokim kos long 5 klok i go inap long 8 klok, Mande i go inap long Fraide. Long wiken, kos bai stat long 1 klok na pinis long 5 klok.

Hohola Softdrinks na Arrow Bakery i sponsorim dispela kos Tupela grup yet bai lukautim kaikai long taim bilong dispela kos.

Dispela kos ol i wokim aninit long 1989 Akridesen Kosin Skim. Bikpela tingting bilong dispela opis em long holim ol wankain kos olsem long bihaintaim.



• Dispela pilaia bilong Twisties Brothers i putim was gut tru long pilaia bilong West husat i pudaun slip long graun wantaim bal. West i winim dispela gem 4-0.

Brothers nekim Tigers Wau/Bulolo stail

GERSON TOKANA
i ratim

LONG pri-sisen fainal long Wau/Bulolo lig las wiken, Brothers i bin nekim Tigers 8-4. Brothers i no bin isi long Tigers, ol i bin pilai gut tru olsem wanpela tim na rausim strong bilong Tigers.

Brothers i bin salim Joshua long putim

namba wan trai bilong ol arere stret long kona.

Tigers i lukim dispela trai na i wari liklik. Ol tu i laik winim dispela gem. Ol i pilai gut liklik na ol i putim wanpela trai long brukim kiau na sko i go antap long 4-4.

Brothers i no wari long dispela trai. Ol i

pilai gut tru i go na Jonah Belle, pilaia/kosa bilong ol putim las trai bilong Brothers long winim dispela pilai.

Long narapela pilai. Panthers i autim tiket bilong East 10-4. Panthers i gat sampela pilaia olsem Samuel Yapulape, Ben Bernard, Kaim Labur, Camillus Aihi na

Eliab Gire i bin go pas long ol. Ol i gat wanpela gutpela beklain insait long dispela kompetisen.

Tony Garap, wanpela mausman bilong Wan/Bulolo ragbi lig i tokaut tu olsem ol i bin baim pinis K1000 i go long nesenel bodi na nau i ful memba long PNGRF.



A TALL YARN from YORE

WANPELA mak o lain i mas tilim wok bilong ol klap opisal, pilaia na kosa long olgeta kain kain pilai. Na ol dispela tripela lain i no ken kalap nabaut long wok bilong ol olsem pilaia i laik kamap kosa o opisal bilong ranim klap i laik kamap kosa.

Long ol dispela tripela lain, olgeta taim kosa tasol i save kisim asua taim tim i lus.

Samting tru em strong bilong tim long win i stap long han bilong ol klap opisal, kosa na ol pilaia. Olgeta i mas wok bung sapos ol i laik winim olgeta gem.

Taim tim i win, olgeta sapota bai i amamas na ting olsem no gat wanpela samting i rong long ol pilaia, kosa na ol opisal. Tasol taim tim i no win, ol sapota bai putim asua long wanpela bilong ol dispela lain. Na no gat wanpela bilong ol dispela tripela lain i laik kisim dispela asua o hevi.

I gutpela sapos olgeta i kisim dispela asua.

Long klap level, husat i save makim ol pilaia bilong pilai long olgeta wiken? Long A Gret tim em kosa wantaim man bilong trenim tim na tim menesa i mas mekim dispela wok.

Na kosa bai mekim las disisen long husat bai pilai na husat i no inap long pilai. Bikos kosa i save gut long stail bilong wan wan pilaia.

Plantu kros i save kamap namel

Husat bai kisim hevi

long ol kosa, pilaia na opisal bilong klap.

Ol opisal bilong klap i makim kosa bilong kosing tim long winim gem long olgeta wiken. Na ol i no ken go insait na laik kisim wok bilong em olsem ol i gat moa save long kamap kosa.

Sampela klap long Mosbi i painim hevi namel long ol pilaia, kosa, na ol opisal bilong klap. Dispela i no gutpela tumas na bai i no inap helpim long apim stended bilong ragbi.

Sapos ol dispela tripela lain i laik mekim gut wok bilong ol long profesinal pasin orait, ol pilaia i mas mekim wok bilong ol olsem pilaia na kosa i wok tasol long kosing ol pilaia na no ken go insait long ranim klap. Wankain tu i go long ol opisal.

Ol pilaia i mas tok orait long

disisen bilong kosa. Wan wan kosa i gat save bilong em yet. Olsem na ol i no save lukim wanpela gem long sem we olsem ol arapela kosa.

Olsem na sapos ol pilaia i no kalap nabaut long klap na stap tasol long wanpela tim, dispela i ken helpim ol long save gut long ol pilaia. Na dispela i ken helpim long kamapim wanpela strong tim long winim gem.

Mipela olgeta husat i mekim wok long apim stended bilong ragbi lig insait long kantri i mas tingim dispela na mekim gut wok bilong mipela.

PNG Kumul i gat tupela yia nau long redi gut bipo long em i pilaim ol tim bilong ovasis kantri. Olsem na sapos mipela olgeta i wok strong long klap level, dispela i ken helpim mipela long intenesenel level.

Hagen i redi tasol long autim ol taitel long dispela yia

HAGEN Ragbi Lig i pinsim tripela wik pri sisen kompetisen bilong long las wiken. Na nau ol i redi tasol long statim sisen propa resis.

Tasol ol dro bilong sisen propa i no redi yet. Olsem na sisen propa bai i stat taim ol opisal i redim ol dro.

Seketeri bilong Lig, Ivan Keruwa i tokim *Ragbi Lig Nius* (RLN) ol i bilip olsem resis bilong sisen propa bai i kamapim gutpela stended bilong ragbi. Na tim husat i winim primiasip taitel bai i winim 1989 Cambridge Kap resis, em i tok.

Na Jimi Country i kamap olsem wanpela birua nau bilong ol arapela tim long kompetisen. Country i go pas long poin lata wantaim Newtown Jets. Tupela wantaim i gat 8-pela poin olgeta.

Ol arapela tim husat i ran bihain long Country na Jets em Tigers wantaim 6-pela poin, Tarangau, Magani na Brothers wantaim 4-pela poin, na Royals wantaim

LEO WAFIWA i raitim

Hawks i ran las long lata wantaim tupela poin tasol.

Jimi Country em wanpela tim husat i gat ol gutpela yangpela pilaia na wan wan olpela ekprians pilaia. Tasol Country i winim olgeta pri sisen gem bilong em i kam inap nau. Olsem na nau yet em i redi tasol long strongim win bilong em taim sisen propa i stat.

Wantaim helpim bilong wanpela gutpela pilaia bilong Mosbi DCA, Ted Vere, ol arapela tim i mas lukaut nau.

Bikos Country i gat nem pinis long autim ol sempion bilong 1986 Cambridge Kap resis, Wamp Nga Tigers 16-10.

Presiden bilong Lig, Paul Ray i tokim RLN olsem dispela gem i bin kamap strong tru. Na tu dispela i bin wanpela top gem stret bilong dispela sisen.

Na bikpela gem bilong las wik namel long Magani na Brothers i bin kamap

gut tru na i holim pasim stret ai bilong planti sapota husat i bin lukim.

Ol pilaia bilong tupela tim wantaim i bin kamapim strongpela pilai long namba wan hap. Olsem na tupela wantaim i no skoarim wanpela poin.

Namba tu hap em gem i bin kamap strong tru. Tasol 10-pela minit bipo long gem i stat, Manipa Dia i kamapim gutpela pilai na salim bikpela prop pilaia, Oundi Pop i go putim namba wan trai bilong tim. George Dia i kisim kik bilong gol na kisim stret tupela poin long bringim Magani i go pas long skoa 6-0.

Ol pilaia bilong Brothers i no laik tru long lusim dispela gem. Olsem na hariap tru ol i bungim wantaim stail bilong ol na salim ausait senta, Christ Nan i go putim wanpela trai.

John Takure i kisim tupela poin wantaim gutpela kik bilong em na tupela tim i dro.

Bihain John Wani i skoarim narapela

tra i gen bilong Country na Nan i kisim tupela moa poin na Country i abrusim Magani 10-6.

Tasol 4-pela minit bipo long fultaim, ol pilaia bilong Country i no lukluk gut na salim bal i go stret long han bilong Friky. Friky i kisim dispela bal na givim sisti i go pundaun aninit stret long tupela gol pos.

Doa i kisim gut gen dispela kik na kiskim tupela moa poin long bringim Magani i go pas long skoa 12-10 inap fultaim.

Ol pilaia bilong Magani husat i bin pilai strong tru em George Doa, Oundi Pop na Magipa. Na Christ Nan, John Wani wantaim Billy Noi Junia i bin pilai strong tru long sait bilong Country.

Long ol arapela A Gret gem, Royals i winim Newtown Jets 19-6 na Tigers i winim Hawks 16-4. Na Jimi Country i strongim yet win bilong em bihain long em i daunim Tarangau 28-21.

Goroka gat nupela stail

GOROKA Ragbi Lig i statim pri sisen kompetisen bilong ol wantaim 8-pela tim olgeta. Na ol ekseyutiv i gat bikpela bilip olsem kompetisen bai i stat long gutpela stended stret. Bikos lig i bihainim nupela poin sistem nau olsem tim husat i kisim bikpela poin bihain long pinis bilong kompetisen bai i winim primiasip taitel.

Tasol lig i painim sampela hevi nau bikos sampela klap i no baim hariap afilisen na registresen fi bilong ol bipo long taim lig i bin makim. Olsem na dispela i bagarapim nau skoarim sistem bilong lig.

Wanpela ekseyutiv bilong lig i bin tokim Ragbi Lig Nius (RLN) olsem. Dispela ekseyutiv i no lakim nem bilong em i kamap long niuspepa.

Namba wan kibung bilong lig em i bin kamap long stat bilong dispela yia. Insait long dispela kibung, ol opisal bilong 8-pela klap i kamap long wanpela tingting olsem olgeta klap i mas baim K300 afiliasen fi.

Na registresen fi bilong ol pilaia em K7 tasol. Dispela i go long ol sinia na junia pilaia wantaim.

Dispela ekseyutiv i tokim RLN olsem olgeta klap i bin harim tok na baim afiliasen na pilaia registresen fi bilong ol. Tasol tupela klap i no baim yet. ekseyutiv ya

LEO WAFIWA i raitim

i no laik givim nem bilong dispela tupela klap.

Insait long dispela kibung, olgeta komiti bilong wan wan klap i tok orait tu olsem ol klap husat i no baim hariap ol dispela fi bai lusim poin.

Olsem na sampela tim i bin lusim poin long tupela las gem i go pinis.

Na 8-pela klap husat i pilai insait nau long kompetisen bilong dispela sisen em Brothers, Tigers, Siane, Tarakum, United, Hawks, Country, Darno.

Darno em wanpela nupela klap husat em dispela yia tasol i jonim kompetisen. Tasol ol pilaia bilong em i bin kamapim gutpela gem tru long tupela namba wan gem bilong ol.

Planti yangpela pilaia bilong ples i save pilai insait long Darno aninit long lukaut bilong kepten Steven Akul.

Ol pilaia bilong Darno i bin kamapim gutpela pilai tru na autim tiket bilong Siane long namba wan gem bilong ol.

Tasol long bikpela gem bilong las wik, ol pilaia bilong em i no putim strongim banis tumas na Cambridge Country i winim em long tupela poin tasol 10-8. Tasol dispela em wanpela gutpela rekot long wanpela nupela klap olsem.

Dispela gem i bin kamap strong tru long tupela sait wantaim. Tasol ol pilaia bilong Darno i kamapim ol

liklik asua nabaut na Country i kisim sans long go pas long skoa 10-0 bihain long namba wan hap.

Tasol long namba tu hap, ol pilaia bilong Darno i kamapim strongpela pilai tru na stapim Country long skoarim moa poin. Darno tasol i kisim 8-pela poin long bringim skoa i go 10-8 inap fultaim.

Darno inap long winim dispela gem sapos ol pilaia bilong em i skoarim sampela poin long namba wan hap.

Ol gutpela strongpela pilaia bilong Darno long dispela de em kepten Akul, Thomas Kirowe, Benson Sirifawe na fulbek Andrew Kimisove.

Long ol arapela samting, Lig bai i yusim nau nupela poin sistem na stapim sistem bilong holim gren fainal.

Dispela nupela poin sistem em PNGRFL i bin tok orait long en insait long wanpela kibung em i bin kamap long Mosbi long pinis long las yia.

Dispela sisen bai i gat 21 raun olgeta. Na aninit long dispela nupela sistem, klap husat i gat bikpela poin bihain long 21 raun bai i winim stret primiasip taitel.

Bikpela as bilong dispela sistem em long stapim ol trabel em i bin kamap long planti gren fainal insait long kantri long las yia.



• Daniel Tufi bilong DCA i takolim Manau bilong Magani i go daun long graun. Tasol bipo long Manau i tasim graun em salim bal long wan pilaia bilong husat i sanap klostu tasol. Magani i winim DCA 28-22 long dispela gem.



• Dispela pilaia bilong Twisties Brothers i salim bal i go aut pinis tasol pilaia bilong West i no lukim na laik takolim em. Ol saki bilong West i strong na winim dispela strongpela gem 4-0.



BENSON and HEDGES

WEEKLY POINT LADDER & DRAW TABLE

LEAGUE NEWS

PROVINCIAL LEAGUE

Port Moresby

PORT MORESBY RUGBY LEAGUE

Saturday 11th March, 1989
Lloyd Robson Oval

11.15	Res	Brothers	v	Hawks
12.45	Res	West	v	Magani
2.15	A	Brothers	v	Hawks
3.45	A	West	v	Magani
OVAL no: 2				
9.00	U17	Brothers	v	Hawks
10.00	U17	West	v	Magani
11.00	U17	K/Tigers	v	P/Panthers
12.00	U17	Tarangau	v	DCA
1.00	U17	Air Niugini	v	Defence
2.00	3rd Grd	Air Niugini	v	Defence
OVAL no: 3				
10.00	U19	Brothers	v	Hawks
11.00	U19	West	v	Magani
12.00	U19	K/Tigers	v	P/Panthers
1.00	U19	Tarangau	v	DCA
2.00	U19	Air Niugini	v	Defence

SUNDAY 12th March 1989
Lloyd Robson Oval

11.15	Res	Air Niugini	v	Defence
12.45	A	K/Tigers	v	P/Panthers
2.00	A	Tarangau	v	DCA
4.00	A	Air Niugini	v	Defence
OVAL no: 2				
10.00	3rd Grd	Tarangau	v	DCA
11.15	Res	Tarangau	v	DCA
12.45	3rd Grd	West	v	Magani
OVAL no: 3				
10.00	3rd Grd	K/Tigers	v	P/Panthers
11.15	Res	K/Tigers	v	P/Panthers
12.45	3rd Grd	Brothers	v	Hawks

Lae

Lae Rugby League Pre-Season

Sunday 12th March 1989

12:00	Res	Brothers	v	Tigers
1:20	Res	Tarangau	v	Spiders
2:40	A	Magani	v	Panthers
4:30	A	Spiders	v	Tigers



• Tupela pilaia bilong West i laik bagarapim tru sindaun bilong dispela Twisties Brothers pilaia o olsem wanem? Ating tupela i laik apim em tasol em i strong na spot trauis tasol i go antap. West i winim dispela gem 4-0.

Wewak

Pora Oval Saturday 11th March 1989

11.00am	U19	M/Tigers	v	Country
12.30pm	U19	Works	v	Wharfies
2.00pm	A/res	M/Tigers	v	Country
3.30pm	A/res	Works	v	Wharfies
5.00pm	A	M/Tigers	v	Country

Sunday 12th March 1989

12.00pm	U19	Royals	v	Tarangau
1.30pm	A/res	Royals	v	Tarangau
3.00pm	A	Works	v	Wharfies
4.30pm	A	Royals	v	Tarangau

Bye: Defence

WEWAK RUGBY LADDER

WEWAK RUGBY FOOTBALL LEAGUE

A Grade				
Division	Games Played	Goals For	Goals Against	Points
Defence	2	78	22	4
Tarangau	2	48	32	4
Country	1	28	12	2
Royals	1	26	16	2
Tigers	2	38	50	0
Wharfies	2	28	62	0
Works	2	16	68	0

A Reserve Grade				
Division	Games Played	Goals For	Goals Against	Points
Wharfies	2	54	10	4
Works	2	46	30	4
Royals	1	24	8	2
Maprik Tigers	2	24	38	2
Defence	2	34	42	0
Country	1	6	20	0
Tarangau	2	14	54	0

U19 Grade				
Division	Games Played	Goals For	Goals Against	Points
Tarangau	2	24	0	4
Defence	2	20	14	4
Country	1	10	6	2
Royals	1	0	0	2
Works	2	14	20	0
Wharfies	2	10	40	0
Tigers	2	0	0	0

Morobe Country

Morobe Country Rugby Sunday 12 March

9.00	Hawks	v	Rabbits
10.00	Firecom	v	United
11.00	Brothers	v	West
Bye: Eels			
12.00	Rabbits	v	Brothers
1.00	West	v	Firecom
2.00	Eels	v	Hawks
Bye: United			

NCE

National Capital Rugby Football League Sunday 12th March 1989

Game No. 1 - Pre-season

9.00am	U17	Bomana	v	Boroko
9.35pm	U17	Hohola	v	Korobosea
10.10pm	U17	June Valley	v	Tokarara
10.45pm	U19	Bomana	v	Boroko
11.30pm	U19	Hohola	v	Korobosea
12.15m	U19	June Valley	v	Tokarara
1.30pm	Snr	Bomana	v	Boroko
2.30pm	Snr	Hohola	v	Korobosea
4.00pm	Snr	June Valley	v	Tokarara

Ramu

Rugby Football League Sunday 12th March 1989

Game No. 1 - Pre-season

11.00am	B	South	v	Magani
12.00pm	B	Yonki	v	Tarangau
1.00pm	B	Brothers	v	Hubai
2.00pm	A	South	v	Magani
3.00pm	A	Yonki	v	Tarangau
3.00	A	Brothers	v	Hubai

NB:
• The League wishes to notify Yonki Mukai club that they have been disqualified and will not take part in the competition this season.

Results:

Brothers	20	def	Yonki	6
Magani	8	vs	Tarangau	8
Hubai	36	def	Souths	6

Mt Hagen

Mt Hagen Rugby league

A Grade pre-season Point Ladder

Teams	Points	B Grade	Points
Country	8	N/Jets	8
N/Jets	8	Magani	7
Tigers	6	Hawks	6
Tarangau	4	Royals	6
Magani	4	Tigers	4
Brothers	4	Tarangau	2
Royals	2	Brothers	2
Hawks	2	Country	1



• Tupela fowat pilaia bilong Brothers i laik givim gutpela mekimsave long wanpela pilaia bilong West. Tasol narapela West pilaia long raithan i go sapatim wanpilaia bilong em.



• Dispela pilaia bilong Tigers i no laik helpim narapela Tigers pilaia em wanpela pilaia bilong Tarangau i takolim i go daun long graun. Tarangau i winim dispela gem 13-10.



• Hapbek pilaia bilong Twisties Brothers (No 7) i holim pas wantaim wanpela fowat pilaia bilong West. Dispela gem i bin kamap strong tru tasol West i strong moa na win long wanpela trai tasol 4-0.






• (Antap) Daniel Tufi bilong DCA i takolim Manau bilong Magani i go daun long graun. Tasol Manau i save yet na salim bal i go aut hariap long wan pilaia bilong em bipo long em i tasim graun. Dispela gem i bin kamap strong tru. Tasol Magani i strong moa na winim DCA 28-22.

• (Daunbilo) Dispela bagaros nogut bilong Twisties Brothers i bin kamapim strongpela pilai tru long las wiken egen-sim West. Tasol ol pukpuk bilong West i strong na winim dispela gem 4-0.



• Pilaia bilong Twisties Brothers (No 8) i laik sutnus wantaim tupela pilaia bilong West long bikpela gem bilong las wiken. West i autim Brothers 4-0.



• Pilaia bilong Twisties Brothers i tromoi bai i go aut pinis tasol pilaia bilong West i no luksave na laik takolim em. Ol pukpuk nogut bilong West i kamapim strongpela pilai tru na win 4-0.



• Dispela pilaia bilong Kone Tigers i pudaun slip long graun tasol han bilong em i holim bal yet. Dispela gem i bin kamap strong tru. Tasol Tarangau i strong na win 13-10.

Rabaul resis i stat gen tasol ekseyutive i no bung yet na pasim toktok

RAGBI lig pri-sisen long Rabaul i stat pinis wantaim olgeta 8 pela klap husat i bin resis long primiasip las yia.

Dispela ol klap em NGIP Muruks, Sea Eagles, Brothers, Tarangau, Balanatanaman, Crusaders, North Raiders na Air Niugini East, bipo em PTC East.

Pri-sisen i bin stat tupela wik i go pinis tasol ol bikman long lig i no bin holim yet wanpela gutpela meeting. Dispela i wokim na

sampela klap i no bihainim gut ol lo bilong lig long dispela yia. Sampela taim presiden, Amos Wareky i save painim hat tru long painim namba tu bilong em, Walter Darius husat ol i bin makim em vais presiden.

Ol bikman i no bung yet long toktok long sampela bikpela samting olsem mani ol i save kisim long get na sampela ol narapela samting.

Presiden bilong Rabaul lig bipo, Graham Shuttleworth i bin go pinis na i no gat gut-

pela toktok namel long em na Wareky. Sekreteri bilong en, Martim Needham i kam bek pinis long holide long Australia tasol ol i no bin kisim em bek long kamap sekreteri. Ol i bin makim wanpela man husat i gat bagarap long skin bilong em (Michael Porky Ovia) long kamap sekeretari bilong Rabaul lig dispela yia.

Tupela lek bilong Michael i bagarap na em ino save wokabaut. Em i save sindaun tasol long wilsia na meri bilong em i save pusim

em i go i kam long lukim pilai long olgeta wiken.

Dispela yia bai i wanpela bikpela yia gen ragbi long Rabaul. Tasol dispela em i laik bilong ol klap yet husat i sapatim lig na ol bikman yet bilong lig long wokim gut wok bilong ol.

Bai ol i lukluk gen long pasin bilong ol man husat i save kam lukim pilai, ol pilaia na ol bikman long ol klap. Sapos ol i no wok gut, lig yet bai yusim pawa bilong em em long lukim olsem ol samting iran stret.

West i slek long Morobe lig

PRIMIA tim bilong Morobe Kantri Lig las yia, ARC West tim no bin putim tim bilong ol long pilai las wiken long wanem ol i no bin rejistrim ol pilaia bilong ol.

Arapela tim tu husat i gat wankain hevi olsem West em Firecom.

Presiden bilong tupela klap wantaim, Smith Yalu (West) na Thomas Kabo (Firecom) i bin tok sori pinis i go long Asosiesen. Tupela i bin tok dispela wiken bai tupela i putim tim long pilai.

Tupela presiden wantaim i sutim tok long tupela yet long dispela hevi. Tupela tim wantaim mi no bin pilaim tupela gem bilong ol las wiken. United na Rabbits i bin fofitim West na Mita Hawks na Eels i bin fofitim Firecom. Las wiken pri-sisen gem namel long Eels na Brothers, Eels i bin nekim Brothers 18-12 na Brothers i bin autim United.

Rejistresen opisa, Philip Zofangke na Yarlita Yangasa i tok olsem ol klap husat i no bihainim stret ol lo em Asosiesen i makim bai kisim bikpela mekim save. Olgeta tim na klap i mas registerim ol pilaia bilong ol. Dispela bai go yet bihainim taim long ol pri-sisen.

Komiti siaman, Mista Posanei i tok ol i bin wokim pinis ol dro we olgeta 7-pela klap bai pilaia 22 ge minsait long 4-pela wik. Em i tok, sapos ol i laik stat na pinis long taim, orait olgeta klap i mas bungim ol pilaia bilong ol na redi long pilai.

Olgeta gem bilong dispela wiken bai kamap long 7th Street.

Pri-sisen long Lae

SPIDERS bai soim save bilong ol na autim Tigers long bikpela pilai bilong pri sisen fainel long dispela wiken.

Spiders i bin winim primiasip las yia long Lae lig na i bin rana ap long Cambridge Cup. Tigers i bin stap namba wan long pri-sisen lata na i no wari tumas long Spiders. Ol tu i gat nem insait long Lae lig. Bipo ol i bin primia bilong Lae na rana ap tu long Cambridge Cup.

Long narapela gem Magani bai traime Panthers. Magani i wanpela gutpela tim tu insait long Lae lig. Dispela wiken bai ol i trai strong bilong panthers. Tasol no ken lusim tingting long Panthers, ol tu i gat nem long pilai ragbi insait long Lae lig.

Long risev gret, Brothers bai salensim Tigers. Dispeal gem bai gutpela tu long lukim. Na long bikpela pilai bilong risev gret, Tarangau bai pilaim Spiders. Dispela tu bai gutpela gem tru long lukim long dispela wiken.

Presiden bilong lae Ragbi Lig, Peter Yasi i bin tokaut tu long ol prais mani long o tim husat bai pilai long pri-sisen fainel long dispeal eiken.

Long risev gret, nambawan prais em K250, rana ap K150 na namba tri prais em K50. Long ol A gret husat i win long gem bilong Spiders na Tigers bai kisim K400, husat i lus bai kisim K200, na long narapela gem husat i win bai kisim K100 na husat i lus bai i no gat prais.

Holim gut!



•Tupela pukpuk nogut bilong West i holim dispela pilaia bilong Brothers na i laik skelim strong bilong em. Tasol i luk olsem tupela i no inap long em. West i win 4-0.

Ol gren fainal tim i win long NCRFL

SUMEO KAKARERE i raitim

NESENEL Kapital lig primia bilong las yia Hohola na rana ap Bomana, tupela i bin opim dispela pri-sisen wantaim bikpela win tru. Hohola i nekim Waigani 24-18 na Bomana i bin sutim nus bilong nupela tim, Tokarara 46-8.

Hohola na Waigani i bin statim pilai wantaim strongpela difens. Tupela wantaim i bin soim strong bilong tupela.

Long sait bilong Hohola, ol nupela pilaia olsem Sauna Babago, Baedini Moe, Kila Kiki na Rodney Seneka i bin go pas long ol. Waigani yet i bin putim trai pastaim, na ol i bin go pas long 6-0.

Hohola i bin putim namba wan trai bilong ol long taim pilai i bin slek liklik. Waigani i no wari long dispela trai, ol i wok long kam yet na winga bilong ol Nelson Hamaya i kisim bal na putim stret namel long tupela pos. Drispela trai i wok im na ol i bin go pas gen 12-6.

Long namba tu hap nau Hohola i no lukluk bek, 5-pela minit tasol long namba tu hap na winga bilong ol i ron olsem roket na putim trai stret namel long tupela pos. Tasol kika bilong ol Bani Kamola i no satim gut lek bilong em na bal i flai arere tasol long gol pos, na skoa i stap 12-10. I no long taim long dispela trai, Rodney Sanaka i kisim bal na i ran gen olsem roket long putim wanpela trai gen namel stret long gol pos. Senta Kiyapa Galowa i kikim dispela bal i go insait na ol i go pas 16-12. Hohola i bin putim wanpela trai gen na ol i bin go pas 20-12.

Waigani i bekim dispela trai wantaim wanpela las trai bilong ol na skoa i bin go long 20-18. Las minit nau na ol Hohola putim wining trai na skoa i go antap long 24-18, ol i bin kikim bal i go insait tasol bai i go insait.

Long narapela gem, Korobosea i bin nekim Boroko 16-8.

Rabaul

Rabaul RFL Draws
Saturday 11th March,
1989

Tarangau vs Crusaders
Bala vs Sea Eagles

SUNDAY 12th March

Air Niugini vs NGIP Muruks
Brothers vs North Raiders

Minj

Minj Rugby
Football League
Saturday 11th March
1989

Game No. 2 - Pre-season

10.00am U17 Paga Tigers v Hawks
11.00pm U17 Tarangau v Brothers
12.00pm U17 West v Panthers
1.00pm A/res Paga Tigers v Hawks
2.00pm A/res Tarangau v Brothers
3.00pm A/res West v Panthers

Sunday 12th March
1989

1.00pm A Paga Tigers v Hawks
2.00pm A Tarangau v Brothers
4.00pm A Wests v Panthers

Lae

Sunday 12th March 1989

12:00 Res: Brothers v Panthers
1:00 Res: Spiders v Tigers
2:30 A Magani v Panthers
4:00 A Spiders v Tigers

Tupela klap baim K50

TUPELA NCRFL ragbi futbol klap baim K50 long wanem tupela i putim ol pilaia husat i no bin bin rejista long pilai las wiken.

Dispela tupela klap em Tokarara na Boroko ragbi lig klap. Tupela i bin putim ol pilaia long junia na sinia divisen tasol ol i no baim rejistresen bilong ol long lig.

Presiden bilong NCRFL, Tau Peruka i tok dispela tupela klap bai baim rejistresen mani bilong ol pilaia bilong ol bipo long ol i ken pilai lonf neks Sande.

Taim ol mausman bilong ol klap na ol ekseyutiv bilong lig i bin kibung long las Tunde, olgeta i bin pasim tok olsem ol klap bai putim tasol ol pilaia husat i rejista pinis long pilai.

Dispela kibung i bin pasim tok tu olsem olgeta rejistresen mani bai i go long han bilong lig tresera, Wagubi Pilaia bipo long ol tim i kamap long fil na pilai long Sande. Na tresera bai kisim tasol ol fi long sek.

Boroko ragbi lig klap i bin sot win stret long baim fi bilong ol pilaia bilong ol long las wik bipo long gem.

Tokorara i bin givim tasol wanpela hap pepa long sek buk bilong klap tasol lig i no kisim dispela.

Namba tu presiden bilong NCRFL, Mans Kei i bin toktok strong tru long dispela.

Em i bin tok dispela em i bikpela samting we ol pilaia i mas rejista bipo long ol i ken pilai. Long wanem sapos ol i kisim bagarap, insurens bai inap long karamapim ol.

Ol woda na plisman long Perigo bai brukim bun

WEWAK Ragbi Lig bai i pilaim namba tri raun bilong pri sisen resis long dispela wiken. Na paia bai i kirap stret long Pora Oval taim Royals wantaim Tarangau i kaikaim bun long bikpela gem bilong dispela wiken.

Pilai bilong tupela bai i kamap long apinun bilong Sande 12 Mas long hap pas 4.

Na dispela em gutpela taim nau bilong ol plisman na woda long CIS long Perigo i kaikaim bun long skelim pawa bilong tupela.

Tupela tim wantaim i bin kamapim gut-

pela pilai tru long stat bilong pri sisen i kam inap nau.

Bikos tupela wantaim i gat ol gutpela top pilaia husat i gat planti gutpela save long pilai ragbi. Olsem na dispela pilai bai i kamap strong tru long tupela sait wantaim.

Tasol i luk olsem Royals bai i winim dispela gem. Bikos ol pilaia bilong ol i save kamapim gutpela pilai long beklain na fowatlain wantaim.

Olsem na dispela i ken givim bikpela helpim tru long Royals i winim dispela gem.

Tarangau i nogat gutpela san tumas

bikos em i save kamapim gutpela pilai long beklain tasol na long fowatlain nogat. Olsem na dispela em wanpela eria ol fowat pilaia bilong Royals bai lukluk long en. Bikos ol i save olsem ol i ken brukim banis isi long dispela eria long skoarim trai.

Long ol arapela A gret gem, Works bai i kaikaim bun wantaim Wharfies long Sande na Maprik Tigers bai winim Country. Na ol soldia boi bilong Moem Bareks bai i malolo long dispela wiken.

Planti pilaia bilong Maprik taun i save pilai insait long Maprik Tigers. Marpik i stap samting olsem 19 kilomita longwe

long Wewak taun.

Tasol olgeta wiken, ol pilaia i save kalap long wanpela bikpela ka na go daun long Wewak.. Olsem na ol bai i kam wantaim pawa bilong ol yam yet ya.

Tasol wanpela samting em longpela rot tu na nogut ol i pilaia i les ol i kamap long Wewak. Na dispela i ken bagarapim pilai bilong ol.

Long A risev gret, Marpik Tigers bai wilwilim gen Country, Works bai bagarapim sindaun bilong Wharfies na Royals bai kisim strong long ol sinia bilong ol na nekim Tarangau.

Liklik lig i redi gut nau

MINJ Ragbi Lig bai i statim namba wan gem bilong sisen long dispela wiken. Tasol planti pilaia i no baim hariap pilaia registresen fi bipo long taim lig i bin makim. Olsem na dispela tasol i stapim kompetisen long go het gut.

Presiden bilong Lig, Jonah Amban i bin tokim Ragbi Lig Nius olsem long Trinde 8 Mas 1989. "Mi laikim olsem olgeta klap i mas baim afiliesen fi bilong ol. Na tu ol i mas rejisterim hariap olgeta 17 pilaia bilong wan wan tim", Amban i tok.

Dispela yia lig bai i putim strongpela lukaut olsem olgeta klap i mas baim pilaia registresen fi bilong ol.

Bikos las yia wanpela pilaia husat i no bin rejista i bin dai bihain long em i brukim bun bilong em. Dispela birua i bin kamap long pri sisen kompetisen. Olsem na dispela i bin

givim bikpela hatwok tru long lig long dispela taim.

Long dispela as tasol na dispela yia olgeta klap i mas baim pilaia registresen fi, Amban i tok strong olsem.

Wanpela samting tu em lig i tokaut pinis olsem olgeta pilaia i mas kisim tok orait pastaim long papama bipo long ol i pilai.

Taim em olgeta klap i mas baim ol dispela afiliasen na pilaia registresen fi em las wik. Tasol sampela klap tasol i bihainim askim bilong lig na bai hariap afiliasen na pilaia registresen fi. Na sampela arapela klap i no baim yet dispela fi bilong ol.

"Mi bai bihain mama lo bilong lig long mekim disisen bilong mi. Na sapos ol klap i no bihainim stret mamalo bilong lig, bai mipela i rausim ol long kompetisen long tu o tripela wik taim.

"Mipela i no laik kisim hetpen olgeta taim long dispela kain sik bilong ol", Amban

i tok.

Minj i kamap ful memba nau bilong PNGRFL. Tasol wanpela hevi em lig i save painim em hevi bilong sponsasip. Dispela hevi i bin stap long bipo yet i kam inap nau.

Amban i tok moa olsem nogat praivet bisnis i laik givim helpim long lig. Olsem na dispela tasol i stapim lig long kari-maut sampela gutpela developmen em ol eksekutiv i bin plenim long kamapim.

Wanpela bilong ol dispela plen em long kamapim wanpela stadium na putim banis waia arere long fil. Tasol lig i askim long helpim na nogat wanpela gutpela i bin kam long gavman na praivet bisnis wantaim.

Narapela developmen em Referi Asosiesen i bin stat pinis. Na neks wik bai em i rejisterim em yet wantaim nesanel bodi.

Ol komiti bilong

asosiesen em Lucas Sinar olsem presiden na Gilbert Kai olsem vais presiden.

Sinar i bin wanpela olpela pilaia bilong Defence long Mosbi.

Las wik, planti pilaia na sapota i bin amamas tru bikos em i bin

lukautim gut tru olgeta gem long fil.

Ol eksekutiv bilong lig i makim Sinar nau olsem loya bilong lig.

Na long bikpela gem bilong dispela wiken bai yu lukim ol namba tu sempion bilong las sisen, West i autim

tiket bilong Panthers. Gem bilong tupela bai i kamap long 4 klok apinun long Sande 12 Mas.

West i gat gutpela sans long winim dispela gem. Bikos em i gat ol gutpela pilaia. Na Panthers i gat ol

yangpela nupela pilaia tasol.

Kosa bilong West Lucas Sinar i mekim bikpela puripuri nau olsem tim bilong em i mas winim Panthers. Olsem na nau yet em i trening gut tru ol pilaia bilong em.



• Ol pilaia bilong Magani i apim stret dispela pilaia bilong DCA na plaim em olsem wanpela hap pepa. Magani i winim DCA 28-22 long dispela gem.

GOODYEAR
The Choice of Champions

CALL FOR THE BEST PRICES
WITH BEST SERVICE AND
HAVE A GOOD YEAR WITH
GOODYEAR

GOROKA
Ph: 72 1848
Al's Auto Repairs
Pty. Ltd

MADANG
Ph: 82 2433

LAE
Ph: 42 1144

RABAU
Ph: 92 2757
92 2777

MT HAGEN
Ph: 52 1715

POPONDETTA
Ph 29 7175

PORT MORESBY
Ph: 25 5255

ARAWA
Ph: 95 1566
95 1516

ALOTAU
Ph: 61 1167
Milne Bay
Enterprises



BOROKO MOTORS

- PORT MORESBY PH 25 5255
- LAE PH 42 1144
- RABAU PH 92 2777
- MT HAGEN PH 52 1433
- MADANG PH 82 2433
- TABUBIL PH 58 3311
- ARAWA MOTORS PH 95 1566
- HIGATURU MOTORS PH 29 7175

WANTOK

SPAK MAIK!

EM BUNGIM MAIK NA BIKMAUS LONG EM...

YU @*?! GRIS LONG HUSAT? TOKIM MI NAU!!

ISI ISI LEWA... EM MI PILAI TASOL YA... NOKEN KROS...

MAIK I GIAMANIM MERI BILONG EM NA GIVIM SAMPELA MONI LONG KOLIM BEL BILONG EM...

...EM YA! KIDU BILONG YU!.. GO BAIM MUPELA PRES!

YE NEKS TAIM A? YU NO BAIM BRAID PRAIS TU!!

BIHAIN LIKLIK MERI BILONG MAIK I GO LUKIM PATER LONG HAUS LOTU...

INSAIT LONG HAUS LOTU, GELPREN BILONG MAIK TU I STAP...

MERI BILONG MAIK I ASKIM EM...

MAI SISTA!.. YU LAIK LLIKIM PATER LONG WANEM?

YA PLUS!.. WANPELA KALINSOL I GAT LAK LONG MI... NA EM TOKIM MI LONG MARIT.

MERI BILONG MAIK I KIRAP NOGUT TRU...

HUSAT??.. EM MAN BILONG MI YA!! YU LAIK MARITIM MAN BILONG MIA?

NAU TUPELA PAIT INSAIT LONG HAUS LOTU...

YU @X*?! LUS MERI!!

MI NO @X*?!@! KEA LONG YU!!

GOODYEAR

The Choice of Champions

CALL FOR THE BEST PRICES WITH BEST SERVICE AND HAVE A GOOD YEAR WITH GOODYEAR

GOROKA
Ph: 72 1848
Al's Auto Repairs
Pty. Ltd

MADANG
Ph: 82 2433

LAE
Ph: 42 1144

RABAU
Ph: 92 2757
92 2777


MT HAGEN
Ph: 52 1715

POPONDETTA
Ph 29 7175

PORT MORESBY
Ph: 25 5255

ARAWA
Ph: 95 1566
95 1516

ALOTAU
Ph: 61 1167
Milne Bay
Enterprises



BOROKO MOTORS

- PORT MORESBY PH 25 5255
- LAE PH 42 1144
- RABAU PH 92 2777
- MT HAGEN PH 52 1433
- MADANG PH 82 2433
- TABUBIL PH 58 3311
- ARAWA MOTORS PH 95 1566
- HIGATURU MOTORS PH 29 7175

COLOR USED

REBO

OL I PILAI I STAP NA PORO BILONG REBO I BRUKIM LEK BILONG EM...
HARIAD!! TOKIM REBO LONG SENIS! EM MAS KAM INSAIT NA PILAI!
HARIAD YAREBO!
...OLGETA SAPOTA I SINGAUT...
KAMON REBS!!

TAIM EM PILAI, TRAI I KAPSIT OLSEM WARA...
EM NAU!
106 24
REBO!
REBO!

TIM BILONG REBO I WIN NA OLGETA SAPOTA I RAN I GO INSAIT NA KARIM EM...
YAHOO!! REBO TASOL!
KIWI RAIDAS FO 89!!
...TIM MENESA I AMAMAS LONG REBO...

MERI MAORI I AMAMAS LONG LUKIM REBO I PILAI...
KAMON REBO! YU LEWABILONG MI YET YA!
YO REBS

EM I GO LONG OLPELA HAUS BILONG REBO NA PAINIM REBO...
EM HAUS BILONG REBO?

PINIKI

WAN WIK BIHAIN..... JOHN KISIM WANPELA PAS I KAM LONG KANDERE BILONG EM.
BAI MI MEKIM WANEM NAU YA??...

PAS I TOK.... JOHN, RAUSIM PIPIA MERI BILONG YU. EM SEMIM MI NOGUT TRU, EM MAS BAIM MI.

JOHN KISIM PAS I GO LUSIM LONG HAUS. PINIKI PINIS WOK, KAM LUKIM PAS NA I BIK MAUS....
AH! WANEM KAIN PAS TRU YA?!

NEKS DE PIKININI I PAINIM SIK.
OL LAIN BILONG YU KROS NATING LONG OL LIKLIK SAMTING NA PIKININI I SIK.
AH!..YU SAVE OLSEM WANEM?..


PIKININI I STAP ORAIT, TASOL TAIM PAS I KAM LONG PLES, EM I PAINIM SIK

JOHN SALIM PAS I GO LONG PLES NA TOKIM OL LAIN LONG KAM NA STRETIM TOK.
LAPUN! JOHN LAIKIM MIPELA KAM LONG HAUS BILONG EN BILONG STRETIM SAMPELA TOKTOK.
MIPELA LES PINIS LONG HAUS BILONG EM, TOKIM EM LONG KAM LONG PLES.

JOHN KISIM PINIS PAS I KAM LONG PLES NA I GO LUKIM BOS BILONG EM.
BOS!...A.. MI LAIK ASKIM YU, SAPOS TUMORO MI INAP GO LONG PLES BILONG STRETIM SAMPELA TOKTOK?
WANEM KAIN TOKTOK...A..? TUMORO EM TAIM BILONG EM I WOK.

PINIKI TU I BIN GO ASKIM BOS BILONG EM LONG GO LONG PLES. BOS I BIN TOK ORAIT.
ORAIT, BAI MI TUPELA I GO LONG PLES BILONG MI, NA SAPOS SIK I PINIS, BAI YUPELA BAIM MI.
NA SAPOS SIK BILONG PIKININI I GO BIKPELA, YU LUKAUT.

GONAU!
WANTAIM
SHARPIES
Banana Boat



KAM NAU NA LUKIM LONG SO RUM LONG WAIGANI DRIVE KLOSTU LONG ISLANDER HOTEL.

NA TINGIM, MIPELA TU I GAT OL EVINRUDE E-OUTBOARD MOTORS I STAP. PRAIS I NO DIA TUMAS

..Long painim pis, kisim kaikai i kam long maket, karim kago, i go piknik long ailan o long raun tasol... Sharpies Banana Boat tu i gat nem long ol kain kain wok long wara.

I KAM LONG
Boroko Motors
Marine Division
Phone: 255255 Ext 224.

Askim long Guy Lamont




Shell



Kina Kard

Ol Wina
 Hia em ol wina long
 namba wan resis.
 Mipela pulim long
 Fraide 17, Februeri.



TUPELA MOTO BAIK

J.K. Gagani
 PO Box 6748
 BOROKO

Kin Dogodo
 PO Box 153
 PORT
 MORESBY



15 BMX BAIK

Alan Kone
 PO Box 1215
 PORT
 MORESBY

Freddy Morove
 PO Box 6550
 BOROKO

Michael Dudgeon
 PO Box 476
 BOROKO

Chris Kake
 St. John's
 Ambulance
 PO Box 6075
 BOROKO

Terea Ito
 Bank of PNG
 PC Box 121
 PORT
 MORESBY

Peter Guba
 PNG
 Armoured
 PO Box 827
 BOROKO

Jim Gary
 PO Box 535
 BADILI NCD

V.H.S. Koba
 PO Box 1462
 BOROKO

Gobaki Gaona
 PO Box 19
 KWIKILA

Henry/M. Raugak and Mike Craig
 PO Box 4354
 BOROKO


Fabian Vali Fraghi
 PO Box 1659
 PORT
 MORESBY

Kapi Aunama
 PNGBC
 PO Box 78
 Port
 MORESBY

Henao Mea
 C/- United
 Church
 VABUKORI

TITUS T.T.
 PO Box 1358
 Avocoh NSP

Monica Maun
 PO Box 4045
 BOROKO



6 KALA TV

Locksy Ilo
 Alert Int.
 Security


Kameran's
 PO Box 6550
 BOROKO

Paul Wanjik
 PO Box 1108
 BOROKO

John Korowi
 PO Box 424
 BADILI

Gabe Dai
 PO Box 2622
 BOROKO

Matiabe Yumi
 PO Box 12
 TARI SHP



TUPELA JENERATA

Numa Gaeani
 Admin.
 Services
 PO Box 1207

Hore Nihara
 PO Box 84
 PORT
 MORESBY

Ol Wina i mas ringim John Powell long 25 7766 long kisim prais bilong ol. Tok save - Sapos yu no kisim prais bilong yu bipo long 5pm long Mas 1, 1989 bai mipela rausim nem bilong yu na pulim nupela wina.

HARIAP. RESIS BAI PAS LONG MAS 19 MIPELA PULIM LAS NEM BILONG WINA BILONG BIKPELA RESIS.



Kina Kard
Shell

Name _____
 Address _____
 Phone: _____



Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.